

Final  
Form



7-4-c-13.





LEGATIO ROMAM  
MARCHIONIS LAVARDINI,  
ET OB EANDEM  
REGIS CHRISTIANISSIMI  
C V M  
ROMANO PONTIFICE  
DISSIDIVM,

Vbi agitur de Iure, Origine, Progressu,  
& Abusu Quarteriorum Franchi-  
tiarum seu Asyli, &c.


*Et*

Refutantur Rationes à Lauardini Aduo-  
cato productæ, in Libello Gallico,  
cuius initium.

*Si l'Auteur, &c. Anno 1688.*

---

Anno recuperatæ Salutis  
MDCLXXXVIII.



## PRÆMONITIO.

*Monemus, ne quisquam religioni ducat  
lectionem huius libri, quamvis non præse-  
ferat nomen Auctoris, Typographi, Loci,  
aut Ordinarij approbantis. Verè namque  
in lucem prodit Superiorum permissu, &  
cum facultatibus requisitis. Oportuit tamèn  
ea nomina taceri ob rationabilem causam*

## AD LECTOREM.

**N**ondum calamum posueram, quando noua scribendi causa se offert ex militari Marchionis Lauardini Oratoris Gallici Romam ingressu, quo non urbem tantum, sed Europam omnem nouo exemplo, inusitatoque concussit. Hactenus Principum Legatos, quippe pacis ad ministros Mercurio similes vidimus; hodie Martem induerunt, armatosque se ostentant, caduceo in gladios mutato. Erit ergo, quem cupido incessat causas; modumque rei perdiscendi, quæ omnium oculos perstrinxit; & posteritas quoque gratiam habebit, tam noua, & grande periculum minantia ingenuè narranti; nam hæc causa scribendi mihi fuit; cum enim præuiderem pro partium studiis calamo pugnatum iri; ego, qui veritati vnicè me addixi, nec ab alio gratiam expecto; statui arenam occupare, & candida, liberamque afflictibus narratione, trophæum veritati figere. Video Galliam, Romamque collidi, maximum videlicet Regum, cum maximo Pontificum: istum innocentia tutum, illum potentia, fortunaque sua nixum: vtri victoria cedit, incertum mortalibus, & in arcana Diuinitatis repositum; nec enim semper aut potentior causa, aut melior vincit. Ego, si ex votis decidi res possit, pacem vtrunque optauerim. Caterum utcunque id cadat, narrandi, quam augurandi peritior rem totam à suis Principibus euoluam. Video quidem iam aliorum calamis hoc argumentum libatum esse, ac præsertim nupera scriptione, quæ Pontificis Innocentiæ XI. Bulla contra Lauardini Apologiam defenditur, Italico sermone, idque tam facundè, solidèque, ut nihil habuerint Aduersarij, quod responderent, contenti solum silentio, ac pudore cladem fateri. Prodiit quoque alia scriptio. Galli.

N. A. Z.  
 B. N. A.  
 V. N. A.

Ad Lectorem.

(a) Gallico sermone, qua Talonij Regij Aduocati Declamatio iniurijs plena, egregie refutatur. Ego ne quid supersit veritati noxium, Libellum Galli cuiusdam anonymi conuincere aggredior, quo Lauardini Apologiam sustentant, inani consilio, si clamores excipias, Tartarorum videlicet more, quibus strepitus pro pugna est. Et tamen quia multis abundat, quæ aut lenocinio Gallici sermonis, aut specie veritatis incautos fallant, confutandum suscepi. Quod si aliquis opponat mihi, nihil mea interesse, quid Romam inter Galliamque agitetur, nec mearum esse partium, hoc certamen dirimere, confestim respondebo, quod olim, inque simili causa ex filius suis respondit Hieronymus: (b) Canes latrant pro Dominis; tu non vis me latrare pro Christo? mori possum, tacere non possum. Sed age rem ipsam aggrediamur.

DE

(a) Titulus libelli Gallici est: *Refutation d'un libelle Italien* &c. Anno 1685. (b) S. Gieron. l. 3, contra Rufin.



# DE IVRE, ORIGINE, PROGRESSV ET ABVSV

Quarteriorum Franchitia-  
rum seu Asyli, &c.

S V M M A R I A.



1. Legatos Iure Gentium inuiolabiles esse, nec subiacere Iuri Talionis; non tamen Iure Asyli gaudere.

2. Infiniti ex hac Immunitate abusus. Asylorum, & immunitatum (quas Franchitias & Quartierios vocant) Historia Chronologicè, fus que exponitur, ac validissimè concluditur, hanc Immunitatem à Principum Legatis iniuste vsurpari, nec vnquam à Summis Pontificibus toleratam esse.

3. Innocentij XI. contra Franchitias Edicta, & quas ob causas?

4. Reges omnes Innocentij Diplomati acquiescunt sola Gallia reluctante. Ingressus Romam Marchionis Lauardini.

5. Lauardinus Excommunicationem incurrisse declaratur. Pontificis moderatio ..

6. Respondetur ad Libellum Anonymi: & primò ostenditur, nullam Lauardino ab Innocentio XI. Pontifice Maximo iniuriam factam.

7. Nihil contra Iura Legatorum actum esse, cum Pontifex Lauardinum pro Legato non habuit.

8. Romam esse communem Patriam, sed non ideo Lauardinum aliter à Pontifice excipiendum fuisse.

9. Magna esse Gallorum in Ecclesiam Romanam merita, sed non minora Ecclesiæ Romanæ in Gallos.

10. Refelluntur, quæ de ignorantia Diplomatis Pontificij Gallus enarrat.

11. *An Lauardinus sine debita forma Excommunicationis subiectus fuerit ?*

12. *An verum sit, Reges præsertim Galliæ, eiusque Ministros excommunicari non posse ?*

13. *Cur non ipso Pontificatus sui initio Asyla, & immunitates Legatorum Innocentius deleuerit ?*

14. *An verum sit, Lauardinum verbis Bullæ comprehensum non esse ?*

15. *Nihil obstare exemplum Sixti V.*

16. *An Innocentius ex voto Cardinalium Bullam ediderit.*

17. *An in causis temporalibus locus sit Excommunicationis ? & quid de minis & periculis à Lauardino declamatis ?*

18. *An excusari possint, quæ Romæ Lauardinus commisit ?*

19. *An consultius sit Asyla Ecclesijs adimere, quam Palatij Legatorum ?*

20. *An Pontifici Romano scandala adscribi possint à Lauardino narrata ?*

21. *An Lauardinus excusari possit exemplis S. Ludouici, & Philippi Pulchri, quos spreuisse Censuras dicit ?*

22. *Refelluntur, quæ de sacro in Gallijs fœdere Pontifici opponuntur.*

23. *An verum sit, durius cum Lauardino actum, quam cum aliorum Principum Legatis læsæ Maiestatis reis ?*

24. *An Pontifex debuerit abstinere Censuris, quia istarum usus sæpè noxius ?*

25. *An verum sit, Cardinalium vota, qui Bullæ subscripserunt, esse subreptitia ?*

26. *An Pontifex Innocentius ex Consilijs pendeat Religiosorum ignorantium, & minutorum, ut vocat, Prælatorum ?*

27. *Refelluntur, quæ Lauardini Aduocatus pro quatuor Propositionibus narrat.*

28. *An*

28. *An Bulla Pontificia Legatos non liget, quia Personam Regis representant?*  
29. *An Præscriptio Lauardinum iuuat?*  
30. *An Pisana conuentio?*  
31. *An Pontifex Innocentius malè in Gallos animatus sit?*  
32. *Quo animo Pontificem esse oporteat, si armis Galli experiantur?*

I.

**P** Rincipum etiam hostium Legatos immunes sanctosque esse, nec posse iniurijs violari res certa est, ac omnium Gentiũ exemplis, vsuque recepta; nec aliud magis omnium populorum abominatione ac probro damnatum, quàm Legatos contumeliã effecisse. Id verò tam notum est, vt rationibus & exemplis etiam Barbarorum supercedam. (a) Sed nullibi magis vt Romæ florente Republicâ, Legatorum immunitas valuit, adeò vt etiam seditiosis, & clandestinis consilijs imperium turbantibus parcerent, contenti eos obseruare, aut finibus proscribere, aut hosti, à quo missi erant, ad pœnam remittere. Vnde communior Politicorum sententia est, in Legatos etiam periculosa molientes, animaduerti non posse; alioquin si nulla Legatis impunitas, quàm innoxijs, quid plus illi haberent, quàm reliquum vulgus mortalium? nec vnquam ratio & pretextus Principi deesset Legatum persequendi, præsertim quia Legatus Principem representat; vnde quantacunque Legati sit culpa, Principis dignitati nocere non debet, quandiu hic ratam non habet. Abundantque exempla maximè Romanorum, qui nulla delicti specie, vt Legatum punirent, permoue-

A 2

ri po-

(a) Vide Grotium de Iure Pacis & Belli l. 2. c. 18. & l. 1. § quis ff. de Legation. Ioseph. histor. antiq. lib. 15.

ri poterant, iuris Gentium reuerentiâ. Insigne huius rei documentum apud Liuium. (a) Tarquinij Româ proscripti Legatos miserant, qui à Senatu Regios thesauros repeterent; præualuitque sententia, ut omnia redderentur; interim Legati nobilium animos pertentant, corrumpuntque; & dies condita, quâ Tarquinij in urbem reciperentur. Coniuratio ad Senatum delata; rei in vincula coniecti, securique percussi. *De Legatis*, inquit Liuius, *parum addubitatum est, & quamquam visi sunt commisisse, ut hostium loco haberentur, ius tamen Gentium valuit.* Dion quoque in excerptis Legatorum: *Cum inuenes quidam Legati à Carthagine Romam venissent, ibique contumeliosè quædam fecissent; missi sunt Carthaginem, traditique Carthaginensibus, ab his verò nihil ijs nocitum.* Tertio bello Punico Consules cum exercitu in Affricam missi sunt, iussique æmulam Imperij solo æquare. Romanos cum classe apulso, Legati Carthaginensium in castris adeunt, auditoque Senatûs mandato, plenam doloris, querelæ, indignationis, contumeliæque orationem effundunt, reuerentiæ obliti, & insultantibus potius quàm rogantibus similes; quibus Consul Censorinus: *Excedite castris incolumes, nam adhuc Legati estis.*

Addit Grotius, ne quidem iure Talionis violari Legatos posse: ius enim Gentium non solum cauet dignitati Legatum mittentis, verum etiam securitati ipsius Legati (alioquin nemo vellet officio fungi, si tutus non sit) & ideò iure Gentium, non solum cum Principe, verum etiam cum eius Legato tacitè contractum, pactumque videtur; sicque non quidem Principi fit iniuria, si iure Talionis Legati male habeantur, sed ipsis Legatis, quippè innocentibus, nec culpa Principum obnoxiijs. Non desunt quidem exempla Legati, malè accepti, habitique iure Talionis,

(a) Liu. l. 2.

nis, sed quod flagitium exemplis vacuum? Planè si meliorum Principum, & Rerumpublicarum exempla consulas, Romanæ præsertim (apud quam summa cura publicæ, inuiolatæque fidei) videbis nihil in Legatos Talioni licuisse. Narrat Appianus *de Bello Punico*, Romanorum Legatos malè à Carthaginensibus habitos esse, cumque vrgeretur Scipio, vt eodem iure Punici Legati, qui in castris erant, haberentur; respondisse: *Nihil quod Romanorum institutis indignum sit, fieri patiar*. Idem Pœni à Romanis ingenti clade acceptâ petendæ paci consilia agitant, sed nemo Romam ire ausus, quòd timerent, ne eodem modo eorum Legati acciperentur, quo ipsi Romanos accepissent, iniectis Consuli Cornelio Afina catenis, solus Anno fiduciâ Romanæ virtutis profectus est; & cum sermonè de finiendo bello cum vtroque Consulum sereret, eique Tribunus militum diceret, possè illi meritò euenire, quod Cornelio accidisset: (a) Consules Tribuno tacere, iussu: *Isto metu, inquit, Anno fides Ciuitatis nostræ te liberat*. Planè Romana fides eò Imperium prouexit, quò Politicorum nostræ ætatis artificia, nunquam peruenère, Deo etiam in hostibus suis virtutem amante. Eadem Venetorum Reipublicæ magnanimitas. Selimus II. Marcum Antonium Barbarum Venetorum Legatum custodiæ tradiderat; postea alium Legatum Venetias misit Cypro repetendæ, aut si Senatus abnueret, denuntiando bello. Is cum paria formidaret, magnificè à Venetis responsum: *Non esse morem Reipublicæ, vt Iura Gentium in Legatis violari permetteret*.

Eâdem immunitate gaudent comites & vasa Legatorum, vnde in antiqua fecialium forma hæc habebantur: *Rex facis ne me tu Regium nuntium Populi Romani Quiritium, vasa, comitesque meos?*

A 3

Fry.

(a) Valerius Maxim. lib. 6. c. 6.

Frustra enim esset immunitas Legatis data, si à Comitibus, rebusque eorum vis non abesset, sine quibus vita dignitasque Legatorum esse non potest.

Ius Asyli domibus Legatorum, pro omnibus, qui illuc confugiunt, planè iuris Gentium non est, nec ullæ Leges de hac re ostendi possunt: imò iuri gentium repugnat, delicta reosque impunè ferri, maximo publicæ quietis damno. (a) Iura Gentium omnibus communia sunt, at tale non hoc est ius Asyli, nam nec Parisijs, nec in alijs quàm plurimis Aulis locum habet; idque etiam Grotius fatetur, & Vviquefort in Tractatu Gallico, quem de Iure Legatorum scripsit. Alioquin maior Legatorum Palatijs, quàm ipsis Ecclesijs immunitas esset, in quibus non omnibus flagitijs Asylum patet. Aliæ quoque exceptiones sunt, quibus hæc Legatorum immunitas restringi debet, & quas postea recensebimus.

II. Cæterum, ut fieri amat, hoc immunitatis Privilegium infinitis Abusibus corrumpi cæpit, Romæ præsertim, ubi tot Asylius apertis, quot Legatorum Palatijs, adiectisque insuper ingentibus vrbis Regionibus, quæ Palatijs adiacent; tota ferè Roma in Asylum, aramque impietatis transijt, nullum enim tam atrox facinus, cui non Arx & securitas in aliquo Legatorum Palatio, aut si non omnia scelera Palatium capere, non in vastis areis, vicisque Palatio confinibus. Crederes reuixisse Romulum, qui beneficio Asyli vacuum vrbein Latronibus popula-uit. Romani Pontifices cum non possent domi suæ, in ipsaque Regia, & Metropoli Christianæ Religionis exultantem & impunitam impietatem ferre ingenti Fidelium scandalo, qui videbant plus Romæ flagitijs licere, quàm alibi gentium; idque ignauiam Principis dicerent; conati sunt licentiam repetitis edi-

(a) Grotius de Iure Pacis & belli l. 2. c. 18. n. 8. M. de Vviquefort nell' Ambassadeur Sect. 188

edictis coërcere, finemque abusus ponere.

Id verò vt se habuerit, altius repetendum duxi, basin enim ac fundamentum totius rei complectitur. Obseruandum igitur est, Ius Asyli antiquissimum esse, & quamuis primò immunitas Asyli quibusdam tantum Ciuitatibus, sacrisque locis concessa fuerit, vnde in antiquissima Iudæorum Republica *Ciuitates Refugij*, in Atheniensi *Aram misericordie* (a) legimus; paulatim tamen, vt fieri amat, ipsa Immunitas adeò extendi, proferrique cæpit, ac in abusum verti, vt ad quamlibet Cæsarium statuam Asylum metarentur; nec perditis hominibus, ac vltimum supplicium meritis, promptius remedium eludendæ Iustitiæ, quàm si Cæsaris imaginem amplecterentur; hanc verò scelerati quique in sinu gestabant, vt præstò esset, quò post delictum confugerent. Quantum hæc licentia processerit, eleganter Tacitus describit. (b) *Insidabat*, inquit, *detrimento cuique licentia impune probra, & inuidiam in bonos excitandi, arrepta Cæsaris imagine; libertique etiam ac serui Patrono, vel Domino cum voces tum manus intentarent, vltro metuebantur*. Igitur Caius Cestius Senator *disseruit*: *Principes quidem instar Deorum esse, sed neque à Dijs nisi iustas supplicum preces audiri. Abolitas Leges & funditu versas, vbi in foro, in Limine Curia ab Annia Ruffina, quam fraudis damnauisset, probra sibi, & minæ intendantur; neque ipse audeas iure experiri ob effigiem Imperatoris oppositam*. Credas Tacitum hodiernum Romanæ vrbs statum descripsisse, si quod ille de Principis imagine, tu de Principis Legato dicas. Ex hoc more ad statuas confugiendi ortum prouerbum: *Statuam amplecti*. Philostratus de statua Tiberij: (c) *Impietatis damnatus quidam fuit, quod seruum*

A 4

suum

(a) Pausan. in Attic. lib. 1.

(b) Tacitus in Annal. 13. (c) Philostr. 1.1.

*suum verberasset, qui drachmam argenteam Tiberij imagine signatam habuisset.* Sæpè à Senatu, ac Cæsaribus(a) Romę laboratum est, vt hanc corruptelam delerent, extantque adhuc Principum Leges, huius testes licentię, & edicta quoque pœnis armata. Nam primò causa illius, qui ad statuam confugerat, statim à Iudicibus examinabatur; si noxium reperissent, duplici pœna castigabant, & quòd deliquisset, & quòd statuam profanasset scelerato amplexu, ac velut criminum protectricem. Id ex Tacito patet, alijsque locis ad marginem supra notatis. Deinde inualescente abusu, non tantum Principum statuar, verum etiam ipsa Deorum templa criminosis sublata, adeò vt Suetonio, Tacitoque Auctoribus Senatùs Consulto decretum fuerit, totà Græcià nouem tantum Delubris ius Asyli permittendum esse. Quod si tanta cura fuit Idolorum cultoribus hoc malo vrbe.n liberandi, quanta Pontificibus esse debuit, quibus necessitas incumbit efficiendi, vt Roma non solum innocens sit, sed etiam sancta? Distinguat per annos, quid in hac re singuli Pontificum effecerint, vt tantò clariùs constet, quàm recens sit abusus magis quàm Priuilegium, quod Gallici Oratores tanto conatu, tantàque offensione Orbis Christiani sibi vsurpare contendunt.

Anno ergo MCCLX. Electus est Urbanus V. quo tempore Cardinales ius Asyli vsurpabant; ac Urbanus penitus sustulit: id ei Petrarcha his verbis gratulatur: *Audiebam te licentiam pestilentem salubri falce rigoris æquissimi præcidisse, illam dico, quæ scelestos homines gravissimis facinoribus perpetratis ad Cardinalium domos fugere solitos Legum modis, ac digno supplicio eximebat.* Vbi aduerte, Urbani tempestate hunc abusum solis Cardinalium ædibus con-

(a) V. L. i. C. de his, qui ad statuam Pr. conf. l. 8. ff. de var. & extraordi. crim. l. 28. ff. de pœnit. & c.



conclufum, Legatifque Principum ignotum fuiſſe; neque enim iſtos Petrarcha ſileret, & ad ſolos Cardinales abuſum reſtringeret, ſi ſoli non eſſent.

Anno MDLII. Iulius III. publico edicto omnibus Baronibus, Comitibus, Domicellis, Principum, Oratoribus, Episcopis, Archiepiscopis, Cardinalibus ſeuere prohibet, ne ius Aſyli aut Franchitiarum uſurpare audeant, declaratque læſæ Maieſtatis reos, qui Iuſtitia miniſtris, ne illorum Palatia, plateasque adiacentes ingredientibus, reſiſtere audeant, ac inſuper abominandum, ac deteſtabilem abuſum vocat. Vbi aduerte ex hoc Iulij Diplomate conſtare Aſylum, & immunitatem localem, non fuiſſe eo tempore habitam, agnitamque pro iure Regis Legatis debito, ſed pro iniuſtiſſima potentiorum inuaſione: ſi enim ius aut priuilegium eſſet Legatorum, non Comites, non Barones, non Episcopi, & Cardinales eo vterentur, & tamen æquè iſti ac Regij Legati illud ſibi vendicabant. Et qui poſſet à Iulio res *abominanda, & deteſtabilis* vocari, ſi ius, aut priuilegium eſſet? nec vllus, aut Principum, aut Legatorum de iniuria conqueſtus eſt, aut Diplomati aduerſatus; quod manifeſto argumento eſt, non habuiſſe illos pro iure aut priuilegio Legatis debito, alioquin ſi iura, & priuilegia ſua violari crederent, nunquam id ferrent, aut ſaltem non ſilerent. Præſertim cum Iulius ipſo anno vulgati Diplomatis cum Henrico Gallia Rege pacem inuiſſet; quis verò credat voluiſſe recentem pacem turbare, violatis Gallia Legatis, eorumque priuilegijs? Illud quoque pro Iulij, aliorumque Pontificum Diplomatiſus diligenter notandum eſt, in præſati Iulij III. Pij IV. Gregorij XIII. & Sixti V. Bullis non reperiri vocem. *Quartiorum*, ſed tantum *Franchitiarum*: Illa enim magis exprimit nouellum ius Aſyli, quod à paucis annis Legati uſurpârunt, quodque pro Legatorum arbitrio plu-

plures plateas, ædificque completitur, ex quibus facile paruum aliquam Ciuitatem componas.

Anno MDLXI. Octo videlicet annis post Iulij Diploma, aliud à Pio IV. in eandem sententiam vulgatum est, quo omnibus Cardinalibus, Oratoribus, ac Magnatibus Romanæ Urbis prohibetur, ne Asylum, aut receptaculum delinquentibus præbeant, neque aedes suas, aut alia quæcunque loca Franchitias appellare audeant. Appellatque hunc Franchitiarum, abusum rem pessimi atque perniciosi exempli; enormem, & detestandam. Vbi iterum obseruatur, fuisse hoc Asylum non à solis Principum Legatis tanquam ius aut priuilegium proprium, sed passim à Potentioribus, ut in rapto fieri solet, occupatum. In eodem Diplomate Pius testatur hanc ipsam immunitatem, seu Franchitiam non ab ipsis Cardinalibus, aut Oratoribus utpotè modestis, & Iustitiæ cultoribus, sed plerumque ipsorum familiarium culpa, & facto processisse. Non ergo hoc ius fuit aut priuilegium (id enim primò, præcipuèque Dominis competeret) sed famulantium vsurpatio & violentia. Neque hic quòque vlla Legatorum querela, aut indignatio legitur, quasi iniuriam paterentur. Idem Pius Anno MDLXV. Grauius contra aliquorum Cardinalium, Magnatumque licentiam in Consistorio inuectus est reos suis ædibus receptantium: protestans, id nupero Diplomati suo aduersari, seque omiſſis legibus, edictisque iam tandem ad facta, & pœnas processurum.

Anno MDLXXIII. Hoc est, duodecim annis post Pij edictum, Gregorius XIII. Iulij, & Pij Edicta, pœnasque confirmat, & Franchitias non à solis Principum Oratoribus, sed primo loco à Primatibus, & Cardinalibus, ac deinde à Principum Oratoribus vsurpatas esse testatur, non ergo hoc Legatorum priuilegium fuit, sed Cardinalium, & Præpotentium vsurpatio,

patio, quos Legati imitati sunt æmulatione auctoritatis, atque vt fieri solet, exemplo in alios aliósque grafsante.

Anno MDLXXXV. Sixtus V. simili omninò Constitutione Franchitias, seu ius Afyli perſecutus eſt, declarauitque priorum Pontificum Bullas, poenasq; inflictas non tantùm comminatorias fuiſſe; quique illas transgredereſſentur, non ſolùm ficto, ſed verò Maieſtatis delicto obſtrictum iri. Poſt Sixti Diploma vſque ad Urbanum VIII. non extant aliæ de hac Pontificum Constitutiones; nam cum lex iuſta eſſet, & Sixtus in iis præſertim, quæ ad Iuſtitiam, quietemque publicam pertinent, nemini parceret, nullo plebeiſſorum aut Magnatum discrimine; credi omninò debet ius hoc Afyli penitus proſtigatum eſſe. Sanè Traianus Boccalinus (a) in ſuis ad Tacitum Commentarijs (vixit Boccalinus ſub Paulo V. quindecim circiter annos poſt obitum Sixti) teſtatur, poſt tempora Gregorij XIII. quando non Cardinales tantùm, Magnatesque, ſed ſerè nobiliũ quilibet ius Afyli ſibi vendicabat, hunc abuſum ita ſublatus eſſe, vt Domui Dei plena ſecuritas redderetur, & Sceleratè vbique ac nulla locorum exceptione punirentur. Vbi obſerua, abuſum hunc Afyli ex nullo iure Legatorum proueniſſe; ſed ex promiſcua Magnatum, ac Nobiliũ licentia. Haud equidem ignoro, etiam poſt Sixti Constitutionem huius mali ſcintillas aliquas micuiſſe reis in Magnatum Palatijs impunitatem, quærentibus; ſed non ideò ſecuriterant, quippe Miniſtri Iuſtitia omnes vias, areasque Legatorum Palatijs contiguas percurrerant, nullo obſiſtere, & repugnare auſo; idque ex publicis monumentis, & tabularijs conſtat, in quibus quàm plurima huius rei exempla occurrunt.

Anno MDCXXVI. Cùm iterum aliquæ huius abuſus

(a) Boccalinus Commentarijs in Tacit. lib. 3. fol. 119.

sus reliquæ gliscere inciperent, Urbanus VIII. Iulij, aliorumque Pontificum constitutiones renouat, additâ etiam pro qualitate delicti pœnâ mortis, in omnes quotquot Iustitiæ effugiendæ causâ in Baronum, Cardinalium, aut Legatorum ædes se recipere, eorumque nomen inuocarent. Repetitum fuit hoc editum Urbani à Romanæ urbis Gubernatore Racagna anno 1634. Pontifice id ipsum per Chirographum urgente.

*Anno MDCXLIII.* Sub eodem Urbano ingenti dissidio inter Hispanicum Oratorem Marchionem (a) de los Veles, & Lamecensem (b) Episcopum Lusitanix Legatum exorto, totâ nocte Hispanici, Gallicique Oratoris (ad quem se Episcopus receperat) Palatia militaribus manipulis, excubiisque obseruata sunt. Imò Hispanico Oratore ad ædes Cardinalis Albernozii deuecto consultandi causâ, alia militum Centuria; custodiendo Palatio Cardinalis à Pontifice missa: nec tamen ulli Legatorum in mentem venit, quamuis Palatia sua militaribus custodijs obsepta viderent, vt de violata Legatorum immunitate conqueri auderent.

*Anno MDCXLIX.* Innocentio X. Pontifice, cùm duo (c) Sicarij per hortos Quirinales totidem nobiles Neapolitanos interemissent, peractoque homicidio Oratoris Gallici Palatio se abdidissent; immissi continuò cum militum Centuria Satellites, ingressique Palatium Sicarios ad supplicium eduxere, Gallico Legato ne verbo quidem auso repugnare. Denique non tantum ex quàm plurimis exemplis, actisque & Protocollis, ac Tabularijs publicis; sed etiam totius Romæ testimonio certum, notoriumque est, sub Urbani, & Innocentij longis Pontificatibus liberum fuisse Iustitiæ cursum, nulloque immunitatis,

aut

(a) Marçese de los Veles. (b) Monfig. Vescouo di Lamego. (c) Balli de Valences.

aut Afyli prætextu impeditum; imò sub ipfius Alexandri VII. initijs, quid hæc Legatorum immunitas, & Afylum, feu Franchitiæ effent, Romæ ignotum eft.

*Anno MDCLV.* Sueciæ Regina ingenti Magnificentiâ Romæ excepta, ac omnibus regijs honoribus culta cum Palatium Farnesium, quo poftèa Galliæ Legati vfi funt, ad habitandum delegiffet; nunquam de hoc Afylo aut immunitate postulanda cogitauit, quamuis Regina effet, nec etiam anno 1659. quando Romam reuerfa eft. Licèt poftèa anno 1668. tertio Romam delata, cum videret hanc immunitatem à Legatis prætendi, ipfa quoque eodem iure frui voverit.

*Anno MDCLXIV.* Conuentio Pifana inter Pontificem Maximum Alexandrum VII. & Regem Chriftianiffimum Ludouicum XIV. inita eft, litesque, vtrunque compofitæ, quæ ob violatam (a) Ducis Crequij Gallici Legati Perfonam insolentiâ Corficæ militiæ magna Italiæ mala minabantur, & quamuis ea conuentio non admodum læta fuerit Apoftolicæ Sedis, in ea tamen maximè, clarèque eluxit, quantum Galliæ Legati ab ea immunitate, ac iure, feu privilegio Afyli abfuerint, quod modò minaciter, impensèque postulatur. Cum enim Galliæ Legatus iniuriam à Corfis acceptam vehementer amplificaret, eamque reparari enixiffimè peteret, inter alios pacis articulos à Principe Matthia fratre Magni Etruriæ Ducis Romam transmissos is etiam fuit: *Vt ad maiorem Gallici Legati fecuritatem, non ampliùs Apparitoribus, feu satellitibus, militibusque licentia permitteretur Farnesium plateam (in qua Legati ædes) obeundi.* Ad quem articulum (vti ex Tabularijs, & documentis Secretariæ Statûs constat) nomine Pontificis responsum eft: *Non poffe in hanc*  
con-

(a) Duca di Crequi.

conditionem nulla ratione consentiri ; curaturum tamen Pontificem tam Gallico Legato, quàm eius palatio, familiæque eam obseruantiam, cultumque exhiberi, quem in alijs Principum aulis mos sit Legatis præstari. In quem locum Auctor Historiæ super hoc argumento Typis vulgatæ hunc Commentarium scripsit : Plateæ, areæque Farnesiæ immunitatem, quod attinet : non potuit illa à Pontifice cedi ; quid enim id aliud esset, quam Pontificem Dominium, ac Iurisdictionem abdicare, & illius Urbis partis, & quàm plurium locorum, quæ ab alijs Legatis Romæ obtinentur, quasque exemplo Gallici Legati æquè exemptas, immunesque ac Pontifici abstractas omnes Legati velint ? (a) Hæc responsio tam æqua visa est Galliæ Legato, ut postulatis abstergeret, contentus in colloquio de hac re habito cum Raspono Alexandri Plenipotentiariorum : Ut deinceps curaret Pontifex debitam venerationem Galliæ Legatis exhiberi, idque ut fieret, eas cautelas adhiberet, quæ alijs Legatis, ac præsertim Nuntijs Apostolicis adhiberi solent. Et in articulo 9. Pisanae Compositionis inter Rasponum, & Bourlemontium Pontificium, Regiumque Plenipotentiariorum nullâ Franchitiarum Asyliue mentione, ita demum conuentum est : (b) Serio enixeque Pontifex Maximus Ministris suis imperabit, ut Galliæ Legatos ea veneratione, ac honore prosequantur, quæ illis debetur qui tanti Regis, Ecclesiæque Præmogeniti, tamque à Summa Pontifice amati, cultique Personam sustinent.

Aliquot menses post Pisanam Conuentionem Dux Crequius Romam repetijt, nihilque ab eo tentatum (breui videlicet tempore, quo Romæ hæsit ut videri posset immunitatem, Asylumque prætereundum tam ardentem ab illo prius expetitum, tamque ab Alexandro

(a) Monsig. Rasponi Anno 1663. die 3. Iunii. (b) Monsig. Rasponi M. Bourlemont Anno 1664.

dro conftanter negatum. Patet ergo ex his omnibus, quæ in Piſana Conuentione, ac etiam poſt illam contigere, nunquam ius Aſyli, & Franchitiarum ad principum Legatos pertinuiſſe; nec enim Gallus inter alias conditiones Pontifici propoſitas hocius peteret, ſi iam haberet. Ille quoque loquendi modus, quo Crequius uſus eſt, uidelicet: *Vt deinceps ad maiorem Legatorum ſecuritatem non ampliùs permittantur Miniſtri iuſtitie Farnefiam Plateam percurrere.* His, inquam, verbis apertè Gallus confitetur noui aliquid à ſe peti, & hætenus Legatis inconceſſum. Ipſe quoque Pontifex Alexander quamuis neceſſitate adactus duriffimis conditionibus annuiſſet, nec tamen induci potuerit, ut Aſylo conſentiret, omnino palam fecit, hoc ius ad Legatos non pertinere; qui enim Gallis negaret debita, & neceſſaria, qui priorum metu tam multa conceſſerat indebita, nec neceſſaria? ſed & Crequius Gallie Legatus, quando nullam ampliùs Aſyli mentionem fecit, acquieuitque neganti Pontifici, ac dum Romam reuerſus eſt, nullam ampliùs huius priuilegij curam, aut deſiderium præſtulit, planè oſtendit, illud Legatis non deberi; alioquin ſi deberetur, nunquam ferret ſe, illo priuari, præſertim Rege iam armato, & Pontifice belli auertendi cauſa in omnia prono. Crequio Duci Legatione Gallica abeunti Dux (a) Chaulnes ſucceſſit. Hic equidem aliqua molitus eſt, quibus hoc ius Aſyli vindicare videbatur, ſed Pontifice non ſolùm inuito, & repugnare, verùm etiam liberrimè omnique loco, ac etiam in vicinia Palatii Farnefij (vbi Chaulnes morabatur) Iuſticiam, ut poſtea dicitur, adminiſtrante.

*Anno MDCLXVII.* Clemens IX. Pontificatum adeptus eſt. Hic mitiſſimis licet moribus, ac in Galliam præſertim indulgentiſſimis, nunquam ta-

men

(a) Duca di Chaulnes.

men passus est à Principum Legatis Asylum, aut Franchitias occupari, idque Romæ notorium est : constatque ex Tabularij, & Protocollis eo tempore scriptis, in Caupona ad Gallum Farnesio Palatio vicina (quam Galliæ Legatus de Chaulnes incolebat) in delinquentes animaduersum esse. Non ergo sub Clementis IX. Pontificatu hoc iure Asyli, & immunitatum Legati gaudebant.

*Anno MDCLXX.* Clemens X. in Pontificem delectus est, & hoc præsertim tempore abusus Franchitiarum apud Legatos inualuit. Hi enim non contenti hanc immunitatem, & Asylum sibi arrogare, eo quoque omnes Domesticos, Familiares, Opificesque potiri volebant, quotquot Legatorum insignia, quamuis ab istorum palatijs remotissimi ædibus suis præferrent. Deinde non tantum cum Romanam primùm inuherentur, sed toto tempore, quo illic morabantur; haud permissum Telonarijs accedere, suoque officio fungi, magno Domesticorum lucro, sed ingenti Cameræ Apostolicæ damno: & quamuis Pontifex mansuetudinis Sacerdotalis memor, vi pœnisque abstinere, semper tamen & Romæ, & in Principum aulis contra hos abusus declamatum est, adedò ut nullus legitimæ Possessionis, aut præscriptioni locus esse potuerit, quippe inuito semper Domino, & iuri, dominioque suo nunquam cedente; non ergo hæc præscriptio dici potuit, sed vsurpatio, quæ nunquam legitimum titulum parit, alioquin & latrocinia defendi posset, & quidquid vi aut potentiâ debilibus extorquetur. Crediderim ego, his Lepatorum conatibus ansam dedisse simultates, quas cum Cardinali Alterio exercebant ob nouum edictum, quo Legati vestigalibus subdebantur; resque eò processit, ut obductâ catenâ tormentis, puluere, plumboque oneratis, actisque militum excubijs Portæ Quirinales obseruarentur.

Hæc,



Hâc , inquam , occasione crediderim , Gallum, Hispanum, Venetum , Cæfareumque Legatos ( qui in communi causa velut ex condicto , vnitimque , agebant ) de vſurpandis , proferendisq; Aſyſis cogitaſſe . En Ærâ , annumque natalitium iſtius tam recentis abuſus , & quem tamen Lauardinus tam vetuſtum deprædicat , vt ſaltem antiquitate venerabilem reddat . Quamquam ne illo quidem anno dici poteſt fuiſſe natus , cùm , vt ſuprà monui nec Poſſeſſio , nec Præſcriptio naſcatur , quando , & quoties Dominus reſclamat ,

In hoc rerum ſtatu Anno videlicet MDCLXXVI. Pontificatum iniit Innocentius XI. Prima huius Pontificis cura illa fuit , vt corruptelas Aſyli proſſigaret , vtque tanto malo ſuauius mederetur , minori- que dolore , non cum Legatis , ſed cum Principibus , qui illos miſerant , res peragi cœpta . Iſtis , quàm ingentia , & quàm multa eſſent mala , quæ ex huiusmodi immunitatibus prouenirent , efficaciter demonſtratum , ac præſertim Chriſtianiſſimo Regi per Vareſium (a) Pontificis Nuntium . Hic enim , vt ex epistoſis liquet , quas Romam de hoc argumeno dedit , ſæpè multumque cum Pompona , ipſoque Rege locutus eſt , euicitque validiſſimis rationibus , vt ſæpè per Pomponam pollicitus Rex fuerit , ſe in hac cauſa non minus Pontifici , quàm alios Reges gratificaturum , nec inter iſtos ſe vltimum fore . Idemque poſteâ Vareſio Nuntio Rex ipſe repetijt . Regius quoque Confeſſarius Pater la Chaiſe Vareſij rationibus ſe victum profeſſus eſt , addiditque , Patrem Oliuam Societatis Generalem , cùm ſibi de hoc argumento ſcripiſſet , faſſum eſſe : *Recordari ſe , hunc Immunitatis abuſum à paucis annis cœpiſſe* . Hæc Regij Confeſſarij tam ingenua conteſtatio tantò plu-

B

ris

(a) Monſig. Vareſi Sig. de Pompona .

ris esse debuit, quantum ab eo profecta, qui Principis conscientiam moderabatur, & cuius partes erant non monere tantum, sed etiam vetare, quidquid animam Principis perdere posset. Quis iam non crederet, securum esse Pontificem tot Regijs promissis? & tamen mutauit aula; rescripsitque Varesius, proposuisse Regem Immunitatem tueri, & hanc inter iura reponere Galliz debita, longisque retrò annis possessa. Creditur hanc mutationem Româ ab Estreo Duce prouenisse, cui non pauca emolumenta à Delinquentium patrocinio.

Euenit interea, Apparitorem, qui ex loco haud procul Româ redierat, in platea Farnesia ab Estreo Legato detineri. Id causam Pontifici dedit, regias aures iterum pulsandi, edicendique Cardinali Rospiglioso, qui pro Estreo postulabat: *Se quidem metu peiorum conuiuere, nunquam tamen Legatos deinceps admissurum, nisi iniustissimo hoc Immunitatum iure decederent.* Effecitque ut dixerat. Barbaro Venetâ legatione abeunti Zenus successerat, & Apparitores Iustitiz ab eiusdem Legati familiaribus malè accepti fuerant, cum propè S. Marci palatium obseruati essent; continuo edictum pependit, quo percussores mortis damnabantur, & spes omnis Legato adempta visendi Pontificem, sicque Româ abscessit, deletumque eius loci Asylum, nec aliud à Republica suffectus Legati dignitate.

*Anno MDCLXXVII.* Edictum Romæ vulgatum, quo ijs vita & bona adempta, quippe læsæ Maiestatis reis, qui ad huiusmodi Asyla perfugerent. Id postea edictum *Anno 1680.* repetitum est, sed multò quàm antè seuerius.

*Anno MDCLXXIX.* Cum Romæ innotuisset Legatum Parisijs venturum, per Abbatem Laurum (nam Legatus Varesius iam mortem obierat) Regijs Ministris Pomponæ videlicet Colbertoque ærarij Præfecto,

fecto , ac poſtea eius fratri Colberto Croſij ſecretario Status nomine Pontificis inſinuatum eſt, nunquam ab hoc Legatum admiſſum iri, qui non prius Aſylo , ac immunitatibus cederet iniuſtè occupatis, additæque à Lauro inuiſtæ rationes, ſed nihil in aula promotum .

*Anno MDCLXXX.* Dux Radziuiilius quanquam Polonici Regni præcipuus, Regiuſque Cognatus, ac Legatus extraordinarius, & eo comitatu inueſtus, quo Principem decebat tot partibus inſignem, non tantum Aſylo ceſſit, eoque nunquam ex Regis ſui imperio vti voluit, verum etiam res, & impedimenta viſitari à publicanis permiſit, nullo tamen aut ſuo, aut Regis dedecore; quis enim dedecus dicat, aliena non rapere, & ſacrilegio abſtinere?

*Anno MDCLXXXIII.* Diſcedente Carpio (a) Marchione ad ineundam Neapolitani Regni Præſecturam, mox vicum Plateamque Hispanicam, & Palatij viciniam ſatellites percuſarunt, nec ceſſatum nouo Hispaniæ Legato Marchione Cogogliudo: nam non prius hunc Pontifex pro Legato agnouit, quàm profeſſus eſſet, ſe ex Regis ſui imperio Aſylo ceſſurum .

*Anno MDCLXXXVI.* Romam aduenit Comes de Caſtelmaine extraordinarius Angliæ Regis Legatus, nec alia optatior Legatio, aut maior gaudio Pontificis animum impletura; nam à centum retrò annis nullus ex Britania Legatus, quippè & rebelli, & perſecutrice Pontificis. Iam Rex ipſe Romanis genibus aduoluebatur, quid poſſet gratius euenire Pontifici? & tamen maluit hoc etiam gaudio fraudari, quàm aliquid committere indignum Pontificis Maiestate, ac Juſtitia aduerſum. Indictum ergo Angliæ Legato, niſi Aſylo renuntiaret, recipi à Romano Pontifice non poſſe. Renunciavit Legatus, ac etiam

(a) Marchese del Carpio.

res suas obseruari à publicanis permisit, nullo Regis dedecore, quippè spontè & iusta cedentis, cum nihil aliud à Pontifice peteretur, quàm vt Regij Legati Romæ eodem iure, quo in alijs Principum aulis haberentur. Planè hac in causa non potuit maior esse aut Religio Anglici Regis, aut Constantia, & Rectitudo Romani Pontificis. Quid enim Anglus petere non poterat in præmium reductæ Religionis iam centum, & vltra annos Angliâ proscriptæ? aut quid maius veteri Pontifex, quàm cum offendi, è cuius manu, arbitrioque Religio pendebat? & tamen neque istum tam grandis metus, neque illum tam grande meritum ad dexteram, sinistramue permouit. Omnino fateri oportet fuisse hanc actionem magno Rege, maximoque Pontifice dignam, & parem heroicis illis, antiquisque facinoribus, quæ tantoperè in historijs decantantur. Non credidit Innocentius lucrum tam grandis Regni totque animarum Deo probatum iri, si turpi conniuentiâ, ac modis Pontifice indignis pararentur: quomodo enim turpia, & indigna placere possint tam magno, tam generoso, & indolis infinitè nobilis, honestæque? num ergo Omnipotentia Deum defecit, vt Regna, animasque lucrari non possit, veramque Religionem Anglis persuadere, nisi adulatione, & artificijs non Deo tantum, sed quouis honesto senatore indignis? *Agat Pontifex, quæ non decent, vt Deus Anglia potiatur.* Miserum Deum! si opus habet tam sordidis consilijs, suâque Maiestate indignis! imò pereat potius Anglia; quàm vt Pontifex se ad indecora, & inhonesta demittat. Quid faciunt in Cœlis tot Legiones Angelorum, si Religio florere non potest nisi humanis flagitijs? Eadem Iobo, quæ Innocentio mens fuit, quando dicebat: (a) *Nunquid indiget Deus mendacio vestro, vt pro illo loquamini dolose?*

Et

(a) Iob 13.

Et Apostolo: (a) *Non sunt facienda mala, ut eueniant bona.* Et quid sanctos, & Apostolos loquor? Ipsi quoque Ethnici hanc veritatem professi sunt. Si multas Atheniensibus cum Spartanis erat alioquin fœderatis. Athenis in Senatu de bello agitur. Themistocles Senatorem petijt, cui modum in abdito patefaceret hostes profligendi: datus Aristides, cui arcanam fraudem exposuit, qua Spartana classis incendi posset. Redijt Aristides Senatu suspenso, ac magnum aliquid præstolante; tunc ille: *Perutile est Reipublicæ Themistoclis consilium, sed minimè honestum.* Exclamauit Senatus. *Quod honestum non est, non potest esse utile.* Ita Cicero, & Plutarchus narrant. Scio ætatis nostræ Politicis hæc axiomata, haud probari, quibus videlicet tota fiducia in blandiendi, fallendique artibus, nullâ curâ honesti: at ego non Politicis scribo, sed veritati, & huic tandem omnia cedent.

Anno MDCLXXXVI. Dux Estrens Galliæ Legatus repentina ferè morte sublatu est, voluitque Pontifex exequias paratissimè celebrari, eademque Pompâ, quâ Decanus Cardinalis efferri solet; nec ante Cadauer conditum permissum Iustitiæ Ministris, vt plateam, viciniamque Farnesiam obirent. Tantò pluris hæc humanitas Pontificis fuit; quòd cadauer Apostolici Nuntij, quamuis Archiepiscopi, diu Parisijs insensitum iacuit, tanquam Parochialibus iuribus subderetur. Mortuo ergo elatoque Estreo, iussum Apparitoribus, vt plateam Farnesiam percurrerent, datæque ad Ranuccium Cardinalem Pontificis Legatum literæ, quibus iubebatur Regi factum, rationesque Pontificis exponere; fecitque Ranuccius eâ facundiâ, momentisque argumentorum, quæ æquitas causæ merebatur, sed Rege immoto, & Legato, qui immunitatem tueretur, proficisci

(a) Ad Rom. 3.

iussu. Estreus quoque Cardinalis, qui eandem immunitatem tanquam Galliarum comprotector ambiebat, Romam excessit, delegitque villam propè Portam S. Pancratij. Hæc omnia Pontificem impulsere, ut Buſſam tandem vulgaret in ipso Pontificatus sui limine destinatam, retentamque, ac ab omnibus Cardinalibus, qui Romæ morabantur, subscriptam, Estreo, & Maidalchino exceptis, qui causas cur subscribere haud possent, se Pontifice coram allaturos spondere. Missa ad omnes Legatos exemplaria iussique Principibus insinuare. Repetebantur in hoc Diplomate superiorum Pontificum pœnæ, additâ Excommunicatione maiori ipso facto incurrendâ, solique Pontifici reservatâ in eos omnes, qui iure Asyli, aut potiri, aut vti vellent; cum enim nemo amplius superesset ex Magnatibus Pontifici subiectis, qui sibi hoc vendicaret, credidit Pontifex, non alijs armis, quam spiritualibus utendum, quibus nemo Christianorum exemptus est.

Rege interea Lucemburgo Parisios reuerso, non omisit Ranuccius apud Regem, Regiosque Ministros insistere, ne Legatum ad Pontificem mitterent, nisi iure Asyli abdicato, alioquin nunquam Romæ pro Legato habitum iri: Idem Lauardino sapius reperi-tum, ac tum præcipuè, cum profecturus Nuntium Apostolicum inuiseret. Quamvis enim hic millies testaretur, se ad Pontificem gratissima afferre, ac plena reuerentiæ, semper tamen responsum est, nihil isthæc profectura, nisi Asylo absisteret.

Sub initium ergo Septembris Lauardinus lentis itineribus Italiam versûs profectus est terrestri itinere: & mari familia, cui ingens Officialium, militumque ex Gallica Classe numerus accessit. Pontifex intellecto Lauardini in Italiam aduentu, denuntiari iterum iussit Estreo Cardinali, se nunquam Lauardinum pro Legato habiturum, si iure Asyli potiri vellet.

let. Sed & omnes Cardinales, Prælatique, quotquot Romæ agebant, iuffu Pontificis moniti funt, recordarentur Pontificij Diplomatis, quod ipfi fubfcripferant, quoque omni focietate cum Lauardino arcebantur: quippè qui contra omnium Principum, Gentiumque iura toties recusatus, vi tamen, & in contemptum Principis Legatum ageret, feque in cenfuras, & anathemata fpon te indueret, fimulque iuxta Galliæ Conuentiones & Concordata ijsdem Cenfuris omnes, qui cum eo agebant, inuoluerit.

Sufficeret hiftorica hæc enarratio, fuiſque annis diftincta ad euertendum, quidquid pro hac immunitate tuenda Lauardinus, alijque ſcripſerunt. Id verò vt palàm fiat, iuuat aliqua obſeruare.

Et primò quidem has Immunitates non poſſe ex iure Legatorum, aut ex Principum, à quibus mittuntur, reuerentia proficiſci. Vidimus enim eas non à Legatis tantum, ſed ab omnibus ferè Baronibus, Magnatibus, Cardinalibus, imò, vt Boccaltus loquitur, à quouis ferè nobili occupatas eſſe. Qui ergo dici poteſt Legatis proprium, quod tam multis commune fuit? Nec potiori titulo Legati quàm alij; omnes enim vno eodemque modo uſurpabant: nec Pontifices omiſſent iuris, aut priuilegij reminifci, ſi aliquod Legati haberent.

Secundò. Quoties Pontifices in has immunitates edictis pugnabant, nullum vnquam (excepto Lauardino) legas repugnàſſe, aut ius aliquod prætexuiſſe, quod manifeſto argumento eſt, nunquàm fuiſſe à Legatis pro legitimis habitas: quis enim credat ex tot Principum Legatis, fuorumque iurium, etiam quæ non habent, tenaciſſimis, auſum neminem eſſe, non dicam obniti, ſed ne conqueri quidem, ſi illis fiderent? Tacuerunt, quia nulla ſupperebat ratio loquendi.

Tertiò. A Iulio III. uſque ad uiuentem Pontifi-

cem, quoties scintilla aliqua micabat istarum immunitatem, toties edictis pœnisque obstitisse Pontifices; quod solum sufficeret abruptendæ Præscriptioni: si enim mille annorum spatio nemo me invito & Iudicem appellante domum meam præscribere potest; qui poterit tantam vrbs partem tanquàm amplam Iurisdictionem?

*Quartò*. Imò non tantum edictis Pontifices contra huiusmodi immunitates pugnârunt, quod, vt dixi, sufficeret, ne præscribi possent, verum etiam reipsâ abolitæ, sublataque; idque *tum* ex silentio Legatorum constat, quo Pontificijs edictis acquievere: *tum* ex publicis documentis, & Protocollis, in quibus quàmplurimos actus reperire est, administratæ per Apparitores Iustitiæ, idque in ijs ipsis locis, quæ modò exempta iactantur, Legatis nihil ausis repugnare: *tum* ex Petrarchæ, Boccacini, Patris Oliuæ Societatis IESV Generalis: imò ex totius ferè vrbs testimonijs, quæ hodieque recordatur, vsque ad Clementis X. Pontificatum liberam fuisse Romam tam turpi, noxiæque seruitute, quamuis Clemens (siue ob festam annis ætatem, siue ob similtates inter Cardinalem Nepotem, Legatosque alijs ex causis ortas) edictis, pœnisque abstinuerit; certum tamen est, grauissimè apud Principes conquestum esse, quod solum sufficeret præscriptioni truncandæ. Sed nihil æquè hanc veritatem ostendit, vt Pisana Conuentio, in qua licet Creguius Galliæ Legatus hanc immunitatem enixissimè peteret, eamque nouam, & insolitam esse fateretur; licet Pontifex Alexander temporum acerbitate durissimas condiciones acciperet; nunquàm tamen immunitas impetrari potuit: cessitque Legatus, cum Pontificem obfirmatum videret: nec Romam postea reuersus de hac immunitate ac Iure Asyli quidquam cogitauit, liberis Iustitiæ Ministris, omnesque vrbs Regiones & plateas oberrantibus; non

ergo.



ergo tunc temporis hoc iure Legati gaudebant.

*Quintò*. Denique ex iis, quæ hæcenus narrata sunt, palàm est, Innocentium XI. Pontificem Maximum in abolendis Legatorum Asylis summo quidem iure processisse, sed summâ quoque moderatione, ac planè pœnitissimâ, & Patris potius, quàm Principis more. Primò nihil cursim & impetu factum, sed omnia diù, lentèque maturata, ac prius vndecim annorum spatio discussa, quàm Bulla ederetur. Deinde nihil contra Legatos à Pontifice decretum, imò omni hōnore obseruati, preces tantum & querelæ in aulis Principum ac Parisiis porrectæ, idque toties, tamque efficaciter, vt faterentur Ministri, iusta postulari, & Rex ipse omnia promitteret. Vtque suauis minorique pudore Gallia inuitaretur, præmissa aliorum Principum exempla, Poloniæ videlicet, Angliæ, Hispaniæquæ, Asylò cedentium: nihil quoque Romæ inmutatum, dum Legati viuerent, sed expectatum, dum vitâ aut saltem Legatione abirent; ipsi quoque Estreo, quamuis defuncto tanta reuerentia est habita, vt ante exequias nihil in Palatium, viciniamque Farnesiam Apparitoribus liceret. Ipse Lauardinus, quamuis nouo inusitatoque exemplo Romanam militariter inuectus, ac Pugnatori potius, quàm Legato similis, ædesque Farnesias, ac vicinam regionem armatis, excubiis, eircitoribus, puluere, plumbo, granatisque ac omni apparatu militari implêset, perinde ac si castrum non Palatium occupâset, in eâque vrbs parte Dominatum ambiret Pontifice excluso; hæc omnia, quæ non dico nullus Principum, sed nec ullus Ciuium domi suæ pateretur. Pontifex tamen placidissimè tulit, non arma, non Principum vicinorum fœdera, non pœnas opposuit, innocentiam tantum suâ & iustitiâ nixus. Quæro, an à Pontificis, aliorumque Principum Legatis Galliarum Rex hæc fieri Parisiis pateretur? passus est tamen Innocentius. Quid potuit

potuit ampliùs? Nam Censuras quod attinet, non illas Pontifex in Lauardinum vibrauit, sed Lauardinus se vtrò in illas induit. Quæ culpa Venatoris, si iaculum in feras destinatum tu spontè incurras? nec enim Innocentio animus fuit, cum sub pœna Excommunicationis Asylum prohibuit, vt Lauardinus eam incideret, sed vt vitaret; si ergò noluit vitare, sed potius incidere, non Innocentius accusari, sed Lauardinus debet; nam vt benè obseruauit Augustinus: *Non vult ferire, qui dicit caue.*

Hactenus ordine Historico exposuimus originem, progressumque Asylorum, quæ à Gallico Legato tantâ contentione expetuntur; superest, vt ostendamus, quas ob causas Innocentius XI. abolita ea voluerit; multæ enim, grauissimæque Pontificis animum urgebant, ac tantæ rei pares.

III. *Primò* infiniti abusus, qui huic immunitati miscebantur. Nulla ferè vrbs populo sacro, profanoque ac præsertim externo frequentior: par populo delinquendi licentia multitudine ac exemplis protecta, sed præsertim facilitate impunitatis, sparsis totâ vrbe Asylis; nullum enim crimen, cui non continuò Palatium aliquod, imò vicus pateret; hîc secura flagitia, imò Principi insultantia; quanto hoc fidelium scandalo in ipso Religionis domicilio, non impunitam tantum impietatem videntium, sed etiam florentem, minacemque? quanto Pontificis dedecore, qui videre, patique cogeretur, quæ nollet? Nec verò corrigi abusus, delerique aliter poterat, quàm sublata causâ, hoc est iure Asyli. Quamuis enim Legati omnia pollicerentur, nunquam tamen fauor, clientelæ, preces, largitiones, alijque prætextus aberant reos protegendî, docuitque experientia, sisti flagitia non posse retentis Asylis, & Legatorum promissa semper effectû caruisse.

*Secundò.* Non minima pars vrbs supremo Pontificis

ficis imperio subducebatur, dominio inter tot Legatos velut inter tot Principes diuiso : quanta hac feruitus, quantumque periculum, ne deinceps peiora sequantur?

*Tertiò.* Nullibi terrarum hæc licentia permiffa, cur ergo Pontifex pateretur, quod nulli Principum? aut cur Romæ liceret, quod Parifijs, quod Londini, quod Viennæ, quod nusquam licuit?

*Quartò.* Accedebat spes maxima rem tanti momenti feliciter explendi, modò Pontifex vadum experiri auderet, nec primo torrenti cederet. Quippe optima causa, & iustissima agebatur, ac omnibus probata. Conftabat Pontificem non impetu, non indignatione, alijsque priuatis rationibus ferri, nulloque suo, aut fuorum commodo, fed folâ neceffitate urbem purgandi tam indignâ, noxiâque feruitute. Accedebat insignis Veneratio, quam Innocentius fibi toto Orbe Chrifftiano parauerat : fumma morum integritas; animus omni affectu vacuus; nulla familiaræ extollendæ, aut propinquorum cura, quos pro externis habere videbatur; publici tantum boni immenfa follicitudo. Vrbs quàm plurimis, infolitisque corruptelis purgata. Religionis, difciplinæque Ecclefiafticæ flagrantiffimus Zelus, nullo priuatorum, magnatumque delectu, nec tamen immodicus, & accufationi obnoxius, aut prudentiæ expers: id enim in hoc Pontifice præcipuum, quòd cum animi magnitudine, & constantiâ nec Bonifacio VIII. nec Sixto V. cedat, multò tamen illis moderatior, feueritate pacata, & amoris, ac reuerentiæ in Principes mixtâ, quos nec prouocet, nec tamen formidet. Populus, quantum licuit, oneribus fubleuatus. Summa Domi frugalitas, fed foris fumma quoque, & maior dictu, credituque liberalitas, immenfo in Turcicum bellum profuso auro; fed præcipua in Deum fiducia, & ideo par fiduciæ felicitas, nec enim alium retrò feculis

culis Pontificem reperias in proferenda Religione, magnitudine rerum gestatum parem. Austria Turcicis armis, quæ totam Europam concusserant, liberata. Hungaria, Sclauonia, Croatia, Græcia, Peloponnesus præter Insulas quàm plures Barbaris adempta, & quod miraris, hæc omnia ægro plerumque Pontifice, nec tamen otioso, sed consilijs, Legatis, ac præsertim immensis Thesauris omnia promouente. Taceo alia, quæ modestiam Pontificis feriant, si palàm fiant, meque adulationis notent, quam auersor. Hæc ergo omnia, vt maximam Innocentio venerationem, ita parem fiduciam pepererant, fore, vt quidquid in tam sancta causa, à tam sancto Pontifice, ac ipsis quoque hæreticis laudato fieret, ratum omnes Principes, acceptumque haberent: & habuerunt planè, cesseruntque Asylo.

IV. Cum solo Galliarum Rege pugna superfuit, flagratque in hunc diem semper maiori flammâ, sed Pontifice æquè immoto, inuitòque; nam præter rationes, quas suprà libauimus illa quoque accessit; non posse Gallos audiri, quin Principes omnes, qui Asylo renunciauerant, offendantur, quippe se sperni crederent repeterentque iam concessa, peiori quàm antea malo. Denique Innocentius à primo Pontificatûs sui ingressu Christianissimi Regis animum per Varesium, per Laurum, Ranucciumque Ministros suos pertentauebat; ostensâ efficacissimis rationibus Asyli abolendi necessitate: & à Rege magnificè responsum: *Se aliorum Principum exempla obseruaturum, nec vltimum fore, qui tam iuste petitioni deferret.* Quid ergo sibi Pontifex non sponderet à tam propensa, testataque Regis voluntate? Agebat tunc temporis Legatum Gallici Regis Dux Estreus, noluitque Pontifex eius Palatij prætenfam immunitatem, Asylumque turbari, dum viueret, ratus hanc quoque moderationem profuturam

ram placando, lucrandoque Gallia Regi, nec multò post Eftreus, viuus excessit. Iussi satellites Palatii aream, viciniamque obire, haftenùs iustitiæ inaccessam, non priùs tamen quàm elato funere, iustifi- que peractis, vt sic quoque mortui cineribus veneratio haberetur. Regibus quoque denunciatum, neminem à Romano Põtifice pro Legato habitum, admiffumque iri, nisi Asylo renunciaret. Videbatur Hispania Rex oblectaturus, sed continuò cessit, Pontificis. & iustitiæ, quæ sola quærebatur, reuerentiâ. Solum ergo cum Gallia bellum fuit. Diu illic dubitatum, quid fieri deberet Lauardino iam proficisci, iam consistere iussò, donec tandem profectio decreta, imperatumque Legato Asylum tueretur. Mirari subit, quæ tandem causa Regem Christianissimum impulerit, vt tanto ardore hanc causam promoveret. Nihil enim eius dignitati decedebat, si omnium Principum exemplo, latrocinijs, sacrilegijs, adulterijs, raptibus, homicidijs, alijsque vrbis sacræ flagitijs hoc præsidium subduceret: nec ideò minor, si non feruiret sceleratis. Multis ergo in mentem venit, aliud hoc cum Pontifice bello quàm Asylum quæri: nimirum, vt victorias Cæsaris moraretur Italia armis turbatâ: at ego nihil tale de Christianissimo Rege crediderim; quidquid fuerit, Lauardinus Italiani tenuit, confeditque haud procul Romam; sed iussu Pontificis nunquam in Prouincijs Ecclesiasticis apparatu Legati exceptus. Tandem ingredi urbem statuit; delegitque Dominicam diem, decimam sextam Nouembris anni octogesimi septimi supra millesimum sexcentesium. Pompæ hic ordo fuit. Præibat ingens equitum armatorum globus, gladiis sclo- pisque breuibus, longis, medijs instructus, sequebantur quadraginta currus impedimentis onusti: post hos alia equitum æquè armatorum turma; tum acies nobilium in equis iuuenum, aliique magno numero famu-



famuli, qui rhedam Legati pedites ambiebant, in ea præcipuo loco Cardinalis Estreus, purpurâ amictus; dexteram Legati vxor, læuam filia tenebat, ex aduerso Maidalchinus Cardinalis, cui ad sinistram Legatus Gallicus. Iacti quoque in accurrentem populum argentei nummi, quibus ad Gallici Regis nomen celebrandum inuitaretur, sed à paucis acclamatum, iisque miserrimis. Subeuntem palatium binæ armatorum alæ, dexterâ læuâque sparsæ in æquis excepere, noctu excubiæ palatio adhibitæ, iussæque, militariter palatium, viciniamque obire, ne quis Asylum turbaret: impedimenta quoque armatis vallata, submouēdis telonarijs: Nocturnum epulum Estreus Cardinalis Legatus exhibuit. Is priuò ad Cardinalem Cibus, postea ad Summum Pontificem admitti petijt, sed ab utroque reiectus est. Romæ interim pergebatur publicis, priuatisque precibus Deum implorati, ac supplicationes obiri, singulis Religiosorum sodalitijs ad templa quotidie procedentibus; crederes publicam calamitatem vrbi imminere, eique euertendæ Romam certatim laborare. Cum Pontifici aduentus, & Pompa Legati nuntiaretur, fertur respondisse: *Hi in curribus, & hi in equis! nos autem in nomine Domini ambulabimus.*

V. Planè nouâ specie Roma intremuit, ipsique Galli auersati sunt; Legatum videlicet, pacisque interpretem militari apparatu terrenti, bellantiq; similem alienam Ciuitatem inuehi, arcemq; Religionis calcatâ Principis Maiestate; id à nullo Legatorum factum. Sed nec vlla tanti strepitûs causa; si enim vim metueret, quantulæ hæc copiæ, vt armato Pontifici obfisterent, cogerentque inuitum? si nihil metueret, quò tanti apparatus, nisi fortè vt Principi insultaret? dissimulabat interim, ferebatque Pontifex, contentus Legatum non agnoscere, idque toti aulæ indictum. Instabat dies Sanctæ Lucæ sacra, quæ in Lateranensi

ranenfi Ecclefia folemni ritu ac Legato coram peragi  
folet in memoriam Henrici IV. Galliarum Regis:  
iufserat Pontifex, fi Lauardinus adueniret (quippe  
censuris adftrictus) continuò faces extinguì, facrum-  
que abrumpi, ac tantum cefsare. Id vbi Legato inno-  
tuit, differri iubet facram ceremoniã in alium diem:  
fed Pontifice negante vllam efse differendi caufam,  
cùm Canonici oftendiffent, inter eam Ecclefiam, Re-  
gemq; conuentum efse, vt Legati arbitrio ftaret, quã  
diem eligeret, continuò acquieuit, permiffitque trans-  
ferri. Memorare id volui, vt moderatio Pontificis  
palàm fiat, flagrantis quidem, fed intra rationem, ci-  
traque exceffum, quod in Principibus rarum. Plura  
scribere omitto, quã nihil refert fcire pofteritatem;  
quippe aut minuta, aut offendendis animis apta, quos  
ego pacari malim, componique. Illud tantum adij-  
ciam, quod maximè hanc litem Romam inter, Gal-  
liamque incendit. Nocte Natiuitati Saluatoris facrà  
Lauardinus S. Ludouici Ecclefiam adit, facroque,  
epulo accumbit, strato puluinari, aliifque Legatorũ  
infinibus vfus. Re ad Pontificem delatã non potuit  
pœnis, iuftãque feueritate ampliùs temperare, quam  
hactenus cohibuerat, quàmque Lauardinus videba-  
tur non tantum prouocaffe, fed etiam ab inuito ex-  
torfiffe. Conftabat censuris obftrictum efse ob vfur-  
patum Afylum, armifque retentum; id enim sub ex-  
communicatione latæ fententię, ipfoque facto incur-  
rendæ Pontificium Diploma prohibuerat: ferebat in-  
terim Pontifex, diffimulabatque, & moras induciasq;  
neftebat. At poftquam Lauardinus proceffit, in ipfa-  
que Ecclefia, & totã Romã fpectante, ac cùm maxi-  
mè oportebat Deum, eiusque Vicarium placare, cõ-  
temptum profefsus eft, quid potuit aliud Pontifex,  
quàm vt tandẽ excitaretur toties excufus? & tamen  
tunc quoque modiffimè actum, nec fupra neces-  
fitatem. Iubet ergo per Cardinalem Vicarium inter-  
dictum

dictum Gallicæ ædi affigere adiectâ causâ: *Quodd Lauardinum notoriè excommunicatum ad sacra admiffissent*. Potuit aliquid minus fieri à Pontifice, à toties pronocato, offensoque? Missi etiam à Gallis citatis equis veredarij, qui Regem omnia, quæ contingerant, causasque edocerent: simulque Apologiam Lauardinus vulgavit, quo factum purgabat, negabatque se censuras meruisse.

Lubet hic obseruare, quantâ in hac causa moderatione Innocentius processerit.

Nam primò noluit Pontifex nouum Diploma, quo Asylum persequeretur, vulgari, viuente adhuc Estreo Duce Galliarum Legato. Mortuo Estreo præmissa sunt exempla omnium Regum Principumque Asylo cedentium, ut tantò suauius Gallia inuitaretur, minori-que pudore, si vltima cederet. Lauardinum quamuis militari, hostilique paratu ingressum, & armatis obseptum, ac bellum, quàm pacem afferenti similiorem; non tantum Prouincijs ac Vrbe non prohibuit, quod facillè poterat, & nemo non Principum faceret; verum etiam adsimisit, tulitque fremente populo, & iura ac Principis Maiestatem violatam esse conclamante. Quando non dico Rex Galliarum, sed alius minorum Principum hâc specie Legatum domi suæ ferret, tantoque publicæ quietis damno? superauit ergo Innocentius non solum omnium Principum, verum etiam priuati Ciuis patientiam. Palàm quoque erat Lauardinum censuris esse implicitum, quippè violati Diplomatis reum: nihil tamen Pontifex mouit, sed ignorant aut conuiuenti similis rem tempori commedabat, minimo contentus, hoc est pro Legato non agnoscere, Deumque publicis precibus placare. Nec vnquam Lauardinum, pro excommunicato declarasset, nisi ille palàm & cum pompa contemptum professus telum ab inuito extorsisset. Quod si animus erat Pontificem spernere, quæ, rogo, necessitas id cum tanto

appa-



apparatu, fastuque ostentare, ipsâque nocte flagrantis totâ vrbe pietatis. Nec dici potest, non id Lauardinum præuidisse; nam Pontificis animum, cum de festo Sanctæ Lucie ageretur, iam explorauerat. Sed age, Anonymi Auctoris Libellum quique Lauardini Aduocatū se fecit, iam percurramus.

VI. Primò igitur opponit Anonymus: (a) *Nihil unquam iniustius maioriq̃ue iniuria contra Principum Legatos, quàm quod nuper Romæ contra Lauardinum tentatum esse.*

Antiquissima est præpotentium querela, vt sibi iniuriam fieri dicant, cum alijs faciunt. Quoties ouibus à Lupo obiectum est, turbari ab illis fontem, cum tamen infra lūpū aquarentur? si iniuria est, quid quid Gallo non placet; fateor magnam accepisse Lauardinum: & nego hinc oportere iniuriam æstimari. Dicitur ergo iniustum, quidquid sit contra ius alterius: prius ergo probari oportuit, ius fuisse Lauardino, inuito Principe, ad quem mittebatur, se pro Legato ferendi, implendique metu, & armis urbem, vt reliqua tamen superius narrata, & quæ non dicam, nullus Principum, sed neque vllus Paterfamilias domi suæ pateretur. Hæc si iure fecit Lauardinus, accusare Pontificem potest; sed cui mortalium persuadebit, id iure factum? Comparentur, quæ Pontifex à Lauardino tanto iam tempore passus est Romæ, quæque Lauardinus à Pontifice; & mox constabit vter iniuriam acceperit.

VII. Secundò: Ignarissimos esse iurium dicit (b) *qua Regibus conueniunt, quicunque negare audent, non pendere ex Principis arbitrio Legatos constituere; istis verò iure gentium honorem, ac venerationem deberi: sic omnium populorum moribus receptum esse, etiam cum bello implicantur. Quæ ergo contra Lauardinum Pontifici Romano suggesta sunt,*

aliena esse; à communi sensu omnium Gentium bene honesteque institutarum. Posse quidem Regibus supplicari, ut Legatos suos amoveant, quoties publicam pacem turbant, aut alias hostilia moliantur, dum tamen morantur, Legatorum more colendos esse. Ne apud incultissimos quidem Barbarorum auditum, lectumque esse, ut eo prætectu Legatorum dignitatem violarent, quod ipsi nollent Principum suorum iuribus cedere. Hæc verò si locum habeant apud Principes merè sæculares, multò magis apud Pontifices Romanos, quorum potestas precaria sit, pendeatque ex filiali Principum reuerentia, præsertim verò Galliæ Regum, unde tota in temporalibus Pontificum dignitas. Esse Romam omnium Gentium communem Patriam, sicque oportere omnium Principum Legatis frequentari.

Hæc Auctor longâ Oratione, sed rebus vacuâ. Supponit enim Lauardinum Legatum esse, utque Legatus sit, ex solius arbitrio Regis, qui mittit, pendere. Supponit iterum, si Rex Legatum remouere nolit, quamuis ex iustissimis causis id Pontifex petat, nihilominus etiam ab inuito tolerandum, & pro legato habendum esse. Hæc pro tam certis habet, ut ignorantissimos esse dicat, qui negent: & tamen tam falsæ sunt, & ab omnium sensu aliena, ut nihil magis; sed oportuit paginam implere, & quod veritati defuit, cōpensare conuictijs honesto calamo indignis. Veritas sic habet. Legatus est Persona publica, quæ à Principe ad Principem mittitur, pacis aut alterius negotii causâ. Legatus igitur non vnus tantum Principis mittentis, sed etiam eius, ad quem mittitur, assensu, & voluntate constituitur. Duo, inquit Grotius, (a) requiruntur, ut quis Legatus constitutur, auctoritas videlicet mittentis, & Principis, ad quem

(a) Grotius de l. pacis, & belli l. 2. c. 18. n. 5.

quem mittitur. Legatorum quippe immunitas & officium ex tacita partium conventionē proficiscitur, ut idem Grotius notat; hæc verò est reciproca, & utriusque consensum requirit; nec immerito, cum utriusque Principis interfit, quis Legatus eat. Idque multò maximè locum habet in ijs Legatis, qui hodiernâ tempestate diu aut etiam perpetuò in aulis morantur; in his enim cessat ratio iuris gentium, hoc est, necessitas. Audi eundem Grotium: (a) *Optimo, inquit, iure reiici possunt, quæ hodie sunt Legationes assidue, quibus quàm non sit opus, docet mos antiquorum, quibus illæ ignoratæ.* Idipsum Vvicquefortius (b) testatur: *Certum est, inquit, legationes ordinarias nec iuris gentium, nec ducentis retrò annis notas fuisse; suntque quàm plures Nationes, apud quas nullus earum usus, sola Europa eas admittit, sique aliquis Principum eas respuevit, qui quidem poterit aliquid contra morem fecisse, nihil contra ius Gentium.* Hæc ita vera sunt, ut siue antiquam siue recentem historiam euoluas, infinita reperias Legatorum exempla, qui aut non recepti, aut remissi sunt; nec tamen creditum est, iura Gentium violari. Sic Romani Aetolis denunciârunt: (c) *Ne Legatos mitterent, alioquin pro hostibus fore.* Itèrque Vcientibus: *Ni facerent, urbe, pœnas duros.* Lacedæmoniorum Legatus à Pericle dimissus est: (d) *Quòd ab hoste armato venisset.* Quantò magis dimississet, si Legatus ipse armatus veniret? sic Senatus Romanus negavit se posse Carthaginiensium (e) Legatos admittere, quorum exercitus esset in Italia. Sic Legatis Iugurthæ à Romanis editum (f) intra decem dies Italiâ excederent, nisi Regem & Regnum deditum venissent. Et quid plura?

C 2

num-

(a) Grot. cit. (b) Vvicquefort en l'Ambassadeur l. 1. pag. 11.

(c) Liu. l. 27. l. 10. l. 4. (d) Thucid. l. 11. (e) Liu. l. 41.

(f) Salustius in Iugurtha,

numquid in sacris litteris habemus Rabsacem Regis Assyrij Legatum iure meritò ab Ezechia Rege receptum non esse, quòd timeretur populum peruersurus? Si recentia percurras, non minus exemplorum est, præsertim in Gallia, vbi planè nihil frequentius, quàm vt ex causis Regi notis, nec aliorum iudicio aut examini subiectis Legati aut nò admittantur, aut exire Galliâ iubeantur: estque recentissimum Tigurinz & Bernensis Reipublicæ Legatorum, qui nec in Regis conspectum, nec ad tractanda cum Ministris Regijs negotia admissi sunt, idque non alia ex causa, quàm quòd de ritibus, formæque illos excipiendi conueniri non potuit. Quantò ergo maiori, iustiorique ex causa Lauardinus excludi potuit, qui contra aliorum Regum exempla Asylum non tantum peteret, verum etiàm armis occuparet? Nuper quòque Moscouiticis Legatis indictum, vt nisi pellium mercatu abstinerent, Galliâ exirent. Paulus IV. Figueroam Philippi II. Legatum, & Mediolanensi Præfecturâ defunctum, cum ferè Romam intraret, vrbe exclusit, (a) negauitque pro Legato agnitum iri, quòd Pontificis cursorem litteris, quas ferebat, spoliasset, incurrissetque censuras: nec Philippus succensuit, substituitque Vargam Venetijs prius Legatum. Siue ergo Legationis naturam, siue exempla Principum inspicias, etiam quibus maxima iuris Gentium reuerentia (quales Romani) concedi omninò debet, Legatum dici non posse, qui à Principe admissus non est; posse verò non admitti ex plurimis causis, præsertim ex illa, si veniat aliena inuasurus, vt nuper Lauardinus: tunc enim non Legati sed hostis vices agit, cessâtque finis Legationis. Hæc tam clara sunt, vt negari à nemine possint, nec tamen sperare nobis victoriam licet, quando à Gallis non ratione, sed potentia certatur. At, inquit Anonymus, supplicari Prin-

(a) Anno 1558.

*Principi debet, vt Legatum amoveat; colendus verò est, quandiu moratur. Nimis ignarus est rerum, qui hæc dicit: quoties enim per Varesium, per Laurum, per Ranuccium Cardinalem Pontifex rogauit, vrsitque, ne Lauardinus mitteretur? & tamen missus est; nec missus tantum, sed etiam armatis obseptus, adeò vt dubitari posset, Gotthus, an Gallus esset, qui sic Romam intrauit. Quid superfuit Pontifici? qui modestius tueri se poterat, quàm vt vrbe quidemmitteret, etsi armatum, minacemque, non tamen vt Legatum haberet? nam nec Legatus erat, quippe inuito Pontifice. At nulla Lauardini culpa, cum non posset iuribus cedere à Rege prætensis, cur ergo punitus, si innocens? Nulla est pœna, si alicui non tribuas, quod non debetur: Lauardinus vt Legatus à Pontifice habitus non est, quia Legatus non fuit; quis pœnam dicat, si pro Senatore aut Episcopo non habebatur, qui nec Episcopus, nec Senator est? nam quòd postea Censuras inciderit, non hæc culpa Pontificis, sed Lauardini fuit. Pontifex enim censuras vniuersim tulerat in eos, qui Asylum vsurparent, nullo Hispani, Angli, Germani, Galli, aliarumque nationum, discrimine: quòd ergo Lauardinus se illis, & solus induerit, non Pontifici imputare potest, quippe nolenti, inuitoque, sed sibi, qui spontè incurrit: nam si quis gladio se perimat, quem accusabis? fabrum? qui gladios fecit, palamque exposuit? an eum, qui in ferrum incubuit? Nec interest, Lauardinum ex Regis imperio Asylum occupasse; nam, vt taceam, multa Lauardino peracta esse præter Regis voluntatem; cui nota non est Apostoli sententia in omni foro humano Diuinòque recepta; videlicet: (a) *Dignos esse morte non solum, qui ea faciunt, sed etiam, qui consentiunt facientibus?* Si ergo eadem culpa est facientis & consentientis, quantò magis imperantis,*

& exsequentis? Quinquagenarij, qui ad capiendum Eliam missi sunt, se quoque Imperio Regis Ochoziz (cuius Legati erant) tuebantur: (a) *Homo Dei, Rex præcepit, ut descendas.* Et tamen igne puniti sunt Deo excusationem respuente. Heliodorus quoque Antiochi Legatus cum Templum spoliare aggrediretur Summo Pontifice Onia renitente: Principis mandatum prætexebat: (b) *At ille pro his, quæ in mandatis habebat à Rege, dicebat, Regi ea esse deferenda.* Num ideo calcibus & flagellis punitus non est, moriturus, nisi Onias seruasset? Nihil ergo iuvat Lauardinum Regis voluntas, quando non imperium Principis, sed causa innocentem facit. Quæro si Pontificis, aut alterius Principis Legatus inuito Rege, armatusque Parisios intraret, illicque simile aliquid moliretur ijs, quæ Lauardinus Romæ, quanto eum tempore Rex pateretur, quantumque deferret Principi sui imperium alleganti? mirari ergo Lauardinus non debet, si exceptio Romæ non valet, quæ Parisijs nunquam valuit, valebitque. Hæc tam aperta sunt, ac omnibus nota, ut negari non possint; & qui negant, multo peiorem faciant Regis causam tam pudendis auxilijs.

Quod verò dicitur: Pontificis Romani in Christianos potestatem precariam esse, & ex Principum arbitrio, qui se sponte submittunt, pendere, tantoque magis Pontifici cauendum, ne istos offendat. Respondeo hoc argumento omnium Principum potestatem, non solius Pontificis peti, quis enim imperabit, si nolint subditi obedire? euoluantur omnium Gentium Historiæ, & continuò patebit, multo sæpius contra Principes sæculares rebellatum esse, quàm contra Pontifices; imò stetit Cathedram Petri, quamvis millies concussam tot cadentibus Regnis: ipsa Romana Monarchia tot exercitijs, tot impe-

rijs,

(a) 4. Reg. 1. (b) 2. Mach. c. 13.

rijs corporibus potenstandem defloruit durante Ecclesiâ; interque ipsos Romanos Imperatores quis non ex militum favore, studioque pendit? Taceo Gallici, aliorumque Regnorum scenas, & vicēs; frustra ergo Pontifici obijcitur, quod multo magis omnium Regnantium est fatum; illud discrimen est, quod subditi, ne à sæcularibus Dominis deficiant, temporalium poenarum metu coercentur; hic si absit, maiorque sit subditorum, quàm Principis potentia, nihil amplius moratur, ut iugum excutiant. Secus est in imperio Religionis; hic enim, ut Pontifici Romano subdar, non temporales poenæ, sed æternæ faciunt, nec istis euadendis vlla par potentia. Unde fit, ut paulò antè dicebam, multo sapit à Principibus, quàm à Pontifice subditos defecisse, nullum ergo minus precarium imperium est, quàm Religionis. Quod si nemo Principi persuaseris, ut subditis omnia concedat metu seditionis, quantò minus Pontifici? præsertim quod Ecclesia sicut non humanis consilijs, & prudentiâ creuit, ita nec humanis consilijs regenda est, quoties illa Diuinis aduersatur; quid verò magis aduersatur, quàm ut metu omnia Principibus cedas, nulla honesti ratione; non placent Deo, & ideò nec succedunt turpia consilia. Est insigne in rem nostram Alexandri III. Respondit, cum enim metu schismatis, & ferè paribus minis ad indigna vrgeretur, quibus nunc Galli, Legatis Friderici Imperatoris ita respondit: (a) *Nos recognoscimus Dominum Imperatorem Aduocatam, & specialem Sacrosanctæ Romanæ Ecclesiæ Defensorem. Unde ipsum (si per eum non steterit) præ cæteris Principibus Orbis intendimus honorare, in quibus Regis Regum honor nullum capiat detrimentum; Vbi verò quidquam occurrit, quod absque summi Regis offensâ effectum habere nequeat; si honorandus terræ Imperator*

vator videtur, ille potius à nobis timeatur, & illius honor imprimis conseruetur, qui est Rex Regum, & Dominus Dominantium, & qui animam, & corpus perdere, atque in æternam ignis gehennam mittere potest, ergo cum pro Ecclesiæ libertate tuenda Patres nostri proprium sanguinem fuderint, & nos ad eorum exempla, exigente necessitatis articulo, extrema audemus pericula sustinere. Frustrà ergo Galli metum offendendi Regis Innocentio obijciunt; quando in causa Dei nihil æquè metuendum est, quàm metuisse.

VIII. Tertiò causatur Anonymus: (a) Romam esse totius Orbis Christiani Patriam communem; sicque oportere, ut illic omnium Principum Catholicorum Legati conueniant. Æquum non esse, ut Legatis Gallici Regis Asyli prærogativam inuideant Itali, quando ipsi maiorem partem occupent Sacri Senatus, cum tamen & mos Ecclesiæ, & ratio velit, ut absque Personarum, aut nationum discrimine purpura dignissimis obueniat, quæ nunc alijs exclusis solos fere Italos vestiat.

B. Si Roma omnium nationum communis est Patria, quid queritur Lauardinus, si eodem iure, quo omnium aliarum nationum Legati, habitus est? nec enim alij Principum Legati admissi sunt, quàm qui Asylo cessere: viuat ergo Lauardinus in communi Patria communi iure; quod si nolit, non illum Innocentius, sed ipse se Romam exclusit. Alioquin quid scelerum ciuibus non liceat, si qualescunque sint, & quacunque ratione viuant, tolerari in Patria debeant? & planè cum nuper Lauardinus Romam ingressus est: non Cuius faciem, sed hostis ostendit, nec tam Patriam intrasse, quàm in aciem irrupisse, visus est. Quod de Cardinalibus dicitur, nihil pertinet ad causam Lauardini. Oportere Cardinales aliquos deligi ex omni natione, verum est, idque infi-



insigniter in vltima Cardinalium promotione ab Innocentio obseruatum, in qua non Gallia, non Hispania, non Germania, non Italia purpura defuit: ceterum debere ex quauis natione pares numero esse, tam absurdum est, vt nihil magis; quid enim in eligendo Pontifice magis schisma pareret, quam si singulis nationum par numerus votorum esset? singulae videlicet Pontificem ex suis vellent, Galli Gallum, Hispani Hispanum, nullo certandi fine. Idque palam apparuit in magno schismate Occidentis, cui initium dedit electio Urbani VI. cum enim Itali Italum vellent, Galli Gallum, & inter Gallos Lemouicenses Lemouicensem; tandem ingens illud schisma conflatum, quo nullum nec longius, nec funestius Ecclesiae. Idem ergo accideret, si quaelibet natio pluribus Purpuratis abundare, & nulla aliam numero vinceret. Sed cur Italica vincit? inanis quaestio. Idem enim de Gallica, Germanica, Hispanica aliisque quaeri posset, si qua superaret. Deinde cum Christus Cathedram in Italia fixerit, credidetur hanc nationem, siue Pontificem spectes, siue Cardinales (ex quibus Pontifex eligitur) praeulisse. Id quoque ostendit vsus Ecclesiae etiam Primitiae, in quaplerique ex Italia Pontifices. Sed vt dixi, haec extra chorum; nec ego memorassem, nisi cogerent Galli intempestiuam quaestione.

IX. Quarto opponit: (a) *Merita Galliae Regum, in Ecclesiam Romanam; quae maiorem Principatus sui temporalis partem a Regibus Galliae acceperit: nec securior portus Nauiculae Petri, quoties tempestate iactaretur, quam in Galliae sinu: non ergo Lauardinus Regis Legatus tam male accipi debuit, hoc praesertim tempore, quo Gallia ab Haeresibus purgata, Romanae Ecclesiae reficienda est.*

Nulla Gallis frequentior cantilena, quam vt bene-

beneficia sua repetant, moneantque Pontificem gratitudinis, perindè ac si cum immemore Beneficiorum, aut non curante loquerentur. Maxima esse, quæ Galliarum Reges in Pontifices contulerunt, nemo negauerit, nec alius magis agnouit, palamque professus est, ut ipse Pontifex Romanus. Sed hæc ipsa præteritorum memoria spem omnibus facit, hodiernum Galliarum Regem nihil Maioribus suis cessurum, nec illis ut victoriis, ita Religione imparem fore; nec enim idè illi minores, quia reuerentiâ, & obsequio in Vicarium Christi certârunt, imò illi magis florûere, qui magis Romam venerati sunt, ut exempla Clodouzi, Pipini, Caroli Magni, ac Ludouici ostendunt, Deo velut pro Vicario suo debitore, ac ingentibus præmiis, quidquid illi præstaretur, compensante. Ergo ut dixi, quæ à Galliarum Regibus olim in Ecclesiam Romanam collata sunt, exempla esse, debent moderno Begi, quæ imitetur, non quæ subuertat: alioquin quàm non indigna tantùm, verùm etiam quàm inepta erit hæc consequentia: *Reges Galliarum olim Romam Pontificibus donarunt, ergo hodie eam Pontifici rapere possunt; olim Pontifices protexere, ergo hodie persequi debent.* Et tamen, quis crederet? sic Galli hodie argumentantur. Cæterùm ipsi quoque Pontifices nec tam ingrati, aut immeriti sunt, quàm Galli supponunt. Patiantur ea tantùm leuiter tangi, quæ in Galliam collata sunt, videbuntque vtrinque beneficijs certatum esse, nec adhuc constare, Roma an Gallia superauerit.

Et primò certum est, veram Catholicamque Religionem Galliarum illatam esse operâ, ac curâ primi post Christum Romani Pontificis, Petri videlicet, ut enim taceam, quæ de Sanctis Martiali, & Dionysio Areopagita Galli ipsi, qui etiam maximè Critici, fatentur: Zosimus ad Galliarum Episcopos ita scribit;

Ad

(a) Ad urbem Arelatensem primum ex hac sede Trophimum summus Antistes, ex cuius fonte totæ Galliæ fidei riuulos acceperunt, directus est. Idem habet Ado (b) Viennensis. Ipsi Episcopi Prouinciæ Viennensis epistolâ ad Leonem I. Omnibus Gallicanis Ecclesijs notum est, quod prima inter Gallias Arelatensis Ciuitas missum à Beatissimo Petro Apostulo sanctum Trophimum habere meruit Sacerdotem, exinde alijs paulatim Regionibus Galliarum, bonum fides & Religionis infusum. In Concilio quoque Parisiensi sub Ludouico Pio Episcopi Galliæ ad Eugenium II. Pont. Max. ita scribunt: (c) Nec vobis tedium fiat, si se paulò longius sermo protraxerit, dummodo linea veritatis, quæ ab antiquis Patribus nostris vsque ad nos inflexibiliter ducta est, E. Dionysio sic: qui à S. Clemente in Gallias cum duodenario nostro primus Prædicator directus, &c. Gallia ergo Religionem suam Romæ debet, & quod possit beneficium cum isto comparari? considerent, quantum Gallia fidelis ab infideli distet, nec solum Religione, sed etiam potentiâ, felicitate, virtute bellicâ, artibus, scientijsque litterarum præcellat, & fonti benedicant, à quo hæc omnia fluxere. Gregorius II. Carolo Martello Consulatum Romanum defert, vt habetur in Historia Gregorij (d) Turonensis. Stephanus Papa Pipino Patritiatum Romanum, primam videlicet post Imperatoriam dignitatem, & quam Carolus non prius deposuit, quam imperio potiretur, vt etiam Marca (e) fatetur.

Zaccharias Pontifex eundem Pipinum Regno Francico præponi curat exauctoratâ Merouingicâ stirpe, quo nullum beneficium Gallia maius accipit;

(a) Zosimus ep. 5. ad Galliæ Episc. (b) Ado Viennens. in Mart. 4. Kal. Ianuar. V. Quenellium tom. 2. Opera S. Leon. & P. Alex. natal. ad sæcul. 1. Anno 450.

(c) Anno 824. V. Baron. tom. 9. (d) Append. ad Histor. Gregor. Turon. c. 110. (e) Marca l. 1. de concord. c. 12. num. 4.

pit: ab hoc enim prima exordia processerunt ingentis illius potentiz, & alioquin pessumibat ciuilibus bellis, ignauiaque Regum consumpta.

Idem Zacharias Pipino facultatem tribuit nominandi Episcopos sui Regni, vt scribit Lupus(a) Ferrariensis.

*Leo III.* Româ in Gallias & in castra proficiscitur, vt Ludouicum, fratresque in acie congressuros componat.

Idem Gregorius cum in pleno Gallorum Antistitum Concilio Ludouico imperium ademptum esset, Decretum rescindit, & Ludouico imperium confirmat, teste Paulo Æmilio. *Ioanne VIII.* Ludouicum II. auctoritate suâ contra Aldagisum tuctur, eumque à persequendo Imperatore (quem carceri incluserat) absterret, in fugam vertit, ac tandem pacem inter vtrumque conciliat. *Stephanus IX.* Francorum Proceribus contra Ludouicum Regem defectionem molientibus sub pœna excommunicationis precipit, vt nouis absistant, illique continuò pareant, teste Flodoardo. *Vrbanus IV.* Regnum Siciliæ, quod ad sacram sedem deuolutum fuerat, Carolo Andegauensi fratri S. Ludouici desert, ac Regem Angliæ efficacissimè vrget, vt adornatâ classe liberando Galliarum Regi à Barbaris capto se accingat. *Clemens IV.* Carolum Andegauensem in possessionem vtriusque Siciliæ (quæ Regnum Neapolitanum complectebatur) inducit, quâ Galli septendecim circiter annis gauisi sunt, nec Siciliæ Insulis excidissent, nisi Caroli focordiâ.

*Gregorius X.* Philippo Regi sexennales Cleri Gallicani decimas concedit bello contra Barbaros persequendo.

*Martinus IV.* Panormitanos abærfos immani coniuratione Gallos anathemate percellit, mittitque Car-

(a) Lupus Ferrar. epist. 71.

Cardinalem Sabinensem ad reuocandam in Galliz obsequium Siciliam. Idem Martinus Principatum Cataloniæ, Arragoniæ, & Valentiz Regna Petro Arragoniæ Regi adempta, in vnum è Philippi III. Galliæ Regis filijs, Carolum videlicet Valesium transfert, eique triennales Cleri decimas concedit, habitoque celeberrimo omnium Ordinum Conuentu Parisijs, è Pontificis manu Regna confestim acceptata. *Bonifacius VIII.* Carolum Valesium Philippi Pulchri fratrem Anagninæ cum Coniuge magno apparatu excepit, vniuersæ Ditionis Ecclesiasticæ Præfectum, Imperijque (quod vacabat) Vicarium constituit, ac vtrique Imperio, Orientis & Occidentis præficiendum destinat, de quo vide Spondanum *ad annum 1301. num. 2.*

Idem Bonifacius Adolphum Imperatorem Principibus Germaniæ in eum concitatis moratur, ne cum Angliæ Rege Gallorum hoste arma in Belgio coniungat, quod planè Francico imperio fatale futurum erat.

S. Ludouicum Catalogo Diuorum adscribit. Scio equidem quæ postea inter Bonifacium & Philippum Regem contigerant, obliuione magis quàm memoriâ digna. Sed nec illud me latet, tres illius filios paulò post immaturo funere sublatos: *In pœnam*, (vti scribit (a) S. Antoninus) *iniuriæ & sacrilegij, quod eorum Pater in Bonifacium commiserat.*

*Benedictus XI.* Regnum Galliæ interdicto liberat, Regem Philippum supplicantem absoluit, omnia priuilegia confirmat, Academijs Galliæ iuribus suis restituit, reservationes vacantium Ecclesiarum reuocat, contributiones Decimarum, Bonorum Ecclesiarum, vbi Laicorum facultates non sufficiunt, Regi Philippo relinquit, & in eius gratiam Columenses veniâ donat, totamque familiam in integrum resti-

(a) Antonin. 3. p. lit. 21. c. 3.

restituit, Petro Cardinali excepto, cui Clemens V. Purpuram à Bonifacio VIII. adeptam restituit, de quibus vide Spondanum ad annum 1303. n. 20. *Clemens V.* inquit Spondanus, *in gratiam Philippi Regis Pontificiam sedem in Gallias transfert percusso ad facinus Christiano Orbe, mansitque illic amplius septuaginta annos.* Nolo hic commemorare septuaginta annorum decursu, quibus Pontifices in Gallia hæserunt, quæ & quanta in Galliarum Reges contulerint. *Pius IV.* in celebri de præcedentia certamine pro Gallia pronuntiat, nullo metu Potentiarum Hispanicarum (quæ regnante Philippo II. multò Galliam superabat) nullaque minarum curâ, quas Philippus ingesserat, iussu Oratore suo Româ abscedere. *Pius V.* Carolo IX. Galliarum Regi contra Hugonotos rebelles quatuor mille & quadringentos pedites, ac equites nongentos, throno simul & religioni seruandæ in subsidium mittit. *Clemens VIII.* obnixtente licet Hispanicâ factione ac infinita oppo-  
nente (minabantur enim pro vno Galliarum Regno alia multa à Pontifice defectura) Henricum IV. ab Hæresi absoluit, quo facto causæ omnium Ciuiliū bellorum in Gallia conciderunt, firmatumque Regnum familiæ Borbonicæ hodie regnantis: dici non potest, quanta morando, terrendoque Pontifici producta fuerint; sed vicit amor Galliæ felicissimo euentu. Idem Clemens superatis immensis difficultatibus Matrimonium Henrici IV. cum Margaretha Vallesia (quam ante annos septem & viginti ex Pontificia dispensatione duxerat) nullum esse declarauit, permisitque nuptias cum Maria Medicea, ex qua Ludouicum XIII. & ex hoc Ludouicum XIV. hodie regnantem habemus; alioquin exaruerat familia Regia sterili Margarethæ Coniugio, ac Gallica corona in Condeum Principem conciderat adolescentulum, ac in hæreticorum sinu educatum, & quem tamen

Cle-

Clemens Religioni Catholicæ reftituit; nam inter conditiones datas à Clemente abfolutionis hæc inter præcipuas fuit, vt videlicet Henricus Cōdeum Principem Caluiniftarum manibus eriperet, eumque Catholicis doct̃inis imbuendum curaret. Clementi ergo Pontifici Gallia & Regnum, & Reges, & Religionem debet. Taceo alia quàm plurima, ac præfertim innumeras Romanorum Pontificum Legationes pro pace Gallico imperio reddenda, præcipuè cum Angli perpetui, ac fatales hostes Gallix imminerent. Taceo infinitam priuilegiorum molem, quibus nulla æquè natio, vt Gallicana à Summis Pontificibus exornata eft. Nam vt obferuat Marca Archiepifcopus in libello Barcinonæ edito anno 1646. *Quidquid contra Canonum, decretalium mentem in Gallia circa res Ecclefiafticas agitur, id fit ex priuilegijs Apostolicis, non autem mero iure Regio.* Id folùm obferuo, in Hiftoria Francica ter reperiri, Regnum Gallix auctoritate, ac operâ Summorum Pontificum feruatum efle, Primò, quando ignauia Merouingorum, bellisque Ciuilibus ferè deletum, auctoritate Stephani, & Zachariæ Pontificum in Carolinam ftirpem translatum eft: *Hildericus Rex, inquit Eginhardus Carolo M. à fecretis, iuffu Stephani Romani Pontificis depositus, ac detonfus, atque in Monafterium trufus eft: Et infra: Pipinus autem per auctoritatem Summi Pontificis ex Præfecto Palatij Rex conflitutus. Secundò, quando teste Ludouico Pio Caroli M. filio, Francorum Proceres auctoritate B. Petri ſibi à Domino IESV Chriſto tradita obligauit, & obteftatus eft, vt nunquam de altera ftirpe Regem ſupra ſe præſumant aliquo modo conſtituere, quos & Diuina Prouidentia ad Apostolicam Sedem tuendam eligere dignata eft.* Hæc ſunt verba ipſius Ludouici in epiftola ad Hilduinum: quibus

ad.

adiungit Gaguinus. (a) *Stephanus autem Pipino benedixit, & eius posteritati, atque qui temeritate aliqua aduersus Francos bella mouerent, Communionem Christianam interdixit.* Tertiò, quando Clemens VIII. Galliam bellis Ciuilibus (quæ hæresis, & ambitio excitauerant, externis armis Germanorum, Anglorum, Hispanorum, Italorumque Regno illatis) propè confectam, quæque triginta, & sex annorum decursu, ab obitu videlicet Henrici II. vsque ad absolutum Henricum IV. producta, Galliarum extrema minabantur, nec finem spondebant; tandem paci, pristinaeque dignitati restituit, Henrico Censuris absoluto, ac sterili Matrimonio post viginti, & septem annos liberato. Cum ergo Gallia, & Religionem, & toties Regnum Vaticano debeat, persuaderi se vtique Lauardinus patietur, Beneficia, quæ Romanis Pontificibus ex Gallia prouenisse dicit, non fuisse in immeritos collocata, multò minùs in ingratos; neque ego hoc dicerem, nisi necessitas cogeret obiectam ingratitudinem diluendi.

Sed sint beneficia à Gallis accepta adhuc insoluta, sint Pontifices immeriti (quanquam quid Pontifices dico, cum non istis, sed Christo sint data, & ab hoc immensis præmijs, & victorijs compensata?) num, idèò debuit Innocentius concedere, quæ non licuit Ludouico postulare? petitur patrimonium Christi, petitur hæreditas Petri, petitur in vrbe sancta ingens sceleribus omnibus spatium, in quo velut in libero, exemptoque imperio, & impunita, & secunda sint, imò & florentia, magisque patrocinio Christianissimi Regis, quàm in ipsis Templis Maiestate præsentis Dei defensa, perinde ac si Romæ Ecclesiæ desint recipiendis, & ad pœnitentiam reuocandis reis. Petitur denique, quod omnibus Regibus, ac Principibus ne-

gatum,

(a) Gaguin-Histor. Franc. l. 3. f. 45.



gatum, non potest iam Gallia concedi, nisi omnibus illis acerbè offensis, ac dimissa repetituris, infinito Apostolicæ Sedis dedecore, parique damno, quippè totâ ferè Româ in Asylum, imò in Babylonem conuersâ. Infelicem Innocentium, qui aut cum Christo, aut cum Gallo pacem habere non potest: nam aut hunc offendit, si neget; aut illum, si concedat: nemini plura, & maiora, quam ipsi Deo debemus, & tamen is non permittit *feri mala, vt eueniant bona*: quantò ergo minus potest Innocentius malum facere, vt bona remuneretur à Gallis accepta? quantum verò malum sit grande illud, vastumque Asylum, quod non Regis ipsius commodo, sed sceleratis, paricidis, latronibus, & adulteris petitur, non est Regis iudicare, sed Pontificis; nec enim de Parisiensi, sed de Romana vrbe agitur Pontifici subdita. Quòd si nunquam Rex pateretur litem sibi moueri de ijs, quæ ipse Parisijs iudicat, quæ ratio permittit, vt litteræ Pontifici moueat de ijs, quæ Romæ disposuit? quamquam ne opus quidem est in hac causa Pontificis iudicio aliquid deferre, quando totius Europæ iudicium habemus; nam præter Gallorum aliquos metu, aut gratiâ aulæ obstrictos nemo mortalium est, qui non credat æquissimam esse Pontificis causam; & ideo Reges, ac Principes omnes promptissimè Asylo cessere; nec verò cessissent, nisi crederent iusta postulari, & tamen eodem iure, iisdemque rationibus, quibus Gallia Rex, retinere illud poterant. Si Innocentius solum Gallia Legatum Asyli iure priuasset, poterat id iniuriæ, odióque nationis adscribi, ac meritò iram Regiam prouocare; nunc verò omnibus Regibus, omnibus Principibus eadem Lex dicta, omnesque iustam censuere: quæ rogo ratio est, vt solis Gallis displiceat, quòd omnibus placuit? & quod alijs omnibus necessitas visa est, illi soli iniuriam credant? ac præsertim à Pontifice tam sancto,

tam humanis affectibus vacuo, tam studioſo Gallicę Nationis, & in quo ne Calvinistę quidem, iurati alioquin Pontifici hostes aliquid inuenire non amore, ac veneratione dignum. Sed hoc est vnicum Innocentij delictum, quod omnium Sanctorum Antistitum fuit, non posse videlicet adulari cupiditatibus Regnantium; & tamen non is Medicus ægrotum diligit, qui plagam celat, aut gossipio inuoluit, ne appareat; sed qui ferro etiam ignique medetur, curâ dolorem compensante. Quamquam nec ferrum Innocentius, nec ignem admouit, sed quidquid reuerentię, & amoris in Principem, ac filium licuit; monuit, rogauit, scripsit, instititque: nunc per Varesium, nunc per Abbatem Laurum, nunc per Ranucium Legatum suum, ac postea Cardinalem preces porrexit, vtque hæ magis proficerent, præmissa omnium Regum, Principumque exempla Asylo cedentium; quid potuit plus facere Innocentius? vt fileret? vt Gallię postulata admitteret? vt tam necessarium sanctumque propositum metu defereret? hoc non potuit. Pauere, ac fugare non est Pastoris, sed Mercenarij, quis ergo aliquid audeat pro veritate, si Pontifices timeant? & quid faciunt Romę tot Martyrum cadauera, tot trophæa, & vestigia sanguine certantium tincta, sine quidem liceat summo Sacerdotum liberam vocem pro iustitia proferre? nunquam metus Martyrem fecit. Et quid tandem non Principes petant, non Pontifices tribuant, si toties cedant, quoties rogantur? non est hoc esse Petram, sed paleam: neque hoc voluit Christus, cum iussit Petrum esse fundamentum Ecclesię. Si Innocentius Pontifex ea tantum spectaret, quę Gallicę Regem circumstant, foris que exornant, Potentiam videlicet, opes, exercitus, classes, & quidquid denique speciem illam Maiestatis effingit, quam homines adorant; facile persuaderi debuit, vt & hoc con-

concederet, & quidquid aliàs Regi placeret: quid enim tandem intererat Pontificis iam prouectâ etate, & in Occasum pronâ, vt pacem pro bello non mallet? sed æstimanti totam illam magnificentiam, quæ foris splendet, & mortalem, & caducam esse, nec aliud post breuissimas annorum periodos (quamuis ego longissimas cupiam) de Magno illo Ludouico superfuturum, quàm frigidum cinerem, animamque immortalem, & hanc non regio apparatu, non exercitiis, sed bonis tantum, malisue operibus septam, tantòque periculo viciniorem, quantò grauioribus rationibus obnoxiam: hæc, inquam, cogitanti Innocentio meritò persuaderi non potuit, vt ea Regi permitteret, quæ vtriusque conscientiam onerarent; nec vtrique dolere Regi debuit, si inter tam multos, qui illius animam in mortis æternæ discrimen adducunt, vnus saltem Romæ esset, qui illam totis viribus curaret, retineretque præcipitio vicinam; enimuero cum mundanarum rerum strepitus cessauerint, qui modo Regium animum occupant, cumque in Comitij totius generis humani Diuino Tribunali assistemus, cessabuntque dulces illæ; sed fallaces adulantium cantilenæ, tunc, inquam, agnoscet Ludouicus Rex, fideliora fuerint Innocentij consilia, nunc quidem ingrata suadentis, sed tamen salubria, ac necessaria; an illorum, qui prætextu proferendæ Regiæ auctoritatis sibi gratiam, & præmia quærunt, Regi verò ingens animæ periculum, seramque factorum poenitentiam.

*At non debuit tanti Regis Legatus accessu ad Pontificem prohiberi, quando Rex proferendæ Religionis Catholicæ tanto conatu successuque laborat.*

Respondeo multò minus debuissè Romanum Pontificem, quo tempore tot curis, tot victorijs, tot Legationibus tantæque auri profusione euertendo Turcico Imperio, ac Religionis Christianæ per totum

tum Orientem amplificandæ laborat, domi forisque à Gallisturbari. Comparentur, quæ Ludouicus contra hæreticos in Gallia, quæque Innocentius in Austria, Hungaria, Græcia, & Peloponneso fecit, quæque deinceps, nisi Galli prohibeant, in Europâ, Asiâque facturus est, videbunt, ac fateri cogentur, nihil Innocentium Ludouico celsisse, & quod iste contra Calvinistas edictis, illum consilijs, armis, auro, precibusque apud Deum contra Turcas præstitisse, hoc solum discrimine, quod Ludouicus vnâ, inermemque Prouinciâ, nec ausum resistere, Innocentius tam multas, armatasque Religioni subiecit: non ergo decuit tam gloriosum Pontificem, tamque de re Christiana præclare meritum eo ipso tempore à Christianissimo Rege, Filioque Ecclesiæ primogenito, quo euertendæ Ottomanicæ impietati tam anxie, ac feliciter laborabat, tam acerba, & hostilia pati.

*At Legatum non admisit.*

At Vos coegistis, ne posset admittere. Cur enim Gallicum Legatum alijs conditionibus, quàm aliorum Principum admitteret? nemo istorum aliter acceptus est, quàm vt Asylo cederet, & tamen nemo istorum de iniuria conqueritur, imò nec queri potest, cum non de Regum, sed Latronum beneficio, commodoque agatur. Qui igitur iniuria dici potest, quam nullus Regum pro iniuria, pro dedecore habuit? Date locum iustitiæ, permittite flagitia puniri, subducite sceleribus patrociniû, eoiure Legati vestri potiantur, quo omnium Regum Legati; liceat domi suæ Pontifici, quod omnibus Regibus, omnibus Principibus licet, & quid dico omnibus Principibus? imò quod omni Prætori, quodque omni Patrifamilias, & sic tandem Romam intrare. Quod si ne hoc quidem conceditis; non deinceps culpam Pontifici adscribite, reiecti Legati, sed vobis  
tam

tam honefta recufantibus; Quæ à Rege in expellendis Hæreticis peracta, magna vtique & ingentia funt, ac fperem omnem fuperantia, fed quanto pretio compensata? Reuocentur in memoriam infinita mala, quæ Caluiniana hærefis Galliarum inuexit, adeo vt propè fuerit Monarchiam in Rempublicam, Reges in Confules mutari: & fateri cogentur plus Regni interfuiſſe, quàm Religionis, hac facies exſtingui, ne iterum Galliam incenderent. Taceo infinitos Theſauros ex proſcriptorum bonis, neque hæc memoro, quaſi eleuare velim, quæ à Rege præclare funt geſta, fed ſolum vt oftendam, præmio non caruiſſe. Deinde ſi bonum, quod ex purgata Gallia prouenit, cum malis comparetur, quæ ex contemptu Pontificis, eiusque factis, ſcriptisque laceratâ auctoritate proueniunt, hæc multò maiora; nam in totam Eccleſiam redundant, & communi deſectio- ni viam aperiunt, erātque minus malum, hæreſin in vna Galliâ tolerari, quàm tam pernicioſis exemplis, doctrinisque totam Europam inficere, ac periculo exponere amittendæ Religionis: hæc nunquam ſtetit deiecto Pontifice; atque vt nulla hæreſis fuit non Romæ inimica, ita niſi huius ſocietate nunquam floruit vera, & Catholica Religio; quæ igitur gratia, ramos coluiſſe percufa radice?

X. Quintò (a) Ignoratam fuiſſe, dicit, *Lauardino Pontificis Romani Bullam.*

Æ. Ego Marchioni Lauardino tanto videlicet viro, tantique Regis Miniſtro nihil non credam, ſi ita iuſſerit, fidemque exegerit. Cæterum negari non poteſt, difficile id creditu eſſe, ac perſuaderi hominibus vix poſſe. Quomodo enim latere illum potuit, de quo totus Orbis, ac Gallia imprimis tanto tempore, tantòque ſtrepitu loquebatur? De quo cum Ranuccio Cardinali, Legatòque Pontificis La-

uardinus sermonem habuerat? Cui tot Cardinales subscripserunt? Quam Romæ affixam, & in omnium manibus viderat? De qua loquentem, scribentemque Cardinalem Estreum audierat, videratque: & denique cuius effectum iam senserat, quando Sanctæ Lucie festum differri iussit, ne si Templum intraret, continuò sacra cum dedecore abrumpi videret. Si hæc tam clara, tam nota, & ubique locorum vulgata ignorari poterant, nescio quid non possit.

Sed quoniam Marchioni Lauardino placuit ignorantiam prætexere, credamus ignorasse; at non idcò effectum excommunicationis morari potuit. Quis enim nescit, non tantum toto humano, & Diuino iure, sed etiam toto Orbe, & omnibus Principum Tribunalibus neminem excusari *ignorantia iuris* clari, vulgatique? Si Parisijs duello aliquis configat, allegetque ignorantiam edicti Regij, quo duella prohibentur, num penam effugiet? Cum ergo Bulla Innocentij non in angulis, non in latebris scripta, nec domi retenta, sed totâ Vrbe pependerit, nec Tabellionis tantum manu, sed ipsius Pontificis, ac triginta, & suprâ Cardinalium calamo subscripta, ac septimo iam mense typis impressa, planè aut non potuit ignorari, aut non debuit, præsertim à Regio Ministro omnium arcanorum conscio, quanto magis omnium vulgatorum? Sed ignorauerit Lauardinus; ac etiam veniam ignorantie demus; quæro an si ergo Bullam eompertam haberes, morem illi gereret, aut non gereret? Si non gereret, frustra ignorantiam se purgat, quando etiam sciens, volensque paratus est obsequium negare: si morem gereret, ergo iam saltem obtemperet, quando inficiari non potest, sibi de voluntate edictoque Pontificis constare; nihil ergo excusando, liberandoque Lauardino proficere ignorantia potest tot nominibus inualida:

*At Bulla Innocentij in Gallijs promulgata non est.*

Nihil dici potest Gallis humanis, venustiusque, etiam cum lædunt, quippe osculum plagæ præmittunt. Romam Legatus ibit Pontifice inuito: urbem armatus inuehetur, bellanti similis ac velut cum hoste congressurus: magnam urbis partem armis implebit Dominantis more, & publicum Asylum contra Principis edictum flagitijs aperiet, non tantum, ut tuta sint, verum etiam, ut insultent prohibenti: Palatium, totamque viciniam excubijs, vigilijs, circitoribus occupabit, perinde ut fieri solet in arce armis expugnata, terræque hostili; & hæc omnia Principe coram, nec alijs armis, quam precibus pugnante: Ecclesias quoque perumpet, sacrisque cum fastu, contemptuque assistet nullâ Vicarij Christi, nullâ Censurarum reuerentiâ. Hæc omnia faciet; & cum causam rogatus fuerit tanti contemptus tantæque iniuriæ, respondebit: *Bullas Innocentij in Gallijs non esse promulgatas.* Quid si ergo essent promulgatæ, num ideo Lauardinus his omnibus abstineret? Cur ergo promulgatio prætextitur, cum nihil eam Galli morentur? finge nullas omnino Bullas esse, num ideo Lauardino licebit ius Gentium violare, alienum solum hostiliter ingredi, armisque occupare? & denique omnibus parricidijs, adulteris, perduellibus, scelcratisque non libertatem tantum, verum etiam stimulos delinquendi addere impunitate propositâ? planè nullis Bullis opus est, nullâque promulgatione, ut ista non liceant. Sufficiant edicta naturæ, Legesque Euangelij, ut Lauardinus intelligat: *Quod sibi quis non vult fieri, alteri ne faciât. Qui Pastorem Ecclesiæ audit, Deum audire, qui illum spernit, Deum spernere; Et quæcunque Vicarius Christi ligat super terram, esse etiam ligatâ in Cælis.*

Hæc tam clara sunt, ut neminem lateant, possint.

que à nullo negari; nisi fortè quis dicat legem Evangelij, legemque naturæ Parisijs promulgata non esse. Deinde quale illud est, ut oporteat Bullas, quæ Romæ fieri aliquid prohibent, etiam Parisijs promulgari? Quoties Legati Pontificij, aliorumque Principum iussi sunt regno excedere, aut armatis custodiri, aut aurum Galliæ non efferre, aut peregrinas merces damno Regionum Vestigialium non venum proponere; num propterea aut Romæ, aut in Hispania diploma, quo ista vetabantur, propositum est? & cum nuper Legati Moscovitici, qui magnam vim pellium Malliæ intulerant, iussi sint, aut Mercatu aut Regno abstinere, num inquam, prius hoc editum Moscoviæ pendit? Cur ergo à Romano Pontifice petitur, quod à nullo Principum? nisi fortè quia Christi Vicarius est, peiori illum conditione damnamus. Cum ergo Lauardinus Romæ esset, cum Romæ deliquisset, debuit, quoque suffecitque Romæ puniri, & illic pœnas dare, ubi pacem publicam, ubi ius Gentium, ubi Ecclesiam, Principemque offenderat. *Nec obstat, Legibus loci Legatum non teneri: Quia, ut Politici scribunt, Principalem repræsentat nemini subditum;* id enim verum sit de legibus pœnisque temporalibus, non verò de pœnis spiritualibus, in quibus ratio cessat, cum nemo in rebus conscientiam spectantibus negare possit, se Pontifici subiectum esse. Nec poterat character, dignitasque Legati Lauardinum tueri, quem Pontifex nunquam pro Legato habuit, recepitue: cum enim Legatus sit à Principe ad Principem, & mutuo pacto mittentis ac recipientis constituatur, non potuit, nisi utriusque Principis consensu Legatus dici, suntque infinita cum nostri, tum antiqui temporis exempla. Scio equidem multa esse, quæ Galli Bullis Pontificijs eludendis obijciant, sed nec illud me latet, à Galliæ Regibus regnantis Monarchæ Antecessoribus,



bus, & à Gallia Prælatiſ summâ hætenùs venera-  
tione exceptas eſſe.

Carolus Magnus, quo nemo potentiâ, victorijs,  
fortuna maior in ſuis Capitularibus: (a) *In memo-  
riam B. Petri Apoſtoli honoremus ſanctam Romanam,  
& Apoſtolicam Sedem, vt quæ nobis Sacerdotalis eſt  
Mater dignitatis, eſſe debeat Magiſtra Eccleſiaſticæ  
rationis. Quare ſeruanda eſt cum manſuetudine hu-  
militas, & licet vix ferendum ab illa ſancta ſede im-  
ponatur iugum, feramus, & pia deuotione toleremus.*  
Si verò quilibet aliquam perturbationem machinando  
& noſtro miniſterio inſidiando redarguatur falſam ab  
Apoſtolica Sede detuliſſe epiſtolam, ſalua fide & in  
integra humilitate penes Epiſcopum ſit poteſtas, utrùm  
eum in carcerem detrudat, vſquequò per epiſtolam  
aut per idoneos Legatos Apoſtolicam interpellat ſan-  
ctitatem, vt potiſſimùm ſua ſancta Legatione digne-  
tur decernere, &c.

Ludouicus Caroli Magni filius iam moriturus ita  
filios Reges alloquitur: (b) *Inbemus atque præci-  
pimus ſuper omnia, vt definitionem Eccleſiæ S. Petri  
ſimul ſuſcipiant, ſicut quondam à proauo noſtro Carolo  
& auo noſtro Pipino, & Beatæ memoriæ Genitore no-  
ſtro Carolo Imperatore, & à nobis poſtea ſuſcepta eſt,  
vt etiam cum Dei auditorio ab hoſtibus defendere ni-  
tantur & iuſtitiam ſuam, quantum ad eos pertinet, ac  
ratio poſtulauerit, habere faciant, &c.* Quæ autem  
maior, magiſque neceſſaria iuſtitia, quàm vt Ponti-  
fici de rebus ſacris imperanti, ſuamque Iuriſdictio-  
nem vi occupatam tuenti fideles obtemperent?

Sanctus quoque Ludouicus inter alia monita, quæ  
Philippo filio moriturus reliquit: *Sis deuotus &  
obediens Matri noſtræ Romanæ Eccleſiæ, & Summo  
Pontifici tamquàm Patri ſpiritali.*

Ipf

(a) Iuo Carnot. in Decr. p. 5. c. 5. c. 50. & habetur in Concilio  
Tribur. c. 30. (b) Apud Pithæum & Spondan. ad ann. 838.

Ipsi Galliarum Episcopi, quando consecrantur, hoc se iuramento obstringunt: *Decreta, Ordinationes, sententias & mandata Apostolica totis viribus observabo, & faciam ab alijs humiliter observari . . . .* mandata Apostolica humiliter recipiam, & quam diligentissime observar.

S. Bernardus præclarissimum Ecclesiæ Gallicanæ lumen aliquorum obiectionem præueniens: (a) *Sed dicit aliquis debitam Pontifici reuerentiam exhibito & nihil amplius esto, fac quod dicis: quod si exhibeas debitam & plenam, Plenitudo siquidem potestatis super Vniuersas Orbis Ecclesias singulari prærogatiua Apostolicæ Sedi donata est, qui igitur huic potestati resistit, Dei ordinationi resistit.* Hæc quondam Regum Prælatorumque Galliarum sententia fuit, possitque infinitis exemplis confirmari, si vellem toties iam dicta & libris vulgata repetere. A quibus quantum distet Lauardini exceptio promulgationem causantis, nemo non videt. Prohibent Romana Diplomata Galliarum inferri, prohibent recipi; & postea causantur, non esse recepta, non esse vulgata, non esse nota, hoc nimirum Carolus Magnus voluit, hoc Ludouici, hoc Bernardus, hoc ipsi Episcopi iurauerunt, cum Sacramento polliciti sunt: *Totis viribus Apostolica mandata recipere, & quam diligentissime exequi.* Quamquam frustra consumor rebus probandis tam clavis, tamque indubitatis, quæque iam dudum ipsi Lauardino perspecta sunt viro tantæ rerum experienciæ claro: sed maluit aliquid dicere, quodcumque illud esset, quam seipsum silentio damnare more Athletarum etiam in casu luctantium; idque præclare quidem, si lusus, non res seria ageretur; aut lucta cum alio aduersario, quam cum veritate & iustitia esset.

XI. *Sexid*, addit Anonymus: (b) *Lauardinum*  
fine

(a) S. Bernardus ep. 131. (b) Fol. 3.

*sine forma, sine causa, sine ratione, non auditum, non defensum, Romæ pro Excommunicato declaratum esse.*

R. Gallis nihil videtur, quidquid Lauardinus Romæ deliquit: at aliud non tantum Pontificis Romani, sed etiam totius Europæ iudicium est. Si ergo causa quæritur; ob quam excommunicari meruit; dico non vnâ, sed plures imò grauissimas fuisse; videlicet quod contra Pontificis Bullam sub pœna excommunicationis latæ sententiæ, ipsosque factos incurrendæ, ius Asyli, & Quarteriorum, ut vocant, vsurpauerit; quod non minimam Urbis Romanæ partem armis occupauerit, armisque retinuerit: quod contra omne ius Gentium non Legati, sed hostis, & bellatoris more urbem inuectus sit, Principe coram; ac magno publicæ quietis periculo: quod Palatio, & vicinæ regioni excubias, circitores, armatosque cum tessera militari circumfuderit, id quod nullibi terrarum, & à nullo Legatorum hætenus factum, solique Principi licet: quod Iulij III. Pij IV. Gregorij XIII. alio umque Pontificum Bullis crimine lese Maiestatis se obstrinxerit: quod publicanos, & Principis Vectigalia non paucis millibus fraudauerit; solique prohibuerit. Præsertim verò, quod ingenti urbis offensione, ac Religionis contemptu sacra profanauerit, idque tanto fastu, tantæque ostentatione, ac derisu supremæ in rebus Ecclesiasticis Pontificum auctoritatis, ut post Attilæ, & Alarici ætatem, aut salcè post irruptionem Borbonij nihil simile Roma cõspexerit, fueritque periculum tam peruerso exemplo totam urbem, Italiamque corrumpi. Hoc nulla ætas Lauardino ignoscet; quidquid enim litis cum Pontifice fuerit, non ideo Religio in discrimen vocari; ludibrioque infidelium exponi debuit. Hæc ergo tam multa, & magna; cum Lauardinus deliquerit, innocentæ tamen, & admiranti similis quærit: *Quam ob causam Pontificis indignationem meruerit?* Planè si non

non dico omnia, sed vel minimum eorum, quæ Romæ peracta sunt, Parisijs ab aliquo Legatorum contigissent, cum illum vel momento Rex ferret? Enimvero nunquam Lauardinus præpotentium reorum more causam, & delictum fatebitur; sed hoc nihil morari Pontificem debuit: iusta enim, an iniusta sit causa, ob quam anathemate punitus est, non Lauardini, sed Orbis terrarum, aliorumque Regnantium exemplo (qui Aſylo ceſſere) ac præſertim Pontificis iudicio decidendum fuit, qui more aliorum Principum, rerum, urbiumque ſuarum ſolus Iudex, & moderator eſt; tam enim Pontifex Dominus Romæ eſt, quàm Rex Parisijs. Si ergo nullius Principis Legatum eâ ratione Parisijs Rex pateretur, quâ Lauardinus vti voluit Romæ, nec ſuarum Legum cauſas ab alijs, quàm à ſe vno examinari ferret, quid tandem deliquit Innocentius, quidue commiſit iniuſti, ſi id Romæ fecit, quod Rex Parisijs feciſſet?

*At excommunicare non debuit.*

At multò minus debuit Lauardinus excommunicatio nem prouocare, imò extorquere. Repetantur enim memoriâ, quæ Romæ peracta ſunt, & nemo inficias iuerit, ex induſtria, & velut ſtudioſè à Gallis curarum eſſe, vt inuito, ac tergiuerſante Pontifice cenſuras exprimerent. Quæ enim neceſſitas fuerat, cum conſtaret de Pontificis voluntate, aliorumque Regum exemplo Aſylo abſtinentium, Legatum mittendi (nam Gallicis negotijs Eſtreus Cardinalis ſufficere poterat, imò abundare) urbemque armis non militariter tantum, ſed hoſti iter etiam implendi? nam quod nec pugnæ, nec cædes contigerint, non humanitas inuadentium, ſed moeſtitia Pontificis fuit arma prohibentis.

Rurſus quid oportebat Lauardinum nocte Natiuitati Saluatoris ſacrâ tanta cum pompa, cultûque, ac apparatu inſultantis in Eccleſia comparere, ſacriſque pa-

salam defungi, quæ non ignorabat sibi à Pontifice interdicta? Si tanta, vt inquit, pacis cupido, cur non expectatum? cur Legatio non aliquândiu dilata, lum miteſcerent animi, dumque tempus remedia, ſuggereret, aut ſaltem dum finis Turcico bello imponeretur, quod planè Galli præuidebant ingenti ſum damno Religionis Chriſtianæ abruptum iri, ſi pergerent Pontificem, Italiamque turbare. Vnde, multorum ſententia fuit, ſtudioſè à Gallis hanc occaſionem captatam eſſe, vt bello Italiæ illato, aut àltem belli periculo, Italiæ Germaniæque Principes, ac ipſum Imperatorem à Turcis auerterent, co-gerentque finem victoriis ponere, ac Imperio Ottomanico iam cadenti requiem, pacemque concederent, idque non tam Barbari amore (quod nefas de Chriſtianiſſimo Rege cogitare) quàm metu Auſtriæ Potentiæ tot victotijs, tot Prouincijs auctæ. Sed bliſit à me credi tam aliena à pietate, & magnitudine Ludouici Regis, cui nulla maior cura, quàm Religionis, quique alienis damnis non eget, vt creſcat, iribus, ac potentiâ ſuâ tutus. Illud verum eſt, & legari non poteſt, multò glorioſius, vtiliuſque Regiam indignationem in Barbaros Turcâſque, quàm Pontificem conuerſum iri, cum cauſæ, & iniuriæ non deſint longè atrociores. Nota ſunt, quæ Gallico Oratori Conſtantinopoli euenère, quando tam indignè à Turcici Imperij Miniſtris habitus eſt, eiectusque aulâ, mancipij more, & tamen quàm clementer à Gallis diſſimulatum? Idem ergo ſperari pro Pontifice poterat, præſertim cum nihil tale Lauarino contigerit, & ſaltem Innocentij ætas, merita, auctitas, curæque delendis Ottomanis tam feliciter impenſæ veniam, aut ſaltem moras aliquas mererentur. Petimus pro Innocentio, quod Turcis ſpontè conceſſum.

Quod verò dicitur: *Pro re merè temporali, qualis eſt*

*est immunitas à Gallis prætenſa, non debuiſſe Lauardinum excommunicari. Facile ignoſci poteſt Aduocato Lauardini, quippè ſacrorum Canonum, Eccleſiaſtica diſciplinæ, & idiomatici, quo Sancti Patres ab initio florentis Eccleſiæ ſemper uſi ſunt, ignaro; iſti enim ſemel Eccleſiæ, Deoque donata non pro rebus merè temporalibus, ſed pro rebus ſacris, ac Chriſti patrimonio habuere, & ideò iſtorum uſurpatio etiam in ipſa Gallicana Eccleſia pro ſacrilegio ſemper habitata eſt, abſtineſque exemplis, utpotè in re clara, ac in omnibus ſæculis nota. Planè hanc Theologiam ignorârunt antiquæ Eccleſiæ Patres, quando in cauſis etiam temporalibus non Reges tantùm, ſed Orbis totius Imperatores anathemate perſtrinxerunt. Sic Ambroſius Theodoſium ob cladem Theſſalonicenſem. Sic Stephanus VI. Carolum Magnum, ſi nuptias cum Longobarda iunxiſſet Deſiderij filia. Sic Baſileenſe, & Conſtantiènſe Concilia toties à Gallis laudata, & Gallicis Præſulibus plena in cauſis merè temporalibus Principes excommunicant, ut videre eſt ſeſſionibus 20. 31. 37. & ultimâ. Atque ne Gallijs, & argumento, de quo agitur, excusamus, placeat ea tantùm audire, quæ Pariſienſis, & Turonenſis Conciliorum Patres in hac cauſa decreuerunt:*

(a) *Placet, inquiunt Pariſienſes, ac omnibus conuenit, ut quicumque res Eccleſiæ iniuſtè poſſidens præſumpſerit retinere, ab omnibus Eccleſijs ſegregatus, à ſancta Communione habeatur extraneus, neque aliud mereatur remedium, niſi culpam propriam rerum emendatione purgauerit. Indignè eum ad altare Domini properare permittitur, qui res Eccleſiaſticas audet rapere, & iniuſtè poſſidere. Et infra: Perpetuo anathemate feriatur, qui res Eccleſiæ conſiſcare, aut conterere, aut perſuadere præſumpſerit. Nota ſanctiſſimos, præcipuâque doctrinâ huic Concilio inter-*

(a) Concil. Pariſ. I. cap. 1. & 6. 2. Anno 559.

terfulffe, quorum Princeps S. Germanus Epifcopus  
Parifienfis. Patres Concilij Turonenfis II. (a) Inuiolabiliter feruandum cenfemus, vt quicunq; tam Ecclefie, quàm Epifcopi res proprias peruadere, competere, vel confifcare præfumpferit. Et pertinaciter in peruatione perfliterit, vt verè fit fuper eum maledictio, quæ fuper Iudam venerit, vt non folum excommunicatus, fed etiam anathema moriatur, & cæleſti gladio fodiat-  
tur. En ſententiam Gallicanæ Ecclefie, tunc videlicet temporis, cum doctrinâ, & ſanctitate florebat, ac cum omni adulatione, ac ambitu procul, veritati, non gratiæ ſcribebat. Scio omiffis infinitis alijs hæc duo testimonia ſufficere, ſi tam facilè Gallia perſuaderi poſſet, quàm facilè conuinci: ſed illud moleſtum eſt, quòd ratione ſuperati ad potentiam, virèſque appellant: nec iſtis, opponi aliud poteſt, quàm Diuina proteſtio, omni tandem humana ſuperior; hic Innocentius acquieſcit, paratus experiri, quidquid aut Gallo, aut Deo placuerit: nec enim Innocentij cauſa, ſed Dei agitur; vincet, aut cadet, vt-  
cunque Cælo videbitur.

*At citari, moneri, audiriſque prius debuit.*

Non ignorat Roma, quid in huiusmodi cauſis fieri, omittiue oporteat; planè infelix ſit & rudis, ſi Eccleſiaſticos ritus, formasque Cenſurarum diſcere à Regibus, militibus & Aduocatis debeat. Neminem prius fidelium communione arcendum eſſe, quàm monitus, auditusque ſit, res eſt certa, ac millies in ſacris Canonibus repetita, ac præſertim in Pariſienſi ac Turonenſi ſynodis, quas paulò antè citauimus. Sed æquè certum eſt, quoties Cenſuræ non ab homine, ſed à iure, & Lege feruntur, nullâ aliâ monitione opus eſſe, cum ſatis ac ſemper ipſa lex moneat; in notorijs quoque, & quæ nulla tergiverſatione celari, negatiue poſſint, non oportet, vt  
moni-

(a) Concil. Turon. c. 24. Anno 170.

monitio aut citatio declarationem præcedat. Præsertim cum Excommunicatio non est comminatoria, sed lata sententiæ; & non in genere tantum, sed in particulari casu, & contra particularem Personam inflicta. Consilium quoque Lateranense, & ipsa Conuentio, seu Concordatum inter Pontificem Leonem X. Regemque Galliarum Franciscum I. clare disponunt, cum de Excommunicatione ita constat, ut ea nullâ tergiversatione celari possit, sine alia denuntiatione pro Excommunicato habendum, vitandumque esse. Hoc cum Collegium Ecclesiæ S. Ludouici non obseruauerit, meritò interdicto supponi debuit, & simul Lauardinus pro Excommunicato declarari. Hæc sunt comperta & millies nota, nec à Lauardini Theologis ignorari poterant, sed oportuit aliquid dici, quodcunque illud esset, ne viderentur culpam silentio fateri. Notum erat Lauardinum Romanam intrasse, notum quoque armatis, excubiisque Palatium eiusque regionem obsedisse, ne Iustitiæ Ministris pateret, notum quoque natalitiâ Christi nocte sacris Mysterijs procuratum esse; quid ergo in re tam clara, tamque indubitata, totaque Româ inspectante facta, citari illum, interrogarique oportuit?

XII. *Septimò*, (a) pergit Anonymus dicere: *Honores, quibus in Ecclesia S. Ludouici Lauardinus affectus est, dignitati Gallici Oratoris annexos esse, quippè Gallici Regis Maiestatem repræsentantis; non ergo aut à Pontifice, aut ab Ecclesia pendere, neque hanc ob causam potuisse à Romano Pontifice Lauardinum excommunicari, aut Ecclesia S. Ludouici interdicto supponi.*

Et. Utinam Lauardini Satellites & Aduocati de armis potius & castris, quàm de excommunicatione & Interdictis loquerentur, quæ non intelligunt. Nec enim Ecclesia S. Ludouici interdicto subiecta

est



est, quòd eius Eccl siæ Sacerdotes Lauardino honores detulerint Legato debitos (quamuis & hic peccatum, cum reuerà Legatus non fuerit) sed vt loquitur Edictum: *Quòd ausi fuerint ad Diuina officia, & participationem Sacramentorum admittere, cum constaret, notoriè excommunicatum esse.* Si ergo non patitur Lauardinus Pontificem decernere de honoribus Legato debitis; æquè Pontifex non patitur Lauardinum de Ecclesijs, & Censuris iudicium ferre, quæ à solis Sacerdotibus cognosci debent, Romæ præsertim, ac in Regia Pontificis. Similis ferè est Lauardini querela, cum in Apologia dixit: *Regis Christianissimi Ministros, utpotè qui personam, ac Maiestatem ipsius Regis referant, nullis Censuris subiacere.* Quæro enim à quanto tempore potiri Reges hoc priuilegio cæperint? mihi enim historiam, Ecclesiasticam percurrenti infinita Exempla occurrunt Regum, quos non tantum Pontifices, sed etiam Gallie Antistites excommunicatione pertulerunt. Pauca ex multis libabo. S. Chrysostomus de Regibus vniuersimoda loquitur: (a) *Et ad vos (Sacerdotes alloquitur) sermonem conuertere necessarium est, vt cum multo studio hæc dona (sacram videlicet Eucharistiam) distribuatis: non parua vobis imminet ultio, si quemquam vllius culpæ conscium, huius mensæ participem esse concedatis, sanguis eius de manibus vestris exquiretur, siue quis Dux militiæ sit, siue Præfectus, siue Princeps diademate coronatus: indignè autem accedat, prohibe: maiorem illo potestatem habes, hoc vestra dignitas est, hoc securitas, hoc corona.* Ex prima Clodouæi Merouingica stirpe, S. Germanus Episcopus Parisiensis Charibertum Regem, & Manouefam, quam incestis nuptijs duxerat, anathemate ferit: (b) *Cumque* (verba sunt.

E

sunt.

(a) S. Chrysost. hom. 60. ad Popul. Antioch.

(b) Anno 570.

sunt Gregorij(a) Turonensis ) *eam Rex relinquere nollet, percussa iudicio Dei obiit.* In secunda Carolini stirpe Stephanus IV. Romanus Pontifex *Carolo Magno* recentibus adhuc in Apostolicam Sedem meritis excommunicationem (b) intentat, nisi continuo nuptias cum Desiderij filia abrumpat, tantumque abfuit indignari Carolum, aut id Maiestate Francicâ indignum ducere, vt potius quàm primum paruerit, Longobardâ eiectâ. In eadem secunda stirpe Carolum simplicem fœdus cum Northmannis infidelibus parentem S. Fulco Rhemensis Archiepiscopus suo, & omnium Galliz Antistitum nomine his verbis absterruit: (c) *Cum omnibus Episcopis meis ego vos, & omnes vestros excommunicans, ætæno anathemate condemnabo.* Vides, quæ tunc temporis non vnus Fulconis, sed totius Gallicanæ Ecclesiæ mens, & sententia fuerit. In tertia Galliz Regum Dynastia Robertus Hugonis Capeti filius, quod incestas nuptias iunxisset, à Galliz Episcopis sacris exclusus, adeò omnibus horrore fuit, vt vix tres famuli obsequio superfuerint, anathematis reuerentiâ, profecitque seueritas, pellice paulò post palatio pulsâ. Remi Dami anus (d) & Pithæus narrant. Ex eadem Dynastia ob similem causam *Philippus Roberti* Nepos primum in Concilio Lugdunensi, deinde ab Urbano II. absolutus, teste Iuone (e) Carnotensi. *Philippo II.* æquè Francorum Regi, quod legitimam vxorem dimississet, anathema inrentatum, ac Galliz Regnum interdicto subiectum est, idque Galliz Episcopi adeò non improbârunt, vt quàm plurimi eorum exilio puniti sint, (f) quod Pontifici paruissent. Tandem resipuit, petitâ ab Innocentio

ve-

(a) Greg. Tur. histor. Fran. l. 4. (b) Habetur epistola Stephani tom. 3. Coucil. V. Emil. & Spondan ad Annum 770. (c) Flo. doard. l. 4. c. 5 Anno 898. (d) Petrus Damian l. 2. ep. 15. Pith. in Chron. (e) Iuo Carnot. ep. 166. & 169. (f) V. Spondan ad ann. 1198 Raynald. ann. 1200. n. 9.

veniâ, receptâque in Thalamum Reginâ. Ex stirpe, & Dynastia Valesia *Henricus III.* à Sixto V. mone-  
tur, vt Borbonium Cardinalem, & Archiepiscopum  
Lugdunensem carceribus liberet, ni faciat, pro ex-  
communicato declaratum iri; fuitque monitorium  
in Gallijs, Carnuti, Metis que promulgatum, &  
quia eodem anno mores Henricum præuenit, eius ca-  
daver publico funere, solitisque suffragijs supra  
duodecim annos caruit (quod crederetur excommu-  
nicatus decessisse) donec sub Henrico IV. agente  
Ossato (a) Cardinali, & absolutionem Henrici IV.  
nomine, ac Elisabethæ Regiæ viduæ infinitis argu-  
mentis vrgenti, tandem à Clemente VIII. impetrata  
est. Agnouit ergo Gallia posse Reges excommuni-  
catione puniri. Idem Henricus Rex per Cenoma-  
nensem Episcopum, Cardinalem Ioiosam, ac Pisani  
Marchionem Legatos, ac ingenua prouolutos ab-  
solui à Censuris rogauit, quas obeadem Guisij Car-  
dinalis incurrerat: (b) nec tamen obtinere potuit,  
quippe Borbonio Cardinali, & Lugdunensi Atchie-  
piscopo nec dum carcere eductis. Ex stirpe Borboni-  
ca Henricus Nauarræ Rex ob hæresin, quam semel  
abiurauerat, iterumque professus fuerat, à Sixto V.  
diris percussus est, idque ritè à Pontifice factum Cle-  
rus Gallicanus agnouit, habuitque Regem pro ex-  
communicato; & quamuis Henricus vehementer  
excommunicationi aduersatus sit, nunquam tamen  
priuilegium obtendit, quod Reges excommunicari  
non possint: sed solum quod hæreticus non esset,  
qualis à Sixto arguebatur. Ipsa Sorbona inter alias  
propositiones (quas Henrico additi vulgauerant)  
hanc quoque in publico Senatu decimâ Februarij  
damnauit. *Pontificibus Romanis ius non est Reges ex-  
communicandi.*

(a) V. Spondan. ad annum 1589. p. 16. & Ossat. ep. 215.

(b) Spondan. cit.

Ita scribit Spondanus, (a) qui ad annum 1585. refert eiusdem Henrici instructionem Ofsato, & Pero-  
nio Legatis suis datam, in qua petebat Rex à Censuris, & excommunicatione absolui, quas incurrrat. In ipsa quoque absolutione à Clemente VIII. publicè Legati concessa, Rex à Censuris, quibus tenebatur, (b) liberatus est.

Et si hæc omnia deessent, sufficeret clarissima Christi sententia Petrum alloquentis: *Quæcumque*, inquit, *ligaueris super terram, erunt ligata, & in Cælis. Si quæcumque*, ergo & Galliarum Reges, nisi dicant, ad istos Euangelium non pertinere, aut Christi præceptis exemptos esse.

Ex his omnibus aliisque quàm plurimis, quæ silentio prætermittimus, palàm est, potestatem excommunicandi Reges semper in Galliis agnitam, exercitamque, imò & saluberrimam fuisse, quoties sanandis hoc remedio ægris Principibus suam Episcoporum operam Pontifici sociarunt. Nunquàm Henricus IV. & fortè nulli amplius Galliarum Reges Catholicam Religionem amplexi essent, nisi illum Pontifices vibratis Censuris compulissent. His ergo Gallia debet conseruatam Religionem, & tot alia bona, quæ ex Religione consequuntur; nec verò aut Carolo Magno, aut Henrico Magno quidquam Maiestatis decessit; quòd se punienti Pontifici submiserint, imò venerationem illis amorémque auxit subiectio, non vi, nec metu, sed Religione expressa. Et Magno Theodosio quid nocuit ad pedes accidisse Mediolanensis Antistitis? num ideo minùs potentià, victorijs, reuerentià subditorum floruit? imò tantò maior, quàmto modestior, subiectiorque Sacerdoti: & cui istorum ad Concilium, aut ab ausu appellandi cogitatio incidit?

Non hæc dico, quasi ignorem, quàm parcè sacris  
ful-

(a) Spondan. ad ann. 1585. n. 17. (b) Spondan. ann. 1590.

fulminibus ut Pontifices oporteat, in Reges præfer-  
tim, quorum arbitrio sedet, aut obsequi, aut obniti,  
ac plerumque pudet moueri, multoque magis puni-  
ri; nec facile culpam agnoscunt libertate peccandi,  
ac famulantium adulatione: nec etiam me latet, quan-  
tum mali proueniat ex facilitate Censuras cumulan-  
di. Cæterum nihil est iam sanctum, quo abuti non  
possis, nec nos abusum, sed usum, commendamus,  
eumque præparcum, & necessarium. Quot mala ex  
potestate regnandi, bellumque indicendi? quot ex  
Matrimonij, negotiationibus, iudicijs proueniunt?  
num propterea hæc omnia damnanda abusum ob-  
tentum? Idem de excommunicatione, & Censuris di-  
cas, quas cum necessitas Innocentio extorsit, ne-  
mo Iudicem accuset, qui pœnam dictauit: sed reum,  
qui meruit, imò qui extorsit.

Auctor quidem seu potius Compiler libertatum  
Gallicarum multa congerit, ut ostendat, non posse  
Reges excommunicari; sed ea planè nihil probant,  
cum tantum aut facta aliqua Principum narrent, ex  
quibus nullum ius colligi potest (quid enim non li-  
cebit, si exempla sequamur?) aut aliqua Parlamen-  
torum Senatûs Consulta, quibus nulla potestas est  
de auctoritate Ecclesiastica, eiusque finibus iudican-  
di; aut denique abusus tantum Censurarum dam-  
nantur. Taceo hunc librum anno 1639. ab ipso Gal-  
liæ Clero Parisijs damnatum, prohibitumque esse;  
*Quod* (verba sunt Spondani) *multa contineret, quæ*  
*magis ad Ecclesiæ seruitutem tendere, & schismatis*  
*occasionem præbere viderentur, & Ideò primò à sacro*  
*Consistorio Regio prohibita sunt disirahi, & vendi: de-*  
*inde Eminentissimorum Cardinalium, ceterorumque*  
*Illustrissimorum Antistitum, qui tunc Lutetiæ reperti*  
*sunt vnde viginti: nescit enim Ecclesia Gallicana liber-*  
*tates, quæ malum operantur: nescit iura, quæ illam*  
*à Romanæ Matris firmissima connexionem, & filiali obe-*

*dientia diuellant*. Hactenus (a) nobilissimus scriptor.

XIII. Octauo. (b) *Sed*, inquit Anonymus, *si ius Asyli, & immunitatum abusus est tam horridus, tantaque abominatione dignus, ut Pontifex Religioni, & Conscientiæ sibi duxerit illum amplius ferre; cur ergo tanto iam tempore illum tulit? cur post tot annos Conscientia Pontificem monuit? Id planè indicio est, aliud, quàm Conscientiam quæri.*

Re. Nihil festiuius est, quàm audire Lauardinum, eiusque Aduocatos de Conscientia, & Religione loquentes; suâ enim Conscientiâ Pontificis metiuntur; & cum illis postrema sit hæc cura, sedemque vltimam obtineat, ludere putant, quotquot Conscientiam appellant. Tulit ergo Pontifex primis annis hunc Asylorum abusum eo ferè pacto, quo Agricola lolium, & Zizania florente in agro: non quòd amet, sed quòd frumento sit mixta, quæratque occasionem euellendi. Eâdemque ratione quæri posset, cur Galliz Rex, si conscientiæ sibi duxit Calvinistarum hæresin in Gallia ferre, non statim eiecerit? Planè Innocentius in ipso statim limine initi Pontificatûs professus est, se Asyla nunquam laturum, ut tamen Regum Maiestati honor haberetur, lentè processum; moniti, rogati, conuictique rationibus sunt: expectatum quoque, dum Principum Legati, qui tum viuebant, decederent. Tandem ubi omnia parata, ubi veneratio Pontificis tot rebus secundis aucta, ac ipse Rex Galliz pollicitus, se aliorum Principum exemplis imitandis non vltimum fore, ubi denique alij Reges Asylo cessere; meritò visum est Pontifici, non amplius cessandum. Expectauit ergo æstatem, ut meteret. Quid potuit à Pontifice aut prudentius, aut humanius fieri?

XIV. Nonò. (c) *Verbis*, inquit Anonymus, *ge-*  
nera-

(a) Spondan. ad ann. 1639. (b) Fol. 4. (c) Fol. 4.

neralibus non comprehenduntur Personæ nota specialiter dignæ, quales sunt Principum Legati: non potuit ergo Lauardinus ex verbis Bullæ pro excommunicato haberi. Imò nec dici quidem potest, Lauardinum casum Bullæ incurrisse, quippe vim nullum adhibuit, nec cursum Iustitiæ impediuit.

R<sup>2</sup>. Oportet ab hoc Lauardini Aduocato Bullam Innocentij, ne quidem lectam fuisse, alioquin nunquam hæc scribere tam aduersa veritati. Renouat Innocentius Iulij III. Pij IV. Gregorij XIII. Diplomata, & illa verbatim recitat; at in illis expressa fit Legatorum mentio; qui ergo dici potest Bullam Innocentij nihil de Legatis loqui? Deinde in Bulla Innocentij hæc lausula adiungitur, videlicet: *Omnes quacunque dignitate & auctoritate tam Ecclesiastica, quam seculari præfulgentes, etiamsi de illis specialis, specifica, expressa & indiuidua mentio facienda esset.* Quæ verba ex omnium Iuris Consultorum sententia æquivalent expressioni indiuiduæ: tantumque operantur, quantum si Lauardini nomen in Bulla recitatum esset; demonstrant enim enixam Pontificis voluntatem. Et quamuis hæc omnia non essent, quis nescit sacro Cardinalium Collegio, omnibusque Romæ Prælatis ex parte Pontificis denuntiatum esse; cauere, ne Lauardino sociarentur, quippe sacris interdicto; imò ipse Lauardinus à Ranuccio Cardinali de voluntate Summi Pontificis monitus est: ac tum maximè, cum Clericis Lateranensis Ecclesiæ indictum, vt si Lauardinus Diuinis officijs assisteret, quæ in honorem Sanctæ Lucie peraguntur, continuo sacra tantumque abrumperent, vt fieri solet, cum adstant palam excommunicati; quid ergo amplius fieri potuit, vt constaret Pontificio Diplomate Lauardinum comprehendere? sed piget tam clavis immorari, & misereor Lauardini tam infelici Aduocato nixi, & tam absurda narrante. Paria sunt,

quæ dicit, de non impedito Iustitiæ cursu, nullaque vi adhibita. Nam quàm verum id sit, satis intelligas ex ijs, quæ de ingressu Lauardini iam suprâ recensui, & quæ quotidie geruntur, Româ fremente, ac Pontificis moderationem contra tot insultus demirante.

XV. Decimò. (a) *At Sixtus V. quamvis Iure Asyli Legatos prohibuerit, non tamen adiunxit pœnam excommunicationis, imò sustulit à suis Antecessoribus iam latam.*

B. Non sequitur, ut quod vnus Pontifex omisit, alius quòque omittere debeat. Quàm multa à Ludouico Rege (qui modò Galliarum potitur) confecta sunt, eius maioribus planè intentata: ergo omnibus rebus sua ætas & maturitas est. alioquin quantum Principibus otium & sterilitas erit, si non faciant, nisi iam facta? Deinde nota est omnibus Sixti seueritas, qui cum timeri vellet, temporales pœnas ante spirituales habuit, maluitque curandis delictis ferro uti, quàm cruce. Alia Methodus Innocentio, cui cum Magnatibus pugna, & ideo Religione, non supplicijs damnandos censuit, risumque prouocasset, si carceres, aut exilia, aut multam Regibus minaretur. Nec obstat exemplum Sixti, quando alia, multòque maiora exempla suppetebant, quæ Innocentius imitaretur, Chrysostomi videlicet, Ambrosij, Achanasij, Gregorij, Magni, Nicolai I. aliorumque Pontificum, quos infrâ memorabo.

XVI. Vndecimò. (b) *Si Innocentius, inquit Anonymus, prius Consilio, & vota sacri Collegij excepisset, quam Bullam videret, seque tam grandi periculo immergeret, nihil simile aggressus esset, Patrum ac præsertim Cardinalis Estreiræ rationibus victus.*

B. Supponit Lauardius, Bullam Innocentij, quâ Legatorum Asyla prohibetur, solo Pontificis, eius-

(a) Fol 4. (b) Fol 4.



eiusque Domesticorum nutu excidisse, non rogatis, non auditis Cardinalium votis. At verò id tam falsum est, ut pudeat refellere. Legant Pontificis Bullam, videbuntque Purpuratorum nomina magno numero subscripta; num verò subscriberent aut non lecta, aut non probata? maior est Romæ, quam Parisijs dicendi libertas: licet Cardinalibus & sentire & loqui, nec ullus exilio punitus, quia verum dixit, ut nuper in Regaliæ causa Parisijs factum. Illa quoque verba Bullæ inserta videlicet: *De fratrum nostrorum S. R. E. Cardinalium consilio, & assensu, ac præmatura consideratione præhabita*, Gallum falsi conuincunt. Multò minus dici potest: *Cardinalem Estreum in hac causa auditum non esse*. Quis enim Estreum prohibuit, ne loqueretur? aut quando ei occasio loquendi defuit? aut quando accessu Pontificis prohibitus est? Planè excusari non posset Cardinalis socordia, si obmutuisset, cum tam multis ex causis ad dicendum vrgeretur: imò non tantum dixit, sed etiam scripsit: at veritas & iustitia causæ, vocem & calamum vicit.

XVIII. Duodecimò: (a) Non, inquit, Pontificem decuit, sustinendæ causæ merè temporali ac politicæ (qualis est, quæ Asyla Legatorum spectat) sacram dignitatem, pacemque status Ecclesiastici, imò totius fors in Europæ periculo exponere.

Re. Credo quidem, quando Innocentius de abrogandis Asylis cogitauit, id primum & ante omnia expendisse, plus boni an mali hæc mutatio pareret: nec improuisa illi pericula, quæ modò narrantur; sed tanti non erant, ut tam sanctum, & necessarium opus morari deberent, idque iustissimis ex causis, ut iam commemorabo, iuvatque longius immorari rationibus exponendis, quæ Pontificem obfirmarunt; vi-  
deo enim id potissimum Innocentio obiectum, æ

præ-

præsertim ab Eſtreo Cardinali, cum votum suum calamo exponeret; videlicet imperitos Medicos Pontificem imitatum esse, quando morbum mederi aggreſſus est peiori remedio. Sed nego, mecúmque, negabunt, quotquot pacatis, placidisque animis rem totam considerant, debuisse videlicet tam grauem, plenúmque flagitijs abusum ferri metu malorum, quæ iam tum præuiderat, & nunc tanto strepitu à Gallis præcinuntur.

Nàm *Primò* supponunt Galli, Ius & immunitates Asyloꝝ rem esse merè politicam & temporalem; at maximè falluntur: cum enim infinita sint flagitia, quæ illorum causâ, & spe impunitatis patrabantur; idque omnium Nationum, quæ Romam concurrunt, pessimo exemplo; oportuit Asyla considerari non solum vt loca, in quibus Principis potestas, & Iurisdic-tio violatur; sed etiam in quibus suprema Dei Ma-iestas grauissimis iniurijs afficitur; at verò quid magis ad Christi Vicarium pertinet, quàm quouis humano respectu seposito cauere, ne Chrtstus tam indignè offendatur, & tot animæ psumeant Christi Sanguine redemptæ? non ergo causa Asyloꝝ est causa merè prophana, nisi fortè illis solis, qui nullâ Dei & animarum curâ tanguntur.

*Deinde* suprema Pontificis Iurisdic-tio, quæ tot Asy-lis in vrbe violatur, non est inter causas merè prophanas censenda; quæ enim ad Ecclesiam pertinent, Deo dicata sunt, nec possunt sine sacrilegio vsurpari. Id tam certum, vt nihil frequentius iam ab initio florentis Ecclesiæ sit à Patribus inculcatum; omittóque exempla & testimonia Patrum iam alibi narrata. Cadit ergo præcipua Lauardini ratio, cum videlicet negat, prudenter Innocentium fecisse, quòd in causa merè temporali & politica sacram Pontificis Dignitatem cum Regia colliserit, ad-duxeritque in tantum discrimen.

Ter.

*Tertio*. Si toties Pontifici abstinendum est salubribus Consiliis, quoties Principes minantur, & bellum eminens ostentant; quid vnquam præclari audebit? Si ergo Romam sibi Galli populauerint, alioquin bellum illaturi, quo totam Europam incendant, num ideo Pontifices cedent, bellumque & minas rediment Christi patrimonio? Si semel Pontifices minis se frangi, vicinique patiantur, idque Principes obseruent, nullum facient finem petendi, minandique. Æquum ergo non fuit, vt Pontifex à proposito delendi Asyla moueri se pateretur solo metu, & terrore futurorum. Fecit Pontifex, quod muneris sui, quod necessitas, quod publica, & priuatorum salus, imò quod Dei causa (toties in Asylis offensi) exigebant: idque nullus Principum, si Gallos excipias, non maximè approbavit, ratumque habuit; si ergo bellum, & turbæ Gallis sequantur, cuius amabo culpâ id fiet? sua retinentis, an rapiens alienâ? & quando magis, quàm in tam iusta causa celesti patrocinio fidere, nitique Pontifices debent? si omnia aut fato, aut casu cuenirent, nullâ in rebus humanis Dei prouidentia, ego quoque honestis consilijs utilia præferrem, sed quandoquidem constat omnia, ac præsertim Ecclesiam, Dei nutu gubernari, nunquàm persuaderi me patiar, vt credam Deo placere fordida consilia, aut secunda fore. Hæc non mea, sed Apostoli sententia est: (a) *Perdam sapientiam sapientium, & prudentiam prudentium reprobo: nonne stultam fecit Deus sapientiam huius sæculi?* Verbo, si bellandum est, malim Pontifices cum Gallis, quàm cum Deo, & conscientiam bellum suscipere.

*Quarto*. Cum dicitur, minus esse malum Regi Galliarum Asylum spontè cedere; quàm vim & bellum experiri; oportet non Asylum tantum expendere, eius-

(a) 1. Corinth. 1.

eiusque cessionem, sed omnia, quæ hæc cessione prouentura sunt: nam & arborem non solam, sed cum fructibus æstimamus. Si Pontifex Gallo cedat, eadem ratione, & Hispano, & Anglo, & omnibus Principibus cedendum erit Asylo postulantibus: at quanta hinc confusio flagitijs impune florentibus, & totâ ferè Româ in speluncam Latronum conuersâ? Imò multò quàm autè grauius malum, expèrsque remedij: crescet enim Legatorum licentia, quando se victores, victum Pontificem cernent. Reuocentur in memoriam, & mala, & pèricula, quæ paucis mensibus contigère, Lauardino non Legatum Romæ, sed Regnatorem agente, quamuis inuito, & obnitente Pontifice? quid rogo fiet, si & perpetua, & pacifica sit hæc Asylosum dominatio; & omnium Principum Legatis permissa? imò non Legatis tantum, sed omnibus idem ius affectantibus? Oportebit sanè aut Pontificem Româ excedere, aut præcario, & ex magnatum arbitrio viuere, hoc est, serui non Principis more, & exemplo nullibi terrarum viso. Quod possit malum comparari tam indignæ seruituti? néque hic finis, vbi enim semel Principes vice-rint, & prætextu Asyli, vt nuper Lauardinus, urbem armis, Clientelis, factionibus impleuerint, iidem, quibus nunc & paribus minis alia Pontificum iura, quoties libuerit inuolabunt: imò nec tuta Pontificum, & libera electio; redibitque Ecclesia in pristinam seruitutem, quando videlicet sub Dominatu Tusciæ Marchionum Pontificis electio non liberis suffragiis, sed pretio, armisque agebatur, imò ex voto meretricum, quæ in aula magis placuissent. Merito igitur Innocentius etiam principia, omnemque speciem externi Dominatûs deleta voluit, ne frustra essent remedia morbo iam valido; nec vllum malum credidit huic posse comparari.

*Quintò.* Sed & Patrum exempla Pontificem nostrum

flrum docuere, ne in tam iufta & neceffaria caufa nimis, vanisque terroribus cederet. Nulla planè virtus Magnum Pontificem vt magnanimitas & constantia decet, nec alia magis in Patribus floruit primitiue Ecclefie, quando perpetue cum Principibus lites crucem auerfantibus. Infinitus fim, fi omnia recenfeam: memoriâ repetatur, quantis minis egerit Iuftina contra Chryfoftomum, Valens Imperator contra Athanafium; qui tamen nullo vnquam terrore moueri poterant, vt à fententia decederent: & tamen illi, qui minabantur, non Gallie aut Hifpanie Reges erant, fed totius Orbis, Europæ videlicet, Affricæ, Afizque Imperatores. Quibus verò minabantur, Epifcopi tantum: quantum ergo pudoris, fi Pontifices paucant, Epifcopis intrepidis, metuque, liberis? & denique quidquid Galli irafcantur, nunquam Orbis terrarum credet, Ludouicum Regem illi Ecclefie bellum illaturum, à qua eius Stirps coronam accepit. Nam quæ gloria tanto Regi arma in Sacerdotes vertiffe, & Patrem ac Pontificem, fuum, idè bello pulfaffe, qui non voluit, quod non licuit? Ergo cum Romam Gallus expugnauerit, Portis Vaticanæ hæc infcriptio grandibus litteris incideretur: *Templum Religionis, quod Chriftus fundauit, Petrus erexit, Pipinus dotauit, Ludouicus destruxit*? Non poteft id fieri, quidquid Galli minentur.

XVIII. *Decimotertio.* (a) Conqueritur Lauardini Defenfor: *Omnia Pontificios in peius interpretari. Vocari exercitus paucos illos Clientum & famulorum, qui Lauardinum comitabantur ex decore tantæ Dignitatis, quippè Gallie Legatum. Palatium, quo receptus eft, arcem appellari. Tintinnabulum, quo horæ, praudia, funera, hofpitumque aduentus indicatur, pro figno erumpendi. Disciplinam, Ordinem.*

nemque Domesticum, stationibus, & excubijs militari-  
bus. Denique si Lauardinus Angelus Dei sit, sta-  
tutum esse eum deformare, ut saltem à pueris sa-  
tisque, quorum semper maximus numerus est, suf-  
fragium ferant.

¶. Credo equidem hunc Oratorem cæcis, & sur-  
dis scribere voluisse, qui nec audierunt, nec viderunt  
Lauardini ingressum; alioquin, quæ rogo fidu-  
cia tam nota, tam comperita negandi? Legantur,  
quæ supra de Lauardini in urbem aduentu dicta sunt,  
euoluantur annales, an ullus vnquam Legatorum ita  
ad Pontificem, aliūque Principem ingressus sit: Ro-  
ma interrogetur, & tota Lauardinum accusabit, nec  
ego immorari volo iam suprâ narratis, & quorum  
Roma tot testes, quot oculos habet.

XIX. Decimoquartò: Consultius facturum Pon-  
tificem dicit, si Ecclesijs Asyla, non Palatijs adi-  
meret; Ecclesias enim precibus porrigendis institu-  
tas esse, non protegendis flagitijs.

¶. Modesta enimuero petitio, & digna Aduo-  
cato. Tollantur Ecclesijs Asyla, dentur Palatijs;  
& plus valeat in tuendis reis Lauardini reueren-  
tia, quàm Maiestas Dei. Nec interest Templo-  
rum Asyla à Deo in veteri testamento, & ab Ec-  
clesia in nouo tot sacris Canonibus, tot sæculo-  
rum decursu sancita esse; hæc omnia cessent, &  
in Lauardini cultum vertantur. Qui ita discurrunt,  
planè ostendunt nihil sibi Religionis superesse;  
alioquin ex Asylis Templorum inferre potius con-  
trarium deberent, extinguenda videlicet esse Asy-  
la Legatorum. Cum enim tot sint Romæ Asyla,  
quot templa, quid opus est illa multiplicari tanto  
innocentiæ pacisque publicæ periculo? & quæ ra-  
tio, ut cum non omnia flagitia sint secuta in tem-  
phis, sint in Lauardini palatio? nec opus est præ-  
sentem Pontificem à Gallis moneri, ne permit-  
tat,

tat, vt criminosi Templis abutantur; qui enim non patitur illos Legatorum ædibus, multò minùs patietur abuti ædibus Dei.

XX. Decimoquintò: Non possunt enarrari scandala, quæ ex hac Pontificis duritie in hæreticis nascuntur: eosque impediunt, ne veræ Religioni accedant.

R. Idem quoque Christo obiectum fuit: Scis, inquebant Apostoli, quia Pharisei scandalizati sunt in sermone hoc. Non ideò tamen cessauit Christus causam agere veritatis; imò momentibus respondit: Sinite illos, cæci sunt, & duces cæcorum. In quem locum optinè Diuus Gregorius: (a) Inter verba vituperantium semper ad mentem recurrendum est, & si in ea non reperitur malum, quod de nobis narratur, in magnam debemus lætitiã proficere. Quæ enim debet esse tristitia, si omnes accusent, & sola conscientia nos liberos esse demonstrat? habemus Paulum dicentem. Gloria nostræ hæc est, testimonium Conscientiæ nostræ. Iob quoque dicit: Ecce in Cælo testis meus? si ergo est nobis testis in Cælo, testis in corde, dimittamus stultos foris loqui, quod nolunt. Quamquam ne hæc quidem excusatione opus est; constat enim neminem offensum, aut scandalo affectum esse, quod Pontifex Asyla sustulerit, quòdque à tam sancto proposito nullo metu auerti potuerit; imò Calvinistæ etiam ac Lutherani id maximis laudibus profecuti sunt. At verò quod Lauardinus Asyla inuasit, quòdque Rex Galliæ Pontifici, quem pro Christi Vicario agnoscit, tam sancta imperanti non acquieuerit, & propter vmbra inanis priuilegij, solisque Latronibus vtilem, Ecclesiam, totâmq; Europam turbauerit: id enimuerò est, quod hæreticos Orbemque Christianum vehementer scandalo affecit, quòdque tot præclara Gallorum facinora turpi maculâ

(a) S. Gregor. l. 8. c. 45. ad Pallad. Presbyt.

culâ seclauit ; Regis ergo Ministros , & Confessarios scandali moneri oportuit , non Pontificem Innocentium .

XXI. *Decimosexto* : (a) Opponit quòque , exempla Ludouici sancti , Philippi Pulchri , & Ludouici XII. Regum Galliae , qui excommunicationes à Gregorio IX. Bonifacio VIII. & Iulio II. fulminatas nihili duxere . Quis ergo prohibeat istos imitari ?

B. Fallitur Lauardinus , si credit omnia se Regum & Sanctorum exempla imitari posse ; alioquin & homicidia , & adulteria poterit , quia à Dauide commissa & sancto , & Rege ; non ergo videndum est , quid Reges fecerint , sed quid lex fieri , omittitue iusserit ; lex enim erroris est expers , non Principum facta . Et Dauid non ideò sanctus , quia adulterium commisit ; sic Ludouicus IX. non ideò inter sanctos relatus , quia excommunicationem contempsit . Quamquàm multò aliter res se habet , quàm hic scriptor recenset . Ludouicum IX. Galliae Regem contemptui habuisse excommunicationem , quæ Gregorius IX. in Fridericum II. Imperatorem animaduertenterat ; citatque ad marginem Matthæum Parisium . Sciendum verò est , historiam Parisiensis etiam Gallorum iudicio falsi suspectissimam esse , in ijs præsertim , quæ Pontifices spectant ; nam editio Matthæi Parisij primò ex Bibliothecis Anglicanis prodijt sub Regno Elisabethæ anno 1561. Postea Tiguri iterùm typis impressa anno 1589. Vtrùmque ex Præfatione ad Lectorem habetur præfixâ Colici Salisburgenfi . Iam Lectori iudicandum relinquo , quæ fides haberi debeat libro , quem ex manibus Caluiniistarum habemus , iuratis Pontifici hostibus : possis limpida sperare ex tam turbido fonte ? (b) Ipse

Maim-

(a) Fol. 5. (b) Maimburg. de la Decadence lib. 2. pag. 112. Vbi . Il debite de fables , & des faussetez toutes visibles . . . ridicule digression . . . benque grossiere , &c. Spondan. ad ann. 1223. num. 12.



Maimburgus (cui in defloranda Pontificum auctoritate tanta voluptas) fatetur, Parisiensem mendacia, fabulasque palpabiles, & crassissimas nugæ Lectoribus proposuisse. Sed multò grauior Maimburgo Spondanus (a) Apamiarum Episcopus, & inter præcipua lumina recensendus Gallicanæ Ecclesiæ, vbi recitasset, quæ Ludouico sancto Parisiensis narrat, hæc adiungit: *Hæc diffusè blaterat Parisius, quæ meras nugæ esse hominis cerebro laborantis tam nullus dubito, quam omninò mihi persuadeo, nullum fore sanæ mentis, qui putidam eius narrationem, & futilem Dialogismum inspexerit, qui non idem mecum sentiat, cum etiam tantæ rei ne per somnium quidem ullus prorsus alius Auctor meminerit.* En tibi, quam nullius fidei sint, quæ de Summis Pontificibus Parisius scribit, etiam ex sententia Gallorum Auctorum! & tamen in causa tanti momenti Lauardini Causidicus tam leuibus testimoniis utitur; sed quid faceret, cum meliora defuerint? fateor Sanctum Ludouicum leges aliquas tulisse Immunitati Ecclesiasticæ, ac Censuris ab Episcopo latis oppidò graues; sed id fecit Aulicorum consiliis deceptus; at vbi errorem à Gregorio IX. edoctus est, continuò correxit, resciditque legem reuerentiâ Pontificis. Vide insignem Gregorii Epistolam, (b) in qua propositis Theodosii, Valentiniani, Caroli Magni Imperatorum exemplis, qui immunitatem Ecclesiasticam acerrimè protexerunt nullo Maiestatis dedecore, exemplar adiungit Diplomatis, quo Honorius III. Pontifex anathemate percussit, quotquot huiusmodi leges ferrent, quales Ludouicus. Agnouit continuò Rex sanctus, correxitque errorem non tam spontè, quàm aliorum instinctu commissum. Illud quoque memoratu dignum, cum eius Romam Legatus ab Alexandro IV.

F  
dipl-

(a) Spondan. ad ann. 1223. n. 12. (b) V. epistol. 390. lib. 9. & Raynald. ad ann. 1396. n. 31.

diploma retulisset, quo potestas fiebat nominandi Pastores ad vacantia Sacerdotia, Rex sanctus recusatō priuilegio, & Diplomate in flammās proiecto ad Legatum conuersus: (a) *Quod mea negotia Romæ strenuè obieris, laudo: quod mihi à Pontifice munus hoc retuleris, non probo: intelligo enim, quantum periculo animæ meæ, & Regni hoc susciperem.* Hæc sunt Ludouici sancti exempla, quæ oporteret suggeri Christianissimo Regi: non illa, quæ ab eius maiorum gloriosis vestigiis tantoperè abluunt, eiusque gloriam, & conscientiam pari damno afficiunt. Quæ de Philippo Pulchro, & Ludouico XII. narrantur, silentio potius digna sunt, quàm memoriâ, mirorque Lauardini Causidico nullum pudorem esse ea recensendi; nam Philippum quod attinet, constat eum in flore ætatis raptum, & si credimus Diuo Antonino, (b) alijsque, dum aprum insequitur, equo excussum. Reliquit tres filios, qui omnes vxorum adulterijs sædati, satōque immaturo, & sine maribus defuncti, Valesijs coronam reliquerunt. En tibi quorum Regum, & quàm infeliciū exempla Ludouico nostro inculcantur? Ludouici XII. in Iulium Pontificem conatus, *pestimum consilium, & Christianissimi Regis nomine prorsus indignum* Spondanus (c) vocat: nec aliud Cœli iudiciū; Ludouicus enim quinquennio post infelici morbo abreptus est. Absit à me, vt regnanti Ludouico pares exitus velim. Comparentur Principes, qui Pontificem venerati sunt, quique persecuti; Constantinus videlicet, Theodosius, Pipinus, Carolus Magnus, Philippus II. cum Iustiniano, Henricis, Fredericis, Philippo Pulchro, alijsque, & continuo patebit, quorum virtutes, & fortunam precari oporteat Christianissimo Regi.

XXII.

(a) Spondan. ad ann. 1254. n. 14. (b) Antoninus 3 p. tit. 21, Spondan. ad ann. 1314. (c) Spondan. ad ann. 1510.

XXII. Decimoseptimò: (a) Opponit Pontificum curas: Qui *prætextu*, inquit, *Religionis rebellium factiones contra legitimum Regem Henricum IV. adiunxerunt*, id verò nemo vnquam probauit.

R. Verum est, nullum vnquam Calvinistarum probasse, quæ pro Religione in causa Henrici IV. Pontifices egerunt; nec miror ea quoque non probari Lauardini Aduocato, qui singulis ferè paginis Calvinum redolet. Si rebelles vocandi sunt, qui non prius Henrico IV. subdi voluere, quàm hæresin exueret, veramque Religionem profiteretur, hæc planè culpa, aut potius calumnia non tam Romanum Pontificem, quàm præcipuas Gallici Regni familias, ac maximè Clerum Gallicanum inuoluit, qui nunquam adduci potuit, vt Principi Calvinistæ subderetur, Ipsa Gallia Pontifices implorauit, & præsertim Sorbona, ne pateretur Calvinistam regnare. Audi epistolam Perandæ ad Patriarcham, & Legatum Caietanum anno 1592. die 16. Aprilis. Sorbona huius sententiæ est, vrgetque Pontificem, vt ipse Regem Gallia pronuntiet, declaretque; alioquin Gallia conclamata est, expersque remedij. Et esse hanc potestatem Pontifici Regem declarandi rationibus planè euidētibus, multisque exemplis ostendunt, imò adiungunt: Vbi Pontifex Regem pronunciauerit, isque in Gallia denunciatus fuerit, continuò & à Clero, & ab omnibus Catholicis receptum iri. Vides quæ sententia tunc fuerit Cleri Gallicani, omniumque in Gallia Catholicorum; Galli ergo Pontifices, non isti Gallos impulsere.

Cæterum cum in negotio fœderis Gallici multa contigerint, quæ nunquam Pontifices probârunt; breuiter rem totam euoluam, vt tantò clariùs verum à falso distinguas.

Sciendum igitur est, cum edicto anni 1576. Hen-

ricus III. Galliarum Rex Calvinistis libertatem, & exercitium Religionis totâ Galliâ, aditum ad omnes dignitates, & honores, paritatem iudicium in omnibus Parliamentis, octo Urbium possessionem securitatis causâ, aliasque conditiones Catholicæ Religionis planè funestas permisisset; Catholici tam iniquis pactis offensi novum fœdus iurârunt fidei tuendæ. Fœderis caput Henricus III. Galliarum Rex, Leges quas fœdus complectebatur, Gregorio XIII. oblata, reiectæque sunt; quamvis enim hæresin deletam vellet, non tamen factiones Regno fatales probabat. Audi Spondanum: (a) *Gregorium huic fœderi suffragatum esse, neque scripto proditum fuit; neque vlllo alio argumento probari potest: quin imò netum, quidem, cum Guisius apertè se detexit, ne dum hoc tempore, Pontificem fœderi fauisse, sed semper Patrem se amantissimum, & fidum Henrici Regis amicum se exhibuisse, vel ipso teste Serrano, aut eius Continuatore utroque hæretico, ac proinde Pontificum hoste apertè intelligitur, cum ad finem anni 1584. scribit, oblatum tunc fuisse fœdus Gregorio, ut illud approbaret tanquàm pro Ornamento, & propugnatione Ecclesiæ Romanæ conditum; verùm Gregorium annuisse quidem, ut contra Hæreticos ageretur, at nequanquàm motus illos populares approbare voluisse, sicquenuncios inanes dimisisse.*

Certum igitur est, etiam testimonio Hæreticorum, initia fœderis Gallici à Pontifice improbata esse; eodemque Spondano teste, Principes Catholici fœderis nunquam à Gregorio XIII. impetrare potuerunt, quamvis ardentissimè precarentur, ut Regem Navarra, Condeumque Principem Duces Calvinistarum anathemathe feriret. (b) Sixtus, qui Gregorio successit, Henricum quidem Navarrem Communione fidelium interdixit, Regnôque inhabilem

(a) Spondan. ad ann. 1576. n. 7. (b) Spondan. ad ann. 1585.

bilem pronunciauit (quamuis Hispaniæ Rex Philip-  
pus ardentissimè, & cum minis vrgeret) vt fœdus  
cum Hispano aduersus Henricum iungeret, idque  
Spondanus (a) testatur. Cum tandem Henricus nol-  
let hæresin eiurare, & maxima Galliæ pars, præser-  
tim Clerus Gallicanus Catholicum Principem vel-  
let; nec leges Regni fundamentales alium, quàm  
Catholicum paterentur; Pontifices egregiè partes  
suas egisse, vt Henricum metu saltem compellerent  
ad hæresin deferendam; responditque effectus: quip-  
pè Henricus coronæ anxius maluit hæresin, quàm  
Regnum amittere, seque Catholicum professus est.  
Continuò sublata discordiæ, placati Pontifices, &  
Gallia Henrico subiecta. Si ergo cessassent Ponti-  
fices, nèque opportunè tantis malis remedia applicas-  
sent, & Henricus, & utrèque Ludouicus, Filius vi-  
delicet Neposque; & tota denique Gallia, Regum  
exemplo hæresi periisset: si ergo fateri volumus,  
Galliam Catholicam Pontifici debemus, solisque  
hæreticis dolere hoc potest.

XXIII. *Decimo octauo:* (b) *Inauditum esse, con-*  
*queritur, vt Legati Principum non auditi, non exce-*  
*ptifuerint, nisi prius omnia Pontifici cederent; non*  
*vi, non imperio cum Principibus agendum, sed amicis*  
*conventionibus: quoties & Hispaniæ, & Italiæ Prin-*  
*cipes Immunitatem Ecclesiasticam violauerint, non ideo*  
*tamen eorum Legatos, aut non agnitos, aut non admis-*  
*sos esse.*

Re. Alia facies est aliorum negotiorum, alia præ-  
sentis, & de quo agitur. Si enim Pontifex Lauardi-  
num pro Legato habeat, permittatque Asylius uti;  
iam Gallis nouus actus, & noua possessio accedit,  
sicque noua cauillandi materia: & quando semel  
admissos iterum possessione deiicias? & quid reli-  
quis Principum Legatis fiet, qui iam Asylo cessarent.

F 3

Non

(a) Spondan. 1590. n. 5. (b) Fol. 9.

Non potuit ergo Pontifex Lauardinum pro Legato admittete, vt non simul Asyla admitteret, iam De-  
cretis, exemplisque Legatorum damnata; & si se-  
mel Asyla admitteret in Gallorum gratiam; nulla  
spes ampliùs illa extinguendi infinito Bóni publici  
damno, scandaloque fidelium. Cùm ergo Lauardi-  
nus; & Legatum se ferret; & nollet Asylis cedere;  
idem erat pro Legato agnoscere; quod causâ cade-  
re; non ita in alijs negotijs. cum enim, exempli cau-  
sâ, Legati ab Hispanis, Italisque Principibus mittun-  
tur, violatæ immunitatis Ecclesiasticæ reis; non  
ideò mittuntur; vt pergant sub oculis ipsius Ponti-  
ficis, apertoque contemptu idem crimen repetere;  
sed vt excusent, aut deprecentur, aut aliorum nego-  
tiorum causâ. Non ita Lauardinus, cuius ingres-  
sus, & mora non potuit cum maiori contemptu;  
iniuriæque coniungi præsentis Pontificis; suprà quo-  
que ostendi, apud omnes Nationes receptum esse;  
ex similibus, aut etiam leuioribus causis Legatos  
non admitti.

Iactat quidem Lauardinus: *Secretas instructio-  
nes Pontifici gratissimas se asferre.* An venia ipsius  
dixerim, quis credat meliora esse, quæ latent, quàm  
quæ mostrantur? cum exaduerso soleant Galli pi-  
scantium more escam foris ostendere, hamum in-  
tùs celare. Sed quidquid sit, non debuit Pontifex  
spæ cuiuscunque præmij tot abusus permittere, quot  
ex Asylis nascuntur, nec mercatui exponere impu-  
nitatem peccandi.

*Decimonond: (a) Miratur Lauardini Aduocatus;  
Pontifices Romanos tam seuerè in Gallos agere, tam  
indulgentes in Hispanos, cum ab istis iniurijs, & ab  
illis tot beneficijs affecti sint.*

R. Non est mearum partium, Hispanorum, Gal-  
lorumque in Romanam Sedem beneficia conferre:

ne-

nemo negat multa Pontifices Gallis debere, sed & Gallos quóque multa Pontificibus. Exempla etiam Sixti V. eorúmque præcipuè Pontificum, qui in Gallias sedem traſtulère, ſatis oſtendunt, non eſſe in Hiſpanos tantam indulgentiam, quantam Galli declamant. Sed quidquid de alijs ſit, ego ſolius Innocentijs cauſam ago, nec vllá mihi de alijs cura. Innocentium verò eòdem iure cum Hiſpaniæ Legato egiſſe, quo cum Galliæ, imò omnibus egit, notiſſimum eſt; nullum enim iſtorum aliâ conditione Romam admiſit, quàm vt Aſylis cederet. Intempeſtiua ergo, imò iniuſta querela eſt partialitatis Innocentium in ea cauſa poſtulantis, in qua conſtat pari, eodémque iure in omnes expertus eſſe.

XXIV. *Vigeſimò, (a) Adiungit: Mirum non eſſe, ſi Lauardinus eas cenſuras moratus non ſit, quas inutiles, imò pernicioſas experientia, & Sixti V. Bùlla ſatis oſtendunt.*

¶ Sic omninò Lùtherani, & Caluiniſtæ philoſophantur. Si velit hic Gallus cenſuras vniuerſim curandas non eſſe, hæreſis eſt, nec calamo puniènda. Si velit tunc excommunicationem metuendam non eſſe, cum iniuſta eſt, aut ab eo lata, cui nulla auctoritas ferendi; verùm dicit, ſed nihil ad rem noſtram. Si verò contendat, iuſta an iniuſta ſit excommunicatione, non ex conſcientia Iudicis pendere, qui ſententiam dixit, ſed ex arbitrio rei, qui punitus eſt, adeò vt ſpernere excommunicationem poſſit, ſèque illi non ſubdere, quoties iniuſtam cenſuerit; nihil dici potuit aut imprudentius, aut iniuſtius: quando enim ſe reuſpuniri patietur, ſi eius arbitrio, & non Incidis ſedeat, de iuſtitia aut iniuſtitia pœnz iudicare? nec pœnâ teneatur, quoties iniuſtam cenſuerit, aut ſaltem, quoties iniuſtam dixerit? aut quis reus non dicet ſe iniuſtè damnatum, ſi hoc ſuf-

ficiat poenæ euadendæ ? & quis credat tam malè institutam à Christo Ecclesiam , vt voluerit valorem poenæ ex arbitrio , iudiciòque rei pendere , id quod in nulla Reipublica , quamuis Barbara valuit, valebitque ? Verùm igitur est , neminem ligari posse iniustis censuri ; sed æquè verum , iustæ illæ , an iniustæ sint , ad Iudicem , vt cognoscat , non ad reum pertinere : nihil ergo Lauardinum , eiusque Adulatores iuuat , quidquid opponunt de iniustitia censurarum .

*Sed quid si Pontifex iniuste excommunicatione aliquem plectat ? numquid illa tenebitur ?*

Eadem quæstio de quolibet Principum excitari potest : quid si enim Rex Galliz iniuste aliquem ad carceres damnet , numquid tenebitur carceres subire ? Si dicas non teneri , modò constet omnium iudicio de sententiæ iniquitate ; non verò si solus Reus , eiusque amici iniquam esse querantur . Idem ego de Pontifice & Lauardino , isto Reo , illo Iudice dicam : Sicut enim sententiæ Christianissimi Regis nullius iudicio subduntur , mutarique non possunt , quia Galliz Monarcha est ; ita neque Pontificis , quia Monarcha Ecclesiæ . Sed audi Pontificis Gregorij Magni elegantem doctrinam : (a) *Sub magno moderamine Pastores Ecclesiæ soluere , vel ligare debent : sed vtrum iuste an iniuste obliget Pastor , Pastoris tamen sententia gregi timenda est , ne is , qui subest , & cum iniuste fortè ligatur , ipsam obligationis sententiam ex alia culpa mereatur . Pastor ergo vel absolvere temerè vel ligare vereatur : Is autem , qui sub manu Pastoris est , ligari timeat vel inutile , nec Pastoris sui iudicium temerè reprehendat , ne etsi iniuste ligatus est , ex ipsa tumida reprehensionis superbia culpa , quæ non erat , fiat .*

*Quod verò adiungitur : Constare experientia , ex*

*rumi*

(a) S. Grgor. Magnus hom. 20. in Euang.



*communicationes noxias esse; malique euentus.*

Respondeo hanc esse omnium rerum mortalium conditionem, ut profint, noceantque, vteunque, videnti libuerit: nec est aliquid tam sacrum, quod abusus non lædat. Idem de excommunicationibus dicas, quæ multis profuere, ut Theodosio Magno, Carolo Magno, Henrico Magno; nec vllus istorum ideò magnus non fuit, quia Sacerdotibus paruit; nec minus Principum animæ quàm corpora remedijs subduntur, quoties ægrotant nullo damno Maiestatis. Quòd ergo aliquando excommunicatio nocuerit, non remedij, non medendis hæc culpa, sed ægrotantis fuit:

Quanta series malorum ex bellis nascitur? num ideò tamen Ludouicus Galliarum Rex bello abstinuit, quo Belgium, Austrasiam, Alsatiam vastauit tanto impendio sanguinis Christiani? quòd si dicant, multa esse mala, quæ ex bellis, armisque proueniunt, sed multò plura fore, si bellare non liceat. Idem ego de Censuris, armisque Ecclesiasticis dicam, quibus si metu mali uti non possis, multò peiora euenient, quippè omnia Principibus licebunt, estque amplissimum in Gallijs exemplum, vbi Religio perierat, nisi vibratis Censuris, metuque Regni amittendi Henricus Magnus hæresim exuisset.

Sed nimius sum, cum rebus tam clavis probandis, & totâ Ecclesiâ, semperque receptis consumor. Fecit Innocentius, cum Lauardinum excommunicauit, quod Symmachus, quod Innocentius, quod Hadrianus, quod Ambrosius, quod alij Pontifices, Patrèsque fecerunt. Faciat Lauardinus, quod Arcadius, quod Carolus Magnus, quod Theodosius alijque Imperatores, hoc est, pœniteat, seque Pontifici subdat, nec erubescat post tot Imperatores culpam fateri. *Stravit*, inquit de Theodosio Ambrosius,

omne,

(a) omne, quo utebatur, Regium insigne: defleuit in Ecclesia publicè peccatum suum, quod ei aliorum fraude obrepserat; gemitu & lachrymis orauit veniam; quod priuati erubescunt, non erubuit Imperator publicè agere pœnitentiam: nec ullus postea dies fuit, quo non illum doleret errorem. Utinam Lauardinus imitetur.

XXV. Vigesimo primò: (b) Laudat Aduocatus Lauardini, Pontificis Innocentij ad Deum, preces: sed negat istas in rebus agendis sufficere: *Audienda esse sapientum Consilia, interrogandos Canones, & ex horum præscripto, non ex priuatis inspirationibus sæpè fallacibus Bullas texendas esse. Si hæc Innocentius præstitisset, nuperum contra Legatorum immunitates Diploma vulgatum non fore. Suffragia Cardinalium Bullæ adscripta subreptitia & extorta esse, nunquam enim Bullam fuisse Cardinalibus exhibitam. Clausulam, & formulam illam Bullæ insertam videlicet, de consilio, & consensu fratrum nostrorum S. R. E. Cardinalium illusoriam esse, nec ex vero appositam, sed stylo Cancellariæ.*

¶ Fateor, cum hunc hominem de Orationibus, de Inspirationibus, deque sacris Canonibus disputantem audio, non magis risu abstinere posse, quam olim Apelles, cum futorem de Helena differentem. Quid enim in domo Lauardini minùs curatur, quam sacri Canones, Orationes, sanctæque Inspirationes? & cuius rei maior, quam istius ignorantia? Consultius ergo tacere, quam ignota narrare.

Cæterum quid dici possit inuerecundiùs, quam non auditos esse, non consensisse Cardinales, nec Bullam eis communicatam; cum tot Cardinalium nomina & suffragia sint Bullæ adscripta? num ergo velatis oculis subscripsere? Nihil planè de tam sacro Collegio, totque egregijs Senatoribus dici potest

(a) S. Ambros. Orat. funeb. in Theodos. (b) Fol. 10.

teft indignus, quàm aut non vidiffe, aut non perpendiffe rem tanti momenti, & cui fubfcribebant; nam quòd dicitur: *Extorta fuiſſe ſuffragia*; nimis nota calumnia eſt: qui enim Innocentius extorſit? vi, metu, an dolo? at hæc omnia nimis aliena à Moderni Pontificis moribus, nec ullus Cardinalium de vi aut fraude conqueſtus, cùm tamen omnes ſubſcripſerint Eſtreo, & Maidalchino exceptis.

Nec dici poteſt, nimis feſtinatum eſſe; cùm conſtet iam primis annis Bullam fuiſſe conceptam, & vñdecim annorum ſpatio maturatam, idque toties Regi Chriſtianiſſimo inſinuatam, & ab iſto, Eiuſq; Miniſtris Pontifici promiſſum eſt, in Gallijs quoque receptum iri aliorum Principum exemplo. Quot annis ergo opus eſt, vt maturum conſilium dici poſſit, ſi vñdecim non ſufficiunt? Quamquàm & iniuſtitia Aſylorum tam clara, & omnibus nota, vt nec Theologis, nec conſilijs, nec annis opus fuerit ad eam oſtendendam.

Paucas infra lineas redit Auctor ad ipſam querelam videlicet: *Sapientiſſimos quoſque S. Collegij non admitti ad Pontificis conſilia, quibus nunc Europa turbatur.*

Ænigma videri poſſit, quos Gallus intelligat ijs verbis: *Sapientiſſimos quoſque*. Conſtat enim Bullæ contra Aſyla Cardinales Cibum, Ottobonum, Caſſanatam, Columnam, Azolinum, Pium, Chiſium, Medici, Norfolcium, alioſque ſubſcripſiſſe, Eſtreo tantum, & Maidalchino exceptis; oportet ergo Eſtreum, & Maidalchinum ſolos inter *sapientiſſimos* reponi; at ego hætenus credebam ſolos non eſſe.

XXVI. *Vigefimoſecundo*: (a) Conqueritur, Pontificem Innocentium ex conſilijs pendere Religioſorum ignorantium, rerumque mundi expertium; nec non

Præ-

*Prælatorum minoris sortis, quibus unica cura genio Pontificis adolari, à quo extolli momento possint.*

*B.* Quæ de Religiosis ignorantibus, minitisque Prælati notâ Aduocati modestiâ declamantur, longâ refutatione non egent. In causa Asylorum consilia cum Religiosis collata non credo, saltem me latet; nec opus erat, re toties, & à tam multis Pontificibus iam olim decisâ. In causâ vero Regaliæ, & quatuor Propositionum Conuentus Parisiensis, scripsere quidem Religiosi solito morè, quippè iam à primis Ecclesiæ annis ea pars Religiosis seruata, ut veritati succurrerent, quoties impugnabatur. Fecerunt ergo Religiosi, quod semper factum, & quod debebant. Cæterum an ignorantes illi sint, ex libris, quos scripserunt, agnoscas; illi testimonium dicent, quinam postulari ignorantie debeant, qui Regi, an qui Pontifici seruiunt. Planè nemo totâ Galliâ repertus est, qui hisce ignorantibus respondere sit ausus, aut qui potuerit; adeò veritas præualuit, & æquitas causæ. Quòd si velint, idèò Religiosos, qui pro veritate scripserunt, ignorantes esse, quia scientiam Principibus adulandi non callent, & quam Gregorius Magnus egregiè depinxit: verum dicunt, fateorque ignorantissimos esse, nullòque modo cum aulicis Lauardini, aut cum Regis Confessario posse comparari. Sic verò illam Gregorius descripsit: (a) *Deridetur iusti simplicitas. Huius mundi sapientia est, cor machinationibus tegere, sensum verbis velare; quæ falsa sunt, vera ostendere, quæ vera sunt, falsa demonstrare: hoc qui sciunt, cæteros despiciendo superbiunt. At contra sapientia iustorum est, nihil per ostensionem fingere, sensum verbis aperire, falsa deuigare, pro veritate contumeliam lucrum reputare. Sed hæc iustorum simplicitas deridetur, quia ab huius mundi sapientibus pu-*  
rita.

(a) S. Gregor. lib. 10. moral. c. 16.

ritatis virtus facitas creditur. Omne enim , quod innocenter agitur , ab eis procul dubio fatuum reputatur .

Quæ de Minutis Prelatis dicuntur , eos videlicet spe præmiorum Pontificis genio adulari , nescio quem feriant ; credo enimverò nullum in palatio Pontificis morari tam minutum Prælatorum , qui non pluribus æquiualeat Lauardini spatharijs , & quot fascies Aduocatorum , quotque Talonij sufficient , vt vnum ex minutis hisce Prælatiſ componant ? Multò minùs constat mihi , quã illi spe ducantur ; illud certum est , nemini hætenus , qui in Regaliæ , & quatuor propositionum conflictu causam veritatis egerunt , meliorem fortunam prouenisse , aut à Pontifice auctum esse , si Cardinalem Aguirre excipias , cui excellens doctrina exemplo Baronij , Bellarmini , Caietani , aliorumque Purpuram meruit : ego si pro lucro , non veritate certandum sit , malim Parisijs operam locare , quàm Romæ , spem enim prouocarent Maimburgi exempla , ac præsertim Regij Confessarij , cuius familia ex tenui , & arida , (a) adeò opibus aucta est , vt pretio ducentis millium Francorum excubias Regij Palatij coemerit , præter alia nec pauca emolumenta . Tanti videlicet pretij est Theologia aulicis grata : nihil simile Roma .

Paria ferè sunt , quæ in sua Apologia Ministris Pontificijs Lauardinus obiecit , videlicet : *Omnium contentionum , quæ Pontificem inter , Regemque agitantur , causam temeritati , ac insolentiæ Ministrorum adscribendam esse , qui ob Pontificis defessam annis , morbisque ætatem , negotijs admoti illius gratia abutantur , Galliaque turbandæ omnem lapidem moueant .*

Ita placuit Lauardino loqui , qui specie humanitatis tunc maximè Pontificem arguit , cum maximè excusat . Quid enim peius de Principe dicas , quàm quòd

Mi-

(a) Capitanno delia Porta del Leone .

Ministris vtatur temerariis, insolentibus, ac hostibus publicę pacis, & istis non molem tantum Principatus, sed etiam animum, ac gratiam suam committat? Planè ingentia cogitanti, quę in componenda disciplina Ecclesiastica, in ausibus corrigendis, in profligandis hæresibus, ac præsertim in Turcico imperio propè ad internecionem vsque delendo, à moderno Pontifice felicissimè peracta sunt, adeò vt hac in re non omniũ tantum retrò Pontificum memoriam, sed etiam omnium mortalium spes, & vota superarit; oportet, inquam, ingenuè fateri, Ministros Innocentii non temerarios, non insolentes esse, sed tales, quorum merita Galli imitentur, seque felices ducant, si aliquam tantum partem eorum glorię, ac virtutis consequi possint; nam quòd diis odium Gallicę Nationis Lauardius obiicit, compertum est, non posse odii accusari in ea causa, quę non solos Gallię, sed omnium Regnorum, Principumque Legatos tangit, & quorum nemo hætenus conquestus est, sibi iniuriam fieri. Nulla ergo in causa tam iusta, tamque omnibus probata Ministrorum Pontificis culpa, sed eorum tantum, qui contra omnium Principum exempla retinere potentiam volunt, quod iure non possunt, aliosque iniurię, ac odii postulant, qui sua, imò qui Christi patrimonium vsurpari non sinunt.

Quamquam quid frustrà ego excusandis Ministris laboro, quando nemini compertum non est, hodiernum Pontificem nunquam ex Ministrorum consiliis pependisse, sed conscium potestatis, ac muneris sui, ac præsertim cęlestis patrociniũ, rebus lentè discussis omnia arbitrio suo ac prudentiã metiri, nec aliis imperandi, sed obsequendi munus relinquere, adeò vt si quę culpa est, soli Pontifici adscribi debeat, rerum omnium, quę fiunt, & conscio, & arbitrio; quamquam nec culpa, nec imprudentia dici potest, quod tanto tempore, tamque maturis consiliis, assensuque

totius ferè sacri Collegij, imò totius Orbis terrarum, si paucos Gallorum excipias, probatum, decisumque est. Cæterum ex hoc quoque Lauardino ignosci potest, quando Romam nuper ingressus nec Pontificis mores, nec integritatem Ministrorum satis comperitam habuit, & ideo vtròsque ex aule genio æstimauit.

XXVII. *Vigesimotertiò* : (a) Ingenti & magnificâ Digressionè à Legatorum Asylis ad Conuentus Parisiensis Propositiones conuersus : Ignorantissimos esse, dicit, qui *Declarationem Parisiensem* nouitatis accuset, cum constet, antiquissimam esse, *Gallicanæ Ecclesiæ* sententiam. Quòd si priuati aliqui Doctores, aut etiam ipsæ Synodi *Gallicanæ*, vt illæ anni 1614. & 1615. contrarium docuerint, reliquias fuisse infortunati illius fœderis, quòd *Ligam* vocant ; tunc enim Pontificis emissarios alienis doctrinis Galliam imbuisse ; ac præsertim Cardinales *Ioiosam*, *Peronium*, *Surdium*. Ducesque ac Marescallum *Guisium* *Maienium*, *Esperonium*, & *Ancreum* conatos esse *Parlamentum*, ac facultatem Theologicam peruertere, sed nunquam potuisse. Antistites, qui Parisiensi Synodo interfuere, & merito eminentis doctrinæ, & Zelo Religionis, & conuersione tot hæreticorum (quos inuictis rationibus domuerunt) tantum sibi famæ comparasse, vt sufficiat illorum auctoritas sustinendæ nuperæ Declarationi, ac hominibus persuadendis nullo priuato affectu præuentis. Ex aduerso nuper ad purpuram promotos multò inferiori merito esse, nullaue re alia commendabiles, quàm odio Gallorum, vastisque voluminibus, quæ fabulis, vanisque ac millies refutatis rationibus infarserint.

¶. Sis solent victi : mordent & lacerant, cum arma perdidere. Ignorantissimos dicit, qui nuperam Declarationem Conuentus Parisiensis nouitatis accusant. At lubeat Lauardino, eiusque Ministris ea per-

perlegere, quæ à Cardinali Aguirre, & Auctore Gallia Vindicata scripto vulgata sunt, videbítque Parisiensem Declarationem tam alienam esse à Patrum, ac præsertim Ecclesiæ Gallicanæ doctrina, vt nihil magis; nec mihi quæ illic dicta sunt, & quibus Galli respondere nihil possunt, repetere animus est, quippè in alio argumento versamur. Perronij, & Rich. liij Cardinalium doctrina, & in Galliam merita mundo notiora sunt, quàm calumnijs obscurari possint; & quis in nupero Parisiensi Conuentu sedet, qui cum Perronio, & Richelio possit comparari?

Et illud quoque risu dignum: *Perronij, & Gallia Synodum doctrinam reliquias fuisse fœderis Gallijs infasti.*

Nimirum Constantinopolitanum, Ephesinum, Chalcedonense, Lateranense, Lugdunense, Ferrariense Concilia: sancti quoque Cyrillus, Athanasius, Cyprianus, Damasus, Bernardus, Antoninus, Bonauentura, Thomas, alijque Patres, qui Parisiensi declarationi aduersantur: reliquias dici possunt fœderis sacri. Illud verius dixissent, Religionem Catholicam reliquias esse fœderis sacri, nisi enim hoc esset, nunquàm Henricus, nunquàm Henrici filij, Neposque, sicque nunquàm Gallia hæresin exuisset.

Quod additur de doctrina Gallia Episcoporum, parum interest meâ, docti an indocti fuerint, qui Parisijs fœderunt; nam & Nestorius, & Arius, & Caluinus docti fuere. Plures in Gallia fuisse, qui purpuram ambierint, credo: plures meruisse, quàm qui nuper promoti, ignora; Pontificis iudicium fuit, qui tamen nec Galliam omisit, quamquam non illos elegerit, quibus maior cura tantam dignitatem optandi, quàm merendi. Nec ob libros eruditissimè scriptos alium quàm Cardinalem Aguirre eucetum scio. Nullum huic in Gallos odium, sed vnus amor veritatis, & hæc tam inuictè probata, vt nihil Gallis occurreret,

rit,



fit, quod responderent; tam etiam modeste propo-  
fita, vt habeant Aduersarij, quod imitentur: sed  
cum nec imitari modestiam velint, nec respondere,  
rationibus possint, ad conuitia, & iniurias appel-  
lant, & molem libri accusant, cum opprimuntur  
mole veritatis.

Auctoritatem quod attinet Conuentus Parisien-  
fis, nullius planè momenti est.

Nam *primò* constat, Patres, qui huic Conuentui  
affederunt, alios odio, & vindicandi cupidine; alios  
metu corruptos fuisse. Repetantur memoria, quæ  
Pontifex contra Regaliàm, proque libertate Gallica-  
næ Ecclesiæ fecit, & exaduerso quàm iniquis animis  
à Galliæ Episcopis ( quorum tamen causa agebatur )  
ac præsertim Tholosano, & Parisiensi Archiepiscopis  
accepta fuerint, & quàm sæua ab illis persecutio se-  
cuta, Relegantur etiam, quæ ipsi Galliæ Antistites  
litteris (a) ad Pontificem datis de suo metu professi  
sunt, quæque illis Pontifex respondit; & continuò  
patebit, verum esse, quod dixi, in Conuentu Pari-  
siensi omnia odio, metùque agitata esse. Et quid  
boni speres, vbi odium præfedit, metùsque subscri-  
psit? & quoties experimur, etiam sapientissimos ho-  
minum, quoties his affectibus rapiuntur, multa fa-  
cere, & dicere, quorum ipsos poeniteat, aut saltem  
pudeat? Nota sunt Tertulliani, Origenis, Luciferi,  
Photij aliorumque exempla.

*Secundò*. Nulla Conuentui Parisiensi facultas  
contra omnium Patrum, Conciliorum, ac præsertim  
Gallicanæ Ecclesiæ sententiam aliquid statuendi,  
Qui enim Conuentus Parisiensis, vt cum tota retrò  
Gallicana Ecclesia comparari debeat? quantòque  
minùs tot Concilijs, & Patribus præferri? aut si au-  
toritas, & doctrina te mouet, cur non magis mouet,  
tot Patrum, tot Conciliorum, imò Ecclesiæ totius,

G

quàm

(a) Anno 1682.

quàm paucorum , quos odium , metus , vindicta ,  
adulatio peruerterant ?

*Tertiò*. Et quid miraris Parisiensem Conuentum errâsse , quando constat ob similes ferè causas Antiochense , Ariminense , Ephesinum secundum , & alia Concilia errâsse , in quibus longè maior , & numerus , & doctrina , quàm in nupero Parisiensi : & quis nescit etiam Hæreticis suos Conuentus , & synodos esse , in quibus fortè non minor doctrina quàm Parisijs , si hæc sufficeret : non ergo ab istis veritas querenda , sed ab illo , cui Christus dixit : *Ego pro te rogavi , ut non deficiat fides tua , & tu aliquando conuersus confirma fratres tuos*.

*Quartò*. Adde & Regaliz , & quatuor Propositionum causas ad maiores , imò maximas pertinere , quæ etiam Gallorum testimonio soli Pontifici reservantur ; hic ergo solus , & vnicus Iudex ; at plus valet , magisque obligat vnus Iudicis sententia , quàm mille aliorum iudicia , quibus nulla auctoritas decidendi. Denique certum est , & alibi , inuictèque probatum , Concilia à Pontifice improbata nullius esse auctoritatis ; quantò ergo minoris auctoritatis Conuentus Parisiensis decreta ? Poterit ergo Episcopis Parisiensibus ab Innocentio repeti , quod olim Ariminensibus à Damaso dictum est : (a) *Numerus Episcoporum , qui erant Arimini (Parisijs) congregati , præiudicij vim habere non debent , præsertim cum formula illa concepta sit , neque Episcopo Romano ( cuius ante omnia sententia expectanda erat ) neque alijs ei consentientibus*.

*Vigesimoquartò* ; Multa subdit de libertatibus Ecclesiæ Gallicanæ , quas negat Pontificum priuilegijs deberi. Sed cum hoc nihil pertineat ad præsens argumentum , sitque integris libris confutatum , alto Gallorum silentio , nihil habeo quod addam , præter

(a) Theodor. l. 2. c. 22.

ter illud Apostoli : (a) *In libertatem vocati estis fratres ; tantum ne libertatem in occasionem detis carnis .*

XXVIII. *Vigefimoquintò* : Negat Leges, Bullasque à Pontifice latas ad Principum Oratores, eorumque domus, & viciniam, seu Quarterium extendi posse. (b) *Legatum enim Personam Principis, eiusque supremam, & independentem auctoritatem, repræsentare ; ædes Legati, esse ædes Principis, nec proinde Pontificis legibus comprehendì . Hæc Lauardino comperta, & ideo nihil Innocentij Bullæ deferre potuisse .*

æ. Si hæc ita habent; ergo non solum Romæ Regijs Legatis ius Asyli, & Quarterij, sed omnibus Principum Legatis, & in omnibus aulis competet, ac præsertim Parisijs Legato Pontificis. Hic enim eadem ratione, quâ Lauardinus causari poterit : se Pontificis supremam, & independentem auctoritatem referre : ædes suas, ædes esse Pontificis, nullisque Regijs Legibus subiacere, nec à Regijs satellitibus viciniam suam percurri posse. Quæ omnia si nec Parisijs, nec alibi locum habent, cur habeant Romæ? an verò soli Galliæ Legati Principem suum repræsentant? Et si esse Galliæ Legatum est Legitimus titulus Asyla, & Quarterium obtinendi, cur hoc tantum Romæ, & non alibi Gentium? Certum igitur est omnium Principum Gentiumque exemplo, Ius Asyli, & Quarterij saltem extra proprias edes, multòque magis intota vicinia Legatis Principum, nec deberi, nec dari; malè igitur à Lauardino petitur titulo Legationis.

Taceo Lauardinum Legatum non esse, cum ut sæpè repetitum, non solius mittentis consensus Legatos faciat, sed etiam Principis, ad quem mittitur.

Taceo in nupera Innocentij Bulla non contineri

Legem verè humanam, sed Diuinam, & naturalem (cui omnes non tantum Legati, sed etiam Principes subduntur) videlicet: *Non inuadendi, nec retinendi aliena Domino inuito.*

Taceo denique Legatos etiam agnitos, receptosque multis ex causis remitti posse, præsertim cum hostilia moliantur, alienam Iurisdictionem inuadunt, aut inuasam abstinere nolunt, cumque Principi, eiusque Ministris Iustitiæ insultant, ut nuper Lauardinus.

XXIX. *Vigesimosextò*: (a) Obijcit Possessionem immemoriam.

¶ Hoc vnicum est argumentum, quod decipi solent simplices, rerumque ignari; & tamen instar aliorum planè vanissimum: imò tantum abest, præscriptionem obtendi posse, ut potius hoc ipsum ius immunitatis, & Asyli pro exemplo feruiat rerum impræscriptibilium; adeò ut si in scholis Iuris-Consultorum quærat: *Quodnam sit paradigma rerum, quæ nunquam præscriptæ sunt, & nunquam præscribi possint?* Respondere debeat: *Ius Asyli à Lauardino Romæ petitur; in hoc enim vno omnes defectus Præscriptionis conueniunt.*

Piget me ad ista deuolui, sed postquam Gallus hoc argumento uti voluit, in eoque summam rei collocare, non possum filere. Nego ergo hoc ius Asyli à Gallis præscriptum esse, aut aliquando potuisse præscribi.

Nam primò Præscriptio non est Diuini, aut naturalis, sed humani iuris, ac ciuili lege inducta. Vnde si supremus Princeps, qui Ciuili Legge non tenetur, declaret se nolle, ut res aliqua intra suum Principatum præscribatur, certum est præscribi non posse. At Pontifices Romani à Iulio III. vsque ad Modernum Pontificem semper & factis, & se-

& feueriffimis Legibus profefli funt ; nolle fe , vt huiufmodi , immunitas tanquàm publicæ quieti , Gentium iuri , humanifque commercijs aduerfa præfcriberetur : non ergo præfcribi potuit .

*Secundò* . Tota & vnica ratio , ob quam Præfcriptio admiffa eft , illa fuit ; ne iura & Dominia rerum incerta effent , fi multis annis , quietéque ab aliquo poffeffa reftitui deberent . At hæc ratio in noftro cafu locum non habet : nec enim incertum efle poteft , ad quos pertineat ius capiendi , puniendique reos in tota Romana vrbe , & locis à Lauardino prætenfis ; cùm certiffimum fit ad Romanos Pontifices pertinere , ab ijsque femper exercitum , vt ex Archiuis , & Protocolis , communi totius vrbs testimonio , ac confeffione etiam Gallorum conftat , quod fuprà oftendimus , cùm de Pifana conuentione ageretur .

*Tertiò* . Ad præfcriptionem requiritur bona fides in legitimo aliquo titulo fiue vero , fiue præfumpto fundata , adeò vt fublata bonâ fide , ne mille quidam annorum poffeffio præfcriptionem pariat ; idque vt Præfcriptio à furto , & rapinâ diftinguatur : at in noftro cafu , quæ bona fides , quifque legitimus titulus aut efle , aut præfumi poteft , quando Summi Pontifices legitimi iftarum rerum & vnici Iudices toties ; & tam enixè publicifque edictis hæc Afyla prohibuere , imò abufum appellârunt *abominabilem* , *detefandum* , *publicæ pacis perturbatiuum* , *fomitẽ rebellionis* , *peffimi* , *valdeque pernitioli exempli* , *rem enormem* , *nimiam corruptelam* , *aufum temerarium* , *abominabile* , & *detefandum nomen* , fieriue , inquam , poteft , vt bona fides ac legitimus Titulus efle vel præfumi poffit , in rebus , quas ex Principis edicto conftat , *abominabiles* , *enormes* , *detefandas efle* , &c. Quod fi nec

bona fides, nec titulus Legitimus, ergo nec Præscriptio.

*Quartò*. Certum quòque est, sine continuata, & nunquam interrupta possessione nec esse, nec concipi posse ullam Præscriptionem; imò hæc nihil aliud est, quàm continuatio Possessionis. At in argumento, de quo agimus, qui fieri potest continuata fuisse Possessionem, quando ab omnibus Pontificibus tot edictis, tot actibus, exemplisque in contrarium editis abrupta, & truncata est, quoties micare & prodire ausa? Quis voget adultam, quæ toties in cunis appressa, quoties nata?

*At Legati sæpè conati sunt hanc immunitatem sibi vendicare, imò aliquandiu ea usi sunt?*

*R.* Aliud est conatus & factum; aliud præscriptio; si conatus & facta ad præscriptionem sufficiant, iam dudum patrocínio Præscriptionis homicidia, adulteria, periuria, & omnia flagitia liceant, quæ multò pluribus conatibus, exemplisque, quàm immunitates Lauardini nituntur.

Quòd si dicas: *Hæc iuri Diuino, & naturali aduersari, & ided præscribi non posse.*

Respondebo non minùs esse iuris naturalis, Diuinique hæc præcepta, quæ pro basi totius Iuris prudentiæ Iustinianus posuit, videlicet: *Neminem ledere, ius suum unicuique tribuere*; quæ palàm est violari usurpato à Legatis iure Asylorum, quæ enim maior læsio, & fraudatio iuris alieni esse potest, quàm supremum Principem, & Pontificem magnâ parte Iurisdictionis in Urbem Romanam priuare, & flagitijs, ne deleri possint, patrociniùm præstare paratâ impunitate?

*Quintò*: *Æquè certum est, quæ iuri publico, & communi quieti repugnant, nullo tempore præscri-*

bij

bi; ac verò quid magis repugnat, quàm hoc Afylo-  
rum ius, quo datà flagitijs fecuritate, & licentiâ,  
neceffe est publicam quietem proferri. Ipsi Galli,  
quando contra Ius Regaliæ longiffimam Poffeffio-  
nem, ac fuprà omnem memoriam pro Ecclefijæ  
allegari audierunt, quid aliud & fapius respon-  
dere, quàm iuribus ad Coronam & Principatum  
pertinentibus præfcribi non poffe? At verò ius  
crimina puniendi multò magis Coronæ, supremæ-  
quæ auctoritati annexum eft, quàm ius Regaliæ:  
nam fine hoc poffunt Regna & Principatus confi-  
ftere, imò fi Galliam excipias, nullum Regnum  
hoc iure potitur; non verè conferuari Regna pof-  
funt fine auctoritate neceffaria puniendi fceleratos;  
id enim ad publicam quietem, & pacem pertinet, cui  
promouendæ Principatus instituti funt.

*Sextò.* Denique Præfcriptioni complendæ tem-  
pus neceffarium eft; nec enim quouis die, aut an-  
no aliena iura præfcribi poffunt: fed contra prin-  
cipatum Ecclefiarum iura quadraginta annorum tem-  
pus neceffarium eft: contra verò iura Romanæ Ec-  
clefiæ centum annorum. At Legati, quamvis cum  
alijs vrbis Magnatibus vfurpare hoc ius iam Iulij  
Illietate conati fint, eo tamen femper expulsi, coacti-  
que cedere, liberâ iuftitiâ, & omnibus locis exer-  
citâ vfque ad annum 1670. quando fub Clemente V.  
ob caufas nuper libatas, non edictis, quidem, aut  
pœnis, nec etiam satellitum excurfu Afyla Legato-  
rum turbata funt; fed tantum precibus, querelis-  
que apud Principes actum, vt hunc vsum extin-  
gui permitterent. Idque multò efficacius à Moder-  
no Pontifice, quod folum fufficeret impediendæ  
præfcriptioni. Demus ergo (quamvis ob caufam  
modo. allegatam ne hoc quidem concedi poffit)  
duodeviginti annos elapfos effe; quantum id tem-

poris est, ut non dico contra Pontificem, sed ne quidem contra priuatum Ciuem prescribi possit? nihil ergo Lauardinum iuuat ostentata Præscriptio.

XXX. *Vigesimo septimò*: Conqueritur, violari *Pisanam Conuentionem*.

Æ. *Pisanâ Conuentione* nihil aliud contineri, quàm ut Legatis Galliz honor exhibeatur tanto characteri debitus, non verò, ut iure Asylo gaudeant, præsertim, quando alij Principes ei renuntiârunt. Imò Alexander VII. constantissimè negauit auctoritatem suam Asylo præstare, illudque ratum habere, ut ex publicis documentis constat. Aliud est ergo honor Legatis debitus, aliud Asylum, neque hoc ad iura Legatorum pertinere, omnium, qui de hæc re scripserunt, testimonijs constat, patetque aliorum Principum exemplo. Deinde *Pisana Conuentio* de Legatis loquitur, qualis Lauardinus non est, quando, ut suprà iam monui, non solius mittentis imperium Legatum faciat, sed etiam consensus Principis, ad quem mittitur.

XXXI. *Vigesimo octauò*: Multis locis conqueritur Lauardini Orator: *Modernum Pontificem Innocentium malè in Gallos animatum esse; idque toto sui Pontificatus tempore multis, magnisque exemplis ostendisse.*

Æ. Posset Innocentius respondere, quod olim Elias similis culpæ à Rege postulatus: cum enim illum istis verbis Achab alloqueretur: *Tu ne es ille, qui conturbas Israel?* Respondit: *Non ego turbavi Israel, sed tu, qui dereliquisti mandatum Domini.* Si Galli iusta peterent, & quæ concedi possent, merito & ante alios audirentur. Cum verò illa petant, quæ Conscientia non admittit, quis amabo causa repulsæ? qui petit, an qui negat indigna? permit-  
tant



tant Galli aliquem locum Conscientiæ, nec iniuriam aut odium putent Regem soli Deo postponi.

Reeensebo, de quibus Galli causantur, se à Pontifice exauditos non esse, sitque Lectori iudicium, odium an necessitas dici possit, quidquid Pontifex Gallis negavit.

*Primo* enim Rex Christianissimus Ius Regaliæ propria auctoritate ad Ecclesias duplò plures extendit, quam quæ antea huic seruituti subiectæ erant, imò etiam ad Ecclesiam regularem qualis fuit Apamiensis, idque contra Lugdunensis Concilij Decreta, contra Præscriptionem immemoriam, contra Leges omnium retrò Galliæ Regum, & denique, contra ius, & immunitatem tot Ecclesiarum.

*Secundo*. Vicarij Generales ab Apamiensi Capitulo Canonice electi, Regiâ auctoritate operaque Archiepiscopi Thotofani expulsi sunt, alijque intrusi, Canoniceis omnibus Regularibus Apamiensis Ecclesiæ direptionibus, carceribus, exilio pulsus, totòque Capitulo illius Ecclesiæ dissipato; vnde funestum schisma, secutum, duratque in hunc diem.

*Tertiò*. Nominatio in aliquibus Monasterijs Vrbaniſſarum Sanctimonialium Regi vindicata, suppressis liberis Electionibus, intrusisque Titularibus Abbatissis, vnde summa ac plena scandali inter sacras Virgines exorta confusio.

*Quarto*. Oppressio Cluniacensis Abbatix, in qua licet vi Concordatorum ius eligendi sit penès Religiosos; & ij quendam Patrem Beauveron canonicè elegissent, hoc tamen renuntiare coacto, punitoque longo exilio substitutus est Bullonius Cardinalis, quem nunquam Pontifex adduci potuit, vt confirmaret, quippe contra Canones intrusum, cumque insigni iniuria, damnòque canonicè electi.

*Quinto*. Extincta quoque sunt Regiâ auctoritate quàm

quàm plurima Leprosoria, & loca pia (quorum plurima ad Ordinem S. Lazari spectabant) & Regis iussu inualidorum Xenodochio vnita, quod noluit Pontifex ratum habere.

*Sextò*. Vsurpata quóque nominatio Abbatum in quàmplurimis Galliæ Monasterijs, aliisque Prouincijs bello quæsitis, cum certa clade Instituti & Disciplinæ Regularis, quod nunquàm Pontifex probauit.

*Septimò*. Nominati quóque sunt ad vacantes Ecclesias duo ex illis Prelatis, qui anno 1682. Conuentui Parisiensi assedère, nouamque & omnibus Ecclesiæ, Galliæque Patribus aduersam doctrinam inducere moliti; ac etiam pro Regaliâ deciderunt, excluso Pontifice, cuius tamen iudicio causas maiores referuari certissima Patrum Regula est, etiam à Maimburgo, alijsque Gallis admissa. Hos verò à Rege nominatos Episcopos tanquàm suspectâ, sacrisque Canonibus aduersâ doctrinâ infectos Pontifex respuit; vnde Gallianimum obfirmârunt, vt ne quidem alios Episcopos ferè triginta proponerent, ingenti vacantium Ecclesiarum damno.

*Octauò*. Taceo nouam, & Gallicâ pietate indignam persecutionem, quâ contra Ecclesiæ immunitatem tot insignes, præclarique Sacerdotes, & Ecclesiasticis Dignitatibus aucti, carceribus, proscriptionibus, exilijsque puniti sunt. Hæc nuquam Innocentius probare potuit, & qui posset à sacris Canonibus, ab Ecclesiæ Gallicanæ institutis, & Legibus Diuinis, humanisque adeò aliena? Hinc Gallorum querelæ, qui & Pontificem, & Pontificis Ministros, odij accusant, quòd non velint, quæ non licent quòdque non possint Regiorum Ministrorum cupiditatibus adulari; & Deum, Conscientiam, Regemque prodere tam turpi ac indignâ conuiuentiâ.

XXXII. *Vltimò*. Denique sparsim hic Auctor minatur : ( quod etiam Lauardinus in fine Apologiae suae fecerat . *Si quis reuerentiae & honori defue- rit Legato tanti Monarchae debito , reum illum for- omnium malorum , quae ex irata , offensa , que Regis Ma- jestate prouenire possint .*

& . iam obseruatum est , Asylum non pertinere ad honores ac iura Legatorum , nec Lauardinum , posse Legatum dici , sicque nullam iustam causam prae- texi Regiae indignationis . Quòd si tamen , vt Lauardinus minatur , Christianissimo Regi placue- rit armis hanc causam finire , & quod iure non po- tuit , vi ac potentia exprimere , nihil aliud Innocen- tio supererit , quam vt patientia Pontifice digna , quidquid Regi visum fuerit , intrepidè patiat , se- que non Achillis , aut Hectoris , sed Piscatoris suc- cessorem meminerit , cui , vt gladio abstineret , à Christo imperatum est . Non ergo Christianissi- mo Regi , Ecclesiaeque Primogenito aut arma , aut acies opponet , sed reuerentiam Pontifici debitam . Dicetque Innocentius , quod olim & in simili causa Ambrosius : (a) *Meministis , quod lectum est , Na- buthem sanctum virum possessorem vineae suae inter- pellatum petitione Regia , vt vineam suam daret , respondisse : absit vt ego tradam Patrum meorum hereditatem , si ille vineam suam non tradidit , nos trademus Ecclesiam Christi ? Quid igitur responsum est à me contumaciter ? Dixi enim conuentus , absit , vt tradam Christi hereditatem . Respondi ego quòd Sacerdotis est , quòd Imperatoris est , faciat Impera- tor ; prius est , vt animam mihi , quam fidem aufe- rat . Si à me peteret , quod meum esset , id est fun- dum meum , argentum meum , ius huiusmodi meum , non refragarer ; Verùm ea , quae Diuina , non esse*  
Im .

(a) Ambrosii in Auxent. & epist. 33.

Imperatoriae Potestatis : si Patrimonium meum petitis , inuadite : si corpus , occurrā , vultis in vincula rapere , vultis in mortem ? voluptati est mihi , non ego me vallabo circumfusione populorum , nec altaria tenebo vitam obsecrans , sed pro altaribus gratius immolabor . Hæc olim Ambrosius Valentiniano Imperatori . Hæc iterum Innocentius Ludouico Regi .

F I N I S .



RE:

# REFVTATIO TALONII

## REGII ADVOCATI

Ex Gallico in Latinum Sermonem  
translata in gratiam Veritatis.

*Qui maledixerit Patri suo, &c. Exod. 21. 17.  
Principi populi tui non maledices. Exod. 22.  
28. Verè frustra impugnatur, qui apud im-  
pios, & infidos impietatis arcessitur, cùm fidei  
sit magister. Ambros. in Psal. 118.*

**C**omparuit nuper audax quædam declama-  
tio à Talonio typis vulgata, sententiæque  
præfixa, quam Parisiense Parlamentum  
contra Bullam Innocentij XI. dixit; hoc  
est contra illud Diploma, quo Pontifex Romanus  
illos omnes anathemate percellit, qui Asyli, aut im-  
munitatum (quas Franchitias vocant) prætextu sce-  
leratis, latronibus, proscriptisque patrocinium, &  
securitatem præstant, & illos iustitiæ, meritisque  
pœnis subducunt. /

Planè nisi hoc Talonii folium palàm, totâque Lu-  
tetiâ visum esset, ac insuper nomen Parlamenti offen-  
tasset; quis vnquam credidisset tam infamè scriptum,  
tôtque in Romanum Pontificem, sedémque Aposto-  
licam iniuriis sparsum sub Rege sapientiâ, & Reli-  
gione præcipuo aut toleratum, aut Aduocati Gene-  
ralis

ralis calamo emissum iri, iam annis, studijisque forensibus cani? Constat equidem flagrante iuuentute multa ab hoc Togato contra Romanam Ecclesiam ex Launonii scriptis profusa esse, illius, inquam, Lauunii, cui non aliis scribendi scopus, quam ut detraheret Pontificum auctoritati. Caterum sperari poterat ætate annis, & experienciâ rerum auctâ bilem tandem minutum iri, ardoremque iuuentutis, quo tam multa contra Sedem Apostolicam inconsultè intrauerat. Sed & reuerentia non Ecclesiæ tantum Gallicanæ debita, sed toti Catholico Orbi (cuius Caput visibile, Christi que Vicarium tam indignè inuaserat) & metus quoque omnium animos in se prouocandi prohibere eum debuit tam pudendo facinore. Nam cum viginti ab hinc annis orationem vulgâset erroribus, iniuriis que plenam; continuo Clerus Gallicanus contra illam querelis supplicique ad Regem libello pugnavit, & schismatis, hæresisque conuicit; quis non crederet cautiùs progressurum iam semel & tam grauiter ictum? & tamen nunquam insolentius in Pontificem, sedemque Apostolicam, quam in nupero libello debacchatus est, nescias sponte suâ, natiuâque intemperie id fecerit, an ut aulæ blandiretur.

Sanè in tanti momenti negotio, quodque Europam totam concusserat, nemo non expectabat, ex historiis, legibus, ipsisque visceribus causæ magnum aliquid à Talonio productum iri, & partam iniustæ, vanæque moli sustinendæ. Nam quantis, & quàm validis rationibus opus, ut hominibus persuadeas, licere Gallis in alieno Principatu, inque ipsa Metropoli supremâ uti potestate Principe inuito? Et tandem ius illud immunitatum, & Franchitiarum tantâ contentione à Talonio defensum, quid aliud est, quàm potestas Principem in suis Prouinciis auctoritate priuandi, alienam iurisdictionem inuadendi; im-

puni-

unitatem omnibus flagitijs parandi; in communita-  
 tius Orbis Patria ( sic enim Romam Talonius appel-  
 lat ) & in qua summa neccessitas disciplinæ; leges om-  
 nes peruertendi; & denique tot hominum millia, quæ  
 ex toto Orbe Romam conueniunt, sceleratorum ar-  
 bitrio, & licentiz exponendi, nullo iustitiæ præsidio?  
 En tibi egregiam Franchutiarum ideam ! & tamen  
 hæc ipsa est, cui tanto studio Lauardinus laborat.  
 Si damna, & perniciem reputes, quæ ex hoc iure  
 Asyli proueniunt, omnino concludas, etiamsi ali-  
 quâ ratione niteretur, à Rege Christianissimo abdi-  
 candum esse, idque æd eius pietatem, & iustitiam  
 pertinere, ne videlicet tot flagitiorum se reum con-  
 stituat, quibus vsurpatum hoc priuilegium aut cau-  
 sam præbet, aut occasionem .

At Talonius in vulgata nuper inuectiua non argu-  
 mentis, non probationibus causam Asylorum pro-  
 pugnat, nec saltem pompâ illâ mendicatz eruditio-  
 nis, quam alibi ostentant : nihil de vsu, nihil de pos-  
 sessione Regum Galliz post fundatam Monarchiam,  
 nihil, inquam, istorum; sed aut Rethoricis figuris  
 contentus, aut fumo Gallicanz libertatis, aut de-  
 clamationibus in aulam Romanam, aut aliis cantile-  
 nis toties auditis, totiesque refutatis; illud vnum in-  
 culcat repetitque : *Ius Asyli ad Regem pertinere, nec  
 vnquam abdicatum iri*. Quod si tantipriuilegii cau-  
 sas, & rationes quæras; non alias affert, quàm fidem,  
 & auctoritatem suam : *Talonius dixit*.

Contendit : *Nec Reges, nec Regum Legatos pos-  
 se excommunicatione puniri : Ecclesiam S. Ludonici  
 iniuste interdicto suppositam*. Sed nullam rationem  
 adiungit tantæ criminationis; facilius quippè, bre-  
 uiusque Talonio visum, si causam non examinaret,  
 non discuteret; sed more sibyllarum oracula pro-  
 ferret nullâ curâ probandi : *Roma potestate sua abu-  
 titur, Roma Galliz libertates destorat* : Hæc summa  
 nego-

negotii. Quem ergo effectum pariet hæc Talonii Oratio à Gallis tam decantata? non alium credo, quàm ut tripudient hæretici: eruditi contemnant: Catholici, addictique Romanæ Ecclesiæ indignentur: omnes verò boni infortunium Galliæ deplorent, quæ hominem ferat summo Sacerdoti tam audacter insultantem, tantæque fiducia schismati præcinentem, idque sub illo Rege, cui tanta sapientiæ, & æquitatis curâ.

Augētque dolorem, quòd illi ipsi, quos rebus Ecclesiasticis Rex Galliæ præfecit, & quorum operâ, consiliisque utitur Romæ, non tantum non offendantur huius Aduocati petulantia, verum etiam applaudant, exultentque; imò tam indignæ in Romanam Ecclesiam rebellionis ipsi sint auctores, fabri-que calumniarum, quibus tantæ Pontificis nomen audent defædere.

Cæterum iniuriæ toto hoc Talonii libello sparsæ, adeò turbatim, nullòque ordine incedunt, ut iis componendis nulla mea cura suffecerit; fateor enim conatum me esse, ut illas disponerem, quo videlicet clariùs apparere, conuincique possint: sed ut dixi, præualuit Auctoris confusio, ut proinde oppugnari à me debeant vago certamine, & prout singulæ occurrerint. Nisi fortè omnia ad hæc capita reducas, videlicet. *Primò* ad iniurias, & conuitia, quæ impudenter in Pontificem vomit. *Secundò* in querelas, quas de Pontifice male in Gallias animato sparsim accumulad. *Tertiò* in sententias erroneas circa auctoritatem Ecclesiæ Romanæ Matris, & Magistræ omnium Ecclesiarum. Et *Denique* in vanissimas ratiocinationes, ac puero, quàm Aduocato magis dignas, quibus Imaginarium ius Asyli, & Diuino, humanòque iuri contrarium Regi Christianissimo vendicare contendit. Hæc merces Talonii; & quamuis nemo vnquam Assentatorum huc vsque processerit,



rit, placuit Talonio illos omnes superare adulatione peritiâ.

*Primo* igitur Pontifici obiectam: *Iam à pluribus annis statuisse hostem se Gallorum profiteri, amicum verò omnium, quibus Galliæ potentia aut odiosa, aut suspecta.*

Vides exordium tam grandis calumniæ: quid porro à Talonio expectas? ut probet? ut fœdera narret cum Galliæ hostibus ab Innocentio percussa? ut bella, aut saltem machinationes producat in Galliæ perniciem? nihil istorum; constat enim id maximè ab Innocentio hætenus curatum, ut animos Christianorum Principum componeret extinctis discordijs, utque palàm testaretur paternum amorem, & parem amoris æstimationem, quam Christianissimo Regi proficitur, nec aliud ab eo fœdus coniunctum, quàm innocens illud, Deoque tam charum, quo defendæ Turcarum potentia Christianorum vires fociauit. En odia, & insidias Innocentij. Illud verum est (si hoc culpæ dari debet) doluisse Pontifici, cum Regem videret perniciosiis Ministrorum consiliis nimium tribuere, Principem alioquin piûm, iustumque, quoties suis, non aliorum arbitrijs ageretur. Et verò, quàm benignè, humanèque Regem admonuit, ne permitteret Regaliam quatuor Prouinciarum Ecclesijs imponi, quæ semper immunes fuerant huius seruitutis, & quâ tamen eius Ministri Ecclesias opprimebant, Regio nomine abusi, calcarâque Iustitiâ?

Quis autem satis dolorem explicet, quo Sanctissimus Pontifex angebatur, cum videret tot Episcopos, totque alios Sacerdotes pietate, Zeloque insignes, toto Regno proscribi, & pœnas grauissimas dare, nec aliam ob causam, quàm quòd Romæ obedirent, causamque libertatis Ecclesiasticæ sustinerent; idque exemplo ipsorum Galliæ Antistitum, qui

H

octua-

octuaginta ab hinc annis eam constantissimè defenderant; imò quam ipse Petrus de Marca, quamvis alioquin Regi addictissimus, egregiis scriptis agnouerat, oppressus, ut credo, mole veritatis.

Cum videret Regiâ auctoritate institutum Religiosarum Infantiarum Christi ab Episcopis, à Pontificibus, ab ipsòque Rege approbatum, momento aboleri, nullâ iustitiæ, legumque reuerentiâ?

Cum videret hinc eueriti Charonense Monasterium, inde in ædibus Urbanissarum perpetuas Antistitas intrudi, idque contra omnes Leges, canonumque Decreta?

Cum videret arbitrio Iudicum sæcularium, & libertatem, & iurisdictionem Ecclesiarum turpissimâ seruitute damnari; iugumque Ecclesiæ Gallicanæ ab iis imponi, quorum vita nimis quam nota, & silentio digna: Ecclesiæ inquam Gallicanæ, quæ cum singulis ferè momenti libertates suas iacet, re ipsâ sæculari Magistratui ad pedes iacet, seruitque miserrimo, ac pudendo ancillatu, Parlamento videlicet rebus sacris, & Ecclesiis imperitante: idque maiori fastu, ac dominatu, quam ipsa Oecumenica Concilia, Romanique Pontifices.

Cum videret præcipuas Regni, ac deuictarum Prouinciæ Abbatias in Cominendas dari: Episcopos ad alienas Ecclesias transferri, suis, quas primò susceperant, relictis, commissisque alteri, & subornato Episcopo, qui prioris Episcopi Vicarium agat: cogi Capitula vacante Ecclesiâ, Vicarios eligere, non quos volunt, & quos Conscientia eligendos dicat, sed quos Rex imperat, præscribitque: Canonicos exilio pelli, quotquot Gubernatoribus Prouinciæ licet modeste obnuntur, recusantque Mercenarios Pastores accipere ex aulæ præscripto.

Cum videret Galliæ Episcopos olim Apostolicæ Sedi maiori quam dici possit, demissionis, & reueren-

tiaz

tiæ sensu addictos, nunc omnino dissimiles sibi in-  
Conuentibus annis 1680. & 1682. celebratis classi-  
cum aperto bello in Ecclesiam Romanam cecinisse;  
ac Decreta vulgasse Apostolicæ Dignitatî planè ad-  
uersa, & ab iis Decretis aliena, quæ Ecclesia Galli-  
cana in Comitiis anni 1616. per Cardinalem Petro-  
nium, & anno 1625. in articulis pro reparanda Eccle-  
siastica Disciplina condiderat. Sed vt credo, alia  
tunc erat ratio Galliarum Episcoporum; olim enim  
Conscientiæ stimulis, spiritûque Religionis ageban-  
tur: nunc metu, & factionibus, aulæque instinctu;  
quid ergo mirum aliis ex causis alios effectus pro-  
diisse? Vt proinde non nemo ex Episcopis, qui Pa-  
risiensi Conuentui assedit, amico suo familiariter,  
verèque dixerit: *Galliæ Episcopos libertatem, ho-  
norem, & Conscientiam in Conuentu Parisiensi perdi-  
disse, & nihil præterea.*

Cùm videret Clerum Gallicanum olim pietate,  
scientiâ, & constantiâ Sacerdotali ante alios floren-  
tem: nunc adeo marcuissè, vt malit iura, & priuile-  
gia Ecclesiarum suarum penitus deleri, quàm vel vo-  
cem, vel querelam emittere memorem pristinæ liber-  
tatis. Quid minùs facerent, si mancipia essent?

Cùm denique videret tot Sacerdotes, viròsque do-  
ctrinâ insignes, exiliis, carceribus, falsis criminatio-  
nibus, aliisque modis puniri, ac priuari suis benefi-  
ciis; idque nullâ iudicii formâ seruata, ac sæpè suis  
etiam Episcopis Diocesanis omnium ignaris, in-  
consultisque: & si causam quærent tam sæuæ per-  
secutionis; hæc vna reddebatur: *Quòd Iansenismum  
redolerent.* Hoc nimirum crimen est, quo omnes In-  
nocentes laborant; quotquot videlicet Regiis Mini-  
stris adulari non possunt. Nec refert, si palàm pro-  
testentur: *Se Iansenij quinque propositiones ex ani-  
mo auersari.* Nihilominus rei sunt, & velint, no-  
lint, oportet, vt inuiti sint Iansenistæ, nouâ videli-

cet delicti specie, quando cogunt hæreticos esse, etiam qui nolunt. Sed neque hoc satis, alia subiungunt Iansenismo supplendo; videlicet esse seditiosos esse nouæ Ethices (Principibus tam charæ) iuratos hostes: esse mille titulis suspectos: esse denique, quidquid non sunt: nisi fortè hoc vnum excipias, quòd illis, qui in aula sunt, & quorum arbitrio Ecclesiæ permittuntur, blandiri non possint; hoc vnum verumque delictum est, quod ne nomine careat, *Iansenismum* appellant.

Accusat Talonius *feueritatem Romanæ Inquisitionis*. Sed si ex vna parte progressus attenderet huius Tribunalis, quo videlicet selectu accusationes audiantur: quo studio reorum responsa: quàm lentè, & per moras sententiæ maturentur: ex altera verò parte, si modum animo reputaret, quæ Personæ Ecclesiasticæ in Galliis iudicentur, non auditis videlicet reorum responsis, non communicatis depositionibus; non collatis testibus, nec coram constitutis; non Episcopis consultis; quorum subsunt iurisdictioni, & potestati; nullo ordine, nullâ formâ iudicii; eiecti, proscripti, spoliati, & squallidissimis custodiis afflicti; nullo comœatu, nullo solatio, nullâ veniæ spe, ac sæpè vniustantum Iesuitæ delatione oppressi: si hæc inquam omnia cum Romanis Tribunalibus conferret Talonius; fateretur utique (si modò tanta ori, quanta cordi libertas) plumeum Romæ, ferreum in Galliis iugum portari, & eorum Inquisitionem, quibus res Ecclesiasticæ à Rege committuntur, ad eò inclementem, ad eò crudelem esse, ut delitiæ sint, quidquid de Italia, & Hispanica feueritate narratur. Recordetur ergo Talonius, quàm indignis sæuisque modis in Galliis habeantur, quòtquot aulæ non placent, & fatebitur, nullam de Romana Inquisitione querelam superesse.

Enimuerò mala, & abusus, quæ modò libauimus,  
& quæ

& quæ longo ordine narranda superessent, Pontificem Innocentium non latent; nec omisi iam fuis ad Deum lacrymis, iam litteris ad Regem datis, humanitate, paternoque affectu plenis, iam precibus per Nuntius porrectis, remedium aliquod quærere tam pertinacibus morbis. Hoc totum est odium. Hæc persecutio, quæ Pontifici imputatur: quòd gemuerit, quòd rogauerit, quòd monuerit, quòd medellam aptauerit, quòd Immunitati Ecclesiasticæ iam in faciem cadenti brachium porrexerit, quòd Clerum reformari, iniustæque oppressis quietem optauerit. Hoc, inquam, si delictum, & odium vocari debuit, nemo nocentior Pontifice, nemo Galliæ insensior: at pari ratione, & Medicus, cum infirmo medetur, & Pater cum filium obiurgat emendaturus, inter hostes & persecutores censendi erunt.

Opponit secundo ordine Talonius (si modò Talonij sunt, quæ nullam connexionem habent cum ijs, quæ sequuntur, præceduntque) *Charissimos esse Pontifici, quos constat Iansenij discipulos fuisse, hos laudibus, hos mille fauoribus cumulari.*

Non explicat Talonius, qui sint isti Iansenio addicti, & Pontifici Innocentio prædilecti, & consulto tacet, quos non potest indicare, quippe innocentes; & pœnas quoque Calumniatorum veritus, cum cum non lateat, enixis verbis, regiòque Diplomate, prohiberi, ne Iansenistæ appellentur, quotquot aut Pontificijs contra Iansenium Decretis se submiserunt, aut à nullo Episcoporum huius criminis damnati sunt.

Quod verò adiungit Talonius: *Ipsam Pontificem Innocentium Iansenistarum partes fovere;* tam petulanter, falsòque dicitur, ut ne quidem responsum mereatur; illud potius demiror, & Galliam, & Parlamentum ferre tam indignas, enormisque calumnias non solum toto Regno iactari, verum etiam

ipsius Parlamenti Arresto præfigi. Hæc nimirum est reuerenti Romano Pontifici debita? hæc iustitia Parlamenti tam atrociamulantis? quid mirum est, tot Innocentes Episcopos subornatis accusacionibus damnari, quando vel in ipsum Pontificem tanta, & tam impunita licentia?

Sed neque satis Pontificem Iansenismi postulasse, ad lit Talonius: *Tam segnem esse; inertemque, in Quietistarum erroribus prosligandis, ut non somno tantum, sed lethargo correptus videatur.*

Hæc Talonius notâ Aduocatis modestiâ; & tamen palam est, non potuisse Innocentium maiori Zelo & curâ persequi Quietistas, postquam obseruati sunt, eorumque hæresin extinguere. Notum est, quàm seuerè cum Michaële Molinos huius hæresis infami Auctore eiusque Affectis à Pontifice actum. Illud verum est, voluisse Innocentium omnium retrò Pontificum, Patrûmq; exemplo, ac etiam ex Canonum præscripto discrimen fieri inter hæresis Auctorem, quique huic spontè, obstinatèque adhæserunt; & inter illos, qui licet Religione, ac doctrinâ eximij, primasque Ecclesiæ dignitates meriti; specie tamen pietatis decepti (quàm viginti omnino annosegregiè Molinos finxerat) in errorem prolapsi sunt; parati tamen ex Ecclesiæ sententia illos deponere. Noluit, inquam, Innocentius hos cum obstinatis hæreticis eodem fasce inuolui; nam etiam in causa Religionis nihil fieri inconsultò debet, cæcòque impetu & citrà rationem, & tamen hæc omnia à Patribus exercita, à Canonibus præscripta, somnus Talonio, & lethargus videntur.

Cum aliquot ab hinc annos Innocentius errores Casuistarum, qui moralem Theologiam corrupebant, solemni diplomate damnasset; vetuit Parlamentum vulgari, quòd in illo mentio fieret Inquisitionis. Nunc verò cum Pontifex causam Molinos eiusq;

Assc-

Affectarum maturè, citràque passionem expendi vult, nec patitur præcipui meriti Prælatos aduersariorum nuidiæ exponi ; indignatur Talonius , vrgétque Pontificem , & Inquisitionem inclamat , Tribunal illoquin tam illi exosum , & tunc præcipuè , cum non patitur corruptelas opinionum Christianæ Theologiæ adeò funestas .

Denique offendunt Aduocatùm nostrum , quæ de Pontificis Innocentij sanctitate passim & ab omni-  
*Nec alios tam præclare de hoc Pon-*  
*ifice sentire dicit , quam Iansenij Discipulos .*

Quid posset vel ipsa inuidia , si calamum Taloniò uceret , ineptius fingere ? Oportet enim verò totam Europam ex Iansenistis constare ; tota enim est , quæ Modernum Pontificem summis laudibus extollit , quæ illum vt Pastorem agnoscit ex speciali Dei providentia Ecclesiæ datum : & quæ fateri , necessarium fuisse corruptissimis hisce temporibus , ne videretur abbreviata manus Domini , & suorum oblita . Interoget Talonius Romam , imò totum Orbem Christianum , & veritati testimonium feret . Cum Sedes Romana vacaret , iam tunc omnium votis dignissimus Pontificatu censebatur , nec spes fefellit , ceciditque maior omni expectatione euentus . Animus non omni fastu , & cupiditate alienus . Familia , & consanguinei non opibus , non honoribus aucti . Ineans domi frugalitas , & par cura subleuandæ Apostolicæ Cameræ ære alieno oppressæ . Pax inter Principes Christianos immensis laboribus parta , profusiq ; thesauri euertendo Turcarum imperio . Taceo fecissimum belli euentum , infidelibus , non tantum hostibus , verum etiam terrore nominis Christiani , & iuili bello oppressis . Taceo Catholicam Religionem Angliæ illatam ; Germaniam Turcis purgatam , ortæque ruinæ creptam ; Nepotismum Romæ proscriptum ; morum integritatem semper sibi similem ,

néque vt fieri solet, Principatu & fastigio corruptam. Constantiam Principe dignam, omnique metu maiorem, & denique infinita alia, quæ de hoc Pontifice narrari possent.

Hæc omnia tam vera, & magna sunt, & Innocentij virtutes tot vocibus, & testimonijs probant, vt nullis Talonij calumnijs nullaque invidentium arte, obscurari possint.

Pergit deinde Talonius ad alia querelarum capita Romano Pontifici obiecta, & cui maximè insistit, vrgétque, illa est; quòd recuset Innocentius vacantes Episcopatus illis conferre, quos Rex nominauit: *Tertiam ferè partem Ecclesiarum Pastoribus vacare: si nolit Pontifex concordatis stare, ne Regem quidem illis obstringi: vt ergo primis Ecclesiæ temporibus Episcopos Populus eligebat, ita nunc vice populi posse à Rege constitui, cum præcipua populi auctoritas sit in Reges translata.*

Sic Talonius philosophatur. Atque vtinam quàm Romæ, tam in Gallijs concordata religiosè obseruentur, cessarent vtique tot illi abusus, iniustæque vsurpationes, quæ Galliam occupârunt, quæque bonis omnibus tot lacrymas expresserunt; quamuis eò tandem processêre, vt facilius deffleri, quàm emendari possint.

Sed vt obiectis respondeam, nego Pontificem eos respuisse, qui à Rege fuerant oprati, modò tamen ijs conditionibus potirentur, quas Concordata, sacrique Canones requirunt. Nec ad alios virtute Concordatorum id examinare, quàm ad Summum Pontificem pertinet. Quòd si absint necessariæ conditiones, tenetur Rex ipatio trimestri alios nominare desideratis qualitatibus instructos. Nec obligari Pontifex potest proferre causas repulsæ, cum nullius iudicio subiaceat. Quamuis enim nisi ob iustissimas causas repellere non possit à Rege nominatos, id ta-

inèñ



men Conscientiæ illius relinquatur, nec ab ullo Principum ad rationem repulsæ reddendam, multoque minùs ad indignos admittendos, & pacta violanda, constringi potest. Legantur tantum concordata, & quæ post illam contigere, ad memoriã reuocentur, patebitque iure, an iniuriã Pontifex accusari possit. Quantis laboribus & à Cardinalibus, & à Legatis Galliæ certatum est, vt Renatus Henrici IV. Confessarius Trecensi Episcopatu donaretur, quem illi Rex destinauerat, nec tamen impetrari Bullæ potuerunt, vt videre est in Epistolis Oisati Cardinalis. Nota quòque omnibus est celebris illius Abbatis repulsa, quem cum Ludouicus XIII. Regnantis Pater infinitis elogijs Pontifici ad Episcopatum obtulisset, nunquam tamen obtineri potuit, ob quasdam Abbatis actiones Episcopo indignas, & clam Pontifici notas.

*At, inquires, triginta interim Ecclesiæ ab Innocentio Episcopis priuantur.*

Fallitur Talonius, Pontifex enim duos tantum admittere recusauit, qui videlicet Anno 1682. Conuentui Parisiensi interfuerant, subscripsérantque omnibus in eò Conuentu decretis. At Regij Romæ Ministri siue imperio Regis, siue proprio instinctu negarunt, se alios proponere posse, duobus illis à Pontifice non admissis. Sicque Gallorum est culpa, tot hæc Ecclesias vacare. Nolo hic ad examen reuocare illorum imprudentiam, qui Regiam Maiestatem nullâ necessitate huiusmodi tricus implicarunt. Alij sanè Ministri conati essent, aut Episcoporum, quos Rex nominauerat, innocentiam ostendere, aut culpam eleuare, aut aliã quauis ratione placare Pontificis animum, ne mutua vtriùsque amicitia concideret, & optati à Rege admitterentur. Sed nihil istorum Regijs Ministris placuit, quippe placida & honesta respuentibus, & illa potius amplecti paratis, quæ  
omnia

omnia turbare, quàm componere possit.

Sed quidquid de hoc sit, illud saltem negari non potest, virtute Concordatorum ius plenarium Episcopos cõstituendi ad Sedem Apostolicam deuolui, quoties intra semestre à tempore Vacationis nemò Pontifici præsentatur; tantum ergo abest, damna vacantium Ecclesiarum Pontifici adscribi posse, vt potius summa illius moderatio magis magisque appareat, viribus & auctoritati suæ pacem anteferentis.

Quod ergo tot Ecclesiæ Pastoribus careant, Regiorum Ministrorum culpa est, non Pontificis Romani; nec iste, vt aulici assentatores criminantur, aut odio, aut vindictâ, aut genio Gallis aduerso impellitur sed ex Conscientiæ & iustitiæ præscripto. Offerant Galli dignos Episcopali dignitate, & apertis brachijs eos Roma excipiet. Quod si indignos proponunt, frustra sperant Pontificem minis & clamoribus permotum iri, multoque minus sordidis illis, rusticisque conuitijs, quæ non pùduit Talonium in tantum Pontificem expuere; & quibus nihil aliud effecit, quàm vt indignum se Togâ ostenderet, officioque quo fungitur.

Nec dicat Talonius: *Ideo nominatos à Rège Episcopos Romæ* admissos non esse, quod non credant Pontificem infallibilem esse; & Concilijs superiorem; nec enim hæc repulsæ vnica causa: sed illa potius, quod in eo Conuentu; quem collectum esse iactabant Règi cum Pontifice componendo; ausi fuerint causam Regaliæ definire, hoc est illam causam, quam cum constet ex maioribus, imò maximis esse, sicque Pontifici reservatam; ac insuper per legitimam appellationem ad Apostolicam Sedem deuolutam; ignorare non poterant; non ad paucos Galliarum Episcopos, non Conuentum Parisiensem, sed ad solum Pontificem pertinere. Et cum oporteret in ea causa, in qua de libertate agebatur Ecclesiæ Galli-

Gallicanæ, vires cum Pontifice, Christi que Vicario coniungere; ipsi potius exemplo planè indigno, contra suum Protectorem arma sumere, causas exposulandi congerere, Pontificiam potestatem in arctum cogere, idque nullâ necessitatem, nullâque auctoritate conati sunt; hæc inquam causæ fuerunt, ob quas credidit Pontifex vacantes Ecclesias tam timidis, infidisque Pastoribus committi non posse.

Et verò in cui vñquam in mentem venisset, adeò Episcopis Parisiensis Conuentus nullam decori, honestique curam fore, ut eo ipso tempore contra tam sanctum Pontificem talia molirentur; quo ipse nullo sui priuato commodo, incommodoque, sed vnicè ob libertatem Episcoporum, quatuorque Prouinciarum à Regalia exemptionem cum Rege, conflictabatur? Egregiam enimuero occasionem, candidoque marmori incidendam, ob quam videlicet crederent indici bellum Romano Pontifici, eiusque auctoritatem minui oportere. Sed neque vllum mandatum à Clero Prouinciarum suarum Episcopi acceperant tam grandia & inconcessa tentandi. Constat etiam illos ipsos Antistites, qui Parisios conuenerant, non liberis suffragijs, sed vi, metuque, & ex aulæ imperio in cœtibus Prouincialibus electos fuisse. In ipsis quoque Parisiensibus Comitibus nunquam tanti momenti causa discussa, & ad examen reuocata, nec etiã Episcopis, alijsque Prouinciarum Deputatis libertas dicendi permissa; sed omnia Præsidis arbitrio, hoc est, ut ex Palatio iuebantur raptim festinata.

Nolo hic Parisiensi declarationi, quatuorque propositionibus expendendis immorari, id iam ab alijs factum; ac illis præsertim, qui vanissimas ac plenas imposturis Maimburgi cantilenas (digni videlicet illius Cœtus Protectoris) egregiè refutarunt.

Sufficit dicere, Episcopos, qui Parisios conueniunt;

runt; & Basileensium, & Richerianorum licentiam superâsse, ac grauius, quàm illi in Pontificis auctoritatem grassatos esse. Basileenses enim in nonnullis tantùm casibus Concilio Pontificem submittebant; at Parisienses nostri in omnibus & semper, adeò vt si Concilium aliquod legitimè congregatum hæresin postea definiret (vt quondam Ariminese) non posset ex istorum sententia à Pontifice irritum declarari, eiusque Decreta aboleri. Si prius Parisienses Episcopi & Gallicanæ Ecclesiæ in Synodo anni 1625. & Conciliorum documenta percurrissent, quàm nuperam Declarationem foras proferrent; vtique intellexisset, illam menti Ecclesiæ Gallicanæ, omniumque Conciliorum è diametro repugnare; quippe cum Decreta, legesque Conciliorum vim & auctoritatem nullam habeant, nisi à Pontifice confirmata.

At exaduerso, si quis Deputatorum, qui Parisijs conuenerunt, audaciam animo reputet; meritò dubitare possit, non tantùm an Galli, verùm etiam in Catholici sint, agnoscantque pro Christi Vicario Pontificem Romanum; sicque ex hac etiam parte, meritò Pontifex morari debuit, Bullasque retinere, donec de illorum fide & religione plenius constaret.

Cæterum illud quòque notandum est, quod Talonius ex industria omisit, videlicet, eo ipso tempore, quo duos illos ex notatis causis Innocentius reiecit, simul professum, se alios, qui Parisiensi Conuentui non interfuerant, libenter admissurum; imò sequenti postea anno Abbatem S. Valerij à Christianissimo Rege nominatum ad Ecclesiam Quebekensem in nouo Orbe promouit.

Quid hic rogo à Pontifice non moderatè, non canonice, summæque prudentiæ factum? & quis est Talonius, vt plura à Pontifice petat, quam in Con-

cor-

eordatis comprehenduntur? an verò oporteat Pontificem quoslibet, nullòque discrimine, digni, aut insigni sint, ad Episcopatus recipere? aut fortè examinata, & iudicata à Pontifice Talonij examini, & iudicio, aut alterius Tribunali subiaceant? & si Pontifex omnes, quotquot illi à Rege exhibentur, acceptare tenetur, quod ergo causà est, vt in Concordatis statuatur, si Pontifex aliquem reiiciat à Rege nominatum, obligari Regem intra tres menses alium Pontifici offerre? nec verò insolitum est, aliquos à Pontifice repelli; nondum quadraginta anni effluxerunt, cum ob similem ferè causam nunquam obtineri potuit, vt Petrus de Marca ad Episcopatum Conforanensem, & postea Archiepiscopatum Tholosanum prius admitteretur (quamuis à Rege nominatus, quamuis Gallico Legato omnem lapidem mouente) quam vt aliqua purgasset, quæ in celebri suo libro de Concordia Sacerdotii, & Imperii licentius contra Romanam Sedem expresserat.

Opponit quidem Talonius: *Cardinalem Lotharingæ in Concilio Tridentino palàm professum esse, Pontifici Romano donum infallibilitatis non competere.*

Sed multis rationibus auctoritas, & testimonium huius Cardinalis impugnari potest.

Nam primò nec Paulus Seruita, nec Pallaucinus in historia Tridentini Concilii huius facti meminere; at vtique meminissent, nec enim aut ignorare poterant, aut silentio præterire rem tanti momenti, & tam omnibus notam.

Deinde Instructio à Lotharingo ad Bretonem Agentem suum data, & quam describit Dupuy, meritò suspecta est, dubiæque fidei, & videtur ab hæreticis corrupta. Quippè Cardinalis in ea testatur: *Concilium Florentinum in Gallijs receptum non esse.* At nullus Catholicorum hoc dixerit, cum constet vbiq; locorum Florentinum receptum esse, si Græ-

cos schismaticos excipias. Basileenses quidem omnibus viribus egerunt, ne Concilium Florentinum indiceretur, & tamen nullus Principum relictis Basileensibus, Florentinum pro Oecumenico non agnouit, illique tanquam legitimo non adhæsit.

Denique ipse Dupuy ad marginem illius instructionis notat, inperâss. Agenti suo Cardinalem Lotharingum: *Quæ Pontificem, & Concilij superioritatem spectant, omitterent legere.* Ex quibus colligere licet, pœnituisse Cardinalem, & re maturius expensa emendasse, quæ irato exciderant.

Sed quidquid de hac instructione sit, recordari omnino debuit Talonius in ultimo Lateranensi Concilio sub Leone X. apertissimè definitum esse: *Concilium Pontifici subesse, & tamen illa ipsa Synodus Lateranensis pro legitima, Oecumenica, & indubitata à Ludouico XII. & Francisco I. Galliarum Regibus, & proprio, & omnium Gallorum nomine recepta est.* Sed & Cancellarius Pratenfis in illo ipso sermone, quo nomine Francisci Regis Parlamento demonstrat, Concordatum recens cum Pontifice initum Galliarum conducere; illa quoque adiungit: *Certum esse, Papam, si paucos, rarosque casus excipias, omni Concilio superiorem esse.*

Erat ergo Talonius, sèque rerum, quas narrat, omnino ignarum ostendit, cum audet tam præfidenter asserere: *Totam Galliam Basileensi Synodo adhærere in ius, quæ spectant ad Concilij supra Pontifices auctoritatem. Totam quoque cum nupero Parisiensi Conuentu sentire.* At Talonius catenas, exilia, bonorumque proscriptiones amoueri faciat, dicendique, quæ sentiunt, libertatem Episcopis reddi, & continuò videbit, quàm multi nuperam Declarationem ex corde auersentur, & toti in partes Pontificis transeant.

Cæterum quidquid Theologi priuatim opinentur,  
pa-

palam tamen paucissimi auli sunt, Pontificis auctoritatilitem mouere; & inter istos paucos duo illi, qui ad Episcopatus admissi non sunt, nec prius admittentur, quam agnito, correctoque errore. Sed duo isti facile veniam impetrassent, modo Gallis placuisset, minori fastu, strepitūque rem istam aggredi: at auidi turbarum, flammamque accendendi, eo tandem deuenerunt, ut iam semel accensam ardentemque, nec velint extinguere, nec etiam possint.

Transit deinde Talonius ad ingentem Machinam, quā Pontificis animum expugnaturum se credit. Prædicit: *Nisi Pontifex Bullas ad vacantes Episcopatus concedat, etiam illis, quos indignos reputat, fore, ut nihil amplius pecuniæ ex Gallis Romam deferatur.*

O simplicem Talonium, qui tantum Pontificem Aduocati calceo metitur! nimis planè Innocentij animum, & genium ignorant, quicunque sperant corrumpi cum posse tam vili pretio: non Theiuri, non regna sufficerent; quantum minus parum illud argenti, quod ex Galliis affertur, quoddam in tot capita diuisum, etiam à sordidissimis vix nomen, aut curam meretur?

At, pergit Talonius, Pontifice Bullas recusante, meritò ex parte Regis Christianissimi Concordatum, abrumpi posse, reduciq. Pragmaticam sanctionem?

Sed quia nec aulae, nec Regis Confessario conduceret Pragmaticam sanctionem, & cum ista liberæ electiones Galliae restitui, idè Talonius noster modum alium inuenit, quo & Concordata, & Pragmatica aboleri possint, & tam in ius eligendi penes Regem constitui: *Electio*, inquit, *Episcoporum olim ad populum pertinebat: at populus non amplius in eo statu est, ut hoc iure gaudere, aut potiri possit: exempla quoque suppetunt Regum primæ, secundæque stirpis, qui certis casibus Episcopos eligebant: cum ergo Reges sint*

*sint præcipua, & nobilissima populi pars, possintque tam proprio nomine, quam populi agere; succedant ipsi, eligantque Episcopus, quos postea Metropolitani, alique Episcopi Prouinciales confirment, consecrentque.*

En tibi egregiam Gallici Aduocati Theologiam! quam qui legit, auditque, meritò suspicari possit, venisse auctorem ex vltima Orbis Brasilia, vbi nulla æquitatis, nulla rationis, nulla iuris Diuini humanique notitia. Talonius tantus libertatis Gallicanæ declamator nihil Pragmaticæ sanctioni (in sacris Canonibus, Concilijsque Constantiensi, & Basileensi fundatæ, si electiones spectes) nihil synodo Aurelianensi deferendum censet, quæ Capitulis Cathedralibus vnà cum Magnatibus, præcipuisque Ciuibus Diocæsis ius eligendi restituit. Talonius adeò Canonicis electionibus aduersatur, vt eas etiam impossibiles esse contendat, & quas alij quondam Aduocati tanquam præcipuum caput Gallicanæ libertatis omnibus viribus propugnarunt, ipse subuersas cupit. Talonius, inquam, non Canonum, non Regiorum edictorum, non Legum in Concilijs sancitarum, non denique libertatis Ecclesiasticæ memor omnia momento deleri optat: tantum vt in aula mereatur. Ius nouum condatur solâ auctoritate, Iurisque prudentiâ Talonij suffultum: Galliæ Concordata vno ictu truncentur, quippè Pontifici propitia, cui ius permittunt indignos repellendi; cesset Pragmatica; nam electiones restituit Capitulis Rege excluso: non se Pontifex electionibus immisceat: & denique in locum tot Canonum, tot legum, tot sanctionum, tot Conciliorum Rex solus vnusque succedat, eligâtque Episcopos; sic tamen, vt hoc ipsum ius eligendi nullis Concordatis illigetur, & contra omnium retrò Regum exempla ex solius Principis arbitrio pendeat. En tibi de rebus Ecclesiasticis (qua-

rum



rum præcipua pars electio Episcoporum ) Talonij Ideam ! Quis rogo Ecclesiæ Gallicanæ vices non meritò debeat ? quæ loco sacrorum Canonum, loco Pontifici Summi, ex arbitrio, somniisque pendeat Regii Aduocati ; hoc est, hominis ad nutum aulæ faciem morésque mutantis, cui nulla legum Ecclesiasticarum peritia ( nisi cum fortè ad Declamationes suas faciendas hinc inde aliquid raptimque conuasa-uit) nulla honoris, nulla Conscientiæ, nulla Edictorum Regionum cura, sed sola, & vnica adulandi, aulæque demerendi libido.

Meritò hæc Lectori aliena, nec ad rem spectantia, videantur, cum nihil pertineant ad ius Asyli à Gallicis Legatis expetiti ; sed oportuit vestigia Talonij legere .

Iam videamus, quid de Iure Quarteriorum dicat.

Primò ingenti digressionem in Bullam Cœnæ vociferatur: *Hac nouam, immensamque Monarchiam, Pontificibus stabiliri . Hac Parlamenta iure causas Beneficiarias (quoad Possessorium) cognoscendi iniuste priuari, sicut etiam causas cum reales, tum personales Clericorum .*

Quæ de hac noua, & vniuersali Pontificum Monarchia Talonius exclamat, planè noua sunt, nec in Bulla fiæ huius Monarchiæ vlla mentio repetitur. Quòd si nomine Monarchiæ statum, & Hierarchiam Ecclesiasticam Talonius intelligat, in qua Parlamentum prohibetur iurisdictionem in causas Ecclesiasticas vsurpare, non video, quis meritò de Bulla Cœnæ conqueri possit ; si modò Iudices illos sæculares excipias, quibus & antiqua ambitio in Clericos dominandi, & par cupiditas ex eorum litibus quæstum faciendi.

Cæterum ex modo, quo Talonius de Bulla Cœnæ loquitur, omninò apparet eam Bullam ne quidem lectam ab eo esse, sed tantum aliorum narratione acceptam.

Primò enim supponit Monarchiam aliquam vniuersalem eâ Bullâ stabiliri, cum tamen nullius Monarchiæ illic mentio fiat.

Deindè supponit, censurarum, quæ in Bullâ Cœnæ continentur, primum auctorem Iulium II. fuisse: & tamen certum est, huiusmodi, & ex similibus causis censuras multis iam prius annis Urbani V. Pauli II. & Sixti IV. Constitutionibus insertas fuisse. Postea secuti Iulius II. & Paulus III. alijque Pontifices, quos licet nemo odij in Gallos accuset, constat tamen eodem modo, iisdemque solemnitatibus die Iouis sancti Bullam Cœnæ, & censuras illâ comprehensas publicasse. Nihil ergo apparet, quod in eâ Bulla argui possit, nisi, ut dixi, illud Talonio intolerandum videatur, quod Parlamentum Ecclesiasticis causis iudicandis arceatur.

Transit tandem post longas digressiones Talonius ad interdictum Ecclesiæ S. Ludouici: *Quod contra omnes regulas, formasque Canonicas esse contendit.*

Sufficeret ad hoc respondere, tam supremâ auctoritate Pontificem Romæ potiri, quàm Regem Parisijs; hoc solum discrimine, quod Pontifex Romæ utraq; potestate, temporali videlicet, & spirituali fungatur, Rex solâ temporali; quæ ergo Pontifex semel Romæ iudicauit, ea non Parlamenti, non Talonij, non ullius mortalium, sed Dei solius examini, & iudicio reseruantur.

Cæterum nulla causa Talonio irascendi ob neglectas Canonum regulas; nam illæ multò seuerius Romæ, quàm Parisijs, & in Gallijs obseruantur; atque utinam cum Regionum Ministrorum imperio Monasterium Charonense destructum; cum Institutum Infantia IESV abolitum: cum Urbanissæ intrusæ; cum Cisterciensis, Cluniacensis, Trinitariorum Abbatum electiones sublatae: cum Regaliæ, alique Ecclesiasticæ causæ secularium Iudicium

Tribu-

Tribunalibus submissæ; vtinam, inquam, cum tam multa contra libertatem Ecclesiarum quotidie fiunt, æquè Galli Canonum, sacrarumque Regularum, vt Pontifex meminissent.

Cardinalis ergo Vicarius ideò Ecclesiam S. Ludouici interdicto supposuit, quòd Rector, totumque Ecclesiæ illius Collegium ausum est Lauardinum, quantumuis notoriè excommunicatum ad Sacramenta Ecclesiæ, communèque preces recipere. Constat de Pontificis Bulla iam Regi, iam Ministris, ipsique Lauardino, iam prius notà, quàm Parisijs discederet; nec potest ignorantiam prætexere, cum quinque menses post vulgatam Bullam ideò armatus Romam intrauerit, vt Asylum quouis modo tueretur, inuitoque Pontifice; & in quamcunque faciem se vertat Lanardinus, nunquam persuadebit se ignorasse, quæ tot signis, ac velut ex industria mundo patefecit. Romam ingreditur bellatoris more, ac victori similis. Vectigalia ad portas soluere, recusat. Bellicis instrumentis, & apparatu se munit. Palatium Farnesium gladiatoribus, alijsque classarijs militibus implet: excubiæ, circitores Palatium totâ nocte obambulant; credas arcem aliquam, castrumque vi expugnatum custodiri; vtque tota Roma intelligat Lauardinum non Legatum, sed militem agere, vigiliæ certis horis distinctæ campano ære indicantur. Iam rogo, post tot argumenta violatæ Pontificis Bullæ, quis amplius dubitet Lauardinum non incidisse censuras Pontificio diplomate inflictas? & si hæc tam nota, & vulgata sunt, vt abscondi non possint, nullaque tergiuersatione purgari; quis neget Clerum, Rectoremque Ecclesiæ S. Ludouici, qui Lauardinum ad sacra admiserant, censuras meruisse?

*At Lauardinus denunciatus necdum fuerat.*

At Talonium Concordati, & Pragmaticæ remi-

nisci oportuit, vbi expressis verbis notatur: *Cum quis in rebus sacris; ac participatione Sacramentorum cum notoriè excommunicatis communicaverit, posse interdicto, aut etiam excommunicatione puniri, quamvis nulla denunciatio præcesserit.* Notorium erat incurrisse Lauardinum Excommunicationem: notorium contra Pontificis voluntatem, & edicta ius Asyli v'surpasse, idque palàm, obstinatèque; neque hoc à Rectore, Collegioque Ecclesiæ S. Ludouici ignorari poterat, quid ergo obstat, vt non potuerint, meruerintque interdicto ligari? nec refugiat Talonius ad locos communes scholarium more, qui Rethoricam discunt; exclamètque in damna ex Interdictis nata: nec enim de Regnorum, aut Prouinciarum Interdictis híc agitur, quæ olim adeò frequentia: sed de interdicto, vnius Parochialis Ecclesiæ, ac Romano Pontifici (quippe in Romana vrbe) planè subiectæ; & quam Interdicto supponi meruit culpa, & inobedientia illius Collegij. Frustra igitur cauillatur Talonius, nec quicquam reperiet, quod huic interdicto siue formam, siue substantiam spectet, solidè opponat.

*At Legatus, aliufue Regis Minister nec peccat, nec excommunicationem meretur, quoties officio suo fungitur, & Principis mandata exequitur.*

Quæro, quam Talonius Religionem profiteatur, & an Euangelio credat? nam si credit, negare vtique non potest, illis Euangelij verbis; *Quæcunque ligaueris super terram, erunt ligata & in Cælis, datam esse Pontifici plenam, nullaque exceptione limitatam potestatem ligandi, soluendique; si ergo Principum Legati, Regijque Ministri Christiani sunt, si clauibus Ecclesiæ perinde ac reliqui fidelium subiecti; si Euangelium eos non excipit; si peccare possunt, etiam cum Principum suorum mandata exequuntur; quâ ergo ratione sustineri potest, eos puniri*

niri ab Ecclesia, & excommunicari non posse? Ergo ex Lauardini, & Talonij Theologia poterit aliquis ex Principis sui iussu in Ecclesiæ Prælatum manus iniicere, eumque vitâ priuare, poterit patrimonium ac bona Ecclesiæ, ac etiam Iurisdictionem supremam (quæ omnia alia pretio superat) inuadere: & tamen, quia Principis imperio fecit, censuras effugere à sacris Canonibus latas; ac hæc tam absurda sunt, vt hætenus, nunquàm lecta fuerint, nunquàm audita. Imò si vsum Ecclesiæ, si Canones ipsamque Galliæ historiam euoluas, quàmplurima occurrent Regum exempla, qui sacrorum Communione prohibiti sunt: si ergo Reges excommunicari possunt, quantò magis Regum Legati? Tempus me deficiat, si omnium Græcorum, Germanorumque Imperatorum, si Angliæ, si Galliæ Regum exempla percurram. Clotharij quoque, Philippi Augusti, vtriusque Henrici III. & IV. notoria sunt, quam vt negari ab aliquo, aut in alium sensum explicari possint. Etiam qui in Sede Apostolicam iniquissimi sunt, fateri coguntur, sub initium octauæ sæculi Leonem Iconomachum à Gregorio II. excommunicatum esse; eaque occasione Exarchatum Rauennatem in Italia perdidisse. Sic quòque qui maximè se Gallos profitentur, negare haud possunt, Clotharium, Philippum I. & Philippum Augustum Galliæ Reges à Pontifice Romano excommunicatos, coactosque esse, eiectis concubinis, legitimas coniuges Thalamo restituere. Nicolaus I. Lotharium, quòd repudiatâ Teutbergâ legitimâ Coniuge, Vvaldradâ concubinam duxisset: Urbanus II. Philippum in synodo Claremontana: & denique Innocentius III. Philippum Augustum, & hunc quidem tantâ seueritate, vt nullus cum eo societatem iungere, nemo publicis edictis eius nomen, aut Regnum subscribere auderet, sed Diplomata hæc formulâ clauderentur: *Regnante,*

*Cbristo*. Plura, qui volet, legat solum historias Maimburgi (tanti Pontificum accusatoris) illic longo numero exempla Henrici IV. Henrici V. Friderici I. Philippi I. Othonis IV. Friderici II. Conradi I. Imperatorum reperiet, ac multa etiam Angliæ Regum, qui sacris exclusi dedignati non sunt, aut Pontificis, aut huius Legatorum genibus aduolui, veniamque precari. Et quid Pontifices loquor? Ipse Fulco Archiepiscopus Rhemensis anathema minatus est Carolo simplici Galliarum Regi, si fœdus iniret cum Normannis Gente Barbara, & Idolis addicta. Verba Fulconis ad Regem scribentis hæc sunt: *Sciatis, quod si hoc feceritis, & consilijs nostris non acquieueritis; nunquam me fidelem habebitis, sed & quoscunque potuero, à vestra fidelitate reuocabo, & omnes vestros excommunicans perpetuo anathemate damnabo.* Et libro 6. Capitularium (quæ ipsi Reges approbârunt) capite 249. Hæc verba leguntur: *Huius Constitutionis forma seruetur, & velut præuicator Catholice Fidei execrandum anathema fiat, & à Domino reus existat, quicumque Regum deinceps Canonis huius Censuram in quocunque crediderit esse violandam.*

Constat ergo ipsos Reges hanc in Pontifice potestatem agnouisse, ac veneratos esse. Pœnituit peccasse: veniam aut ipsi, aut per Legatos deprecati sunt: pœnas denique & delicto & scandalo impositas læti velut remedia acceptârunt. Quod si Talonium consulissent, quid alius responderet, quàm *Censuras esse ignes fatuos Vaticani, qui in fumum resoluuntur, neque alij, quàm auctori nocere: carceribus, præscriptionibus, exilijsque cogendos Sacerdotes Ecclesias pandere, & Sacramenta petentibus dare: Pontificem calumniis onerandum esse nullo falsi, aut veri discrimine, modò ut noceant. Denique quoties Pontificum sententiæ displiceant, ab ijs tanquam ab*  
abusu

*abusu ad Parlamentum, ad Concilia seu futura, seu non futura prouocandum esse.* Hæc inquam, fuissent Talonij scelerata consilia. Sed nihil istorum magni illi Monarchæ, quippe alia Principibus, alia Aduocatis Conscientia. Agnoscebant se instar aliorum mortalium errare posse, & ideò non minùs moneri cærrigique se patiebantur; neque in eo Maiestatem ponebant, vt Ecclesiam contemnerent, eiùsque auctoritatem pessumdarent indignis cauillationibus; sed in eo potiùs, vt eius se legibus submitterent, vt suo exemplo docerent, quàm oporteat Ecclesiæ censuras timere; & denique vt omnibus reuerentiam Ecclesiæ, eiùsque Capiti, Romano videlicet Pontifici debitam inspirarent.

Verum quidem est, nonnullos Galliæ Episcopos, plusquàm decebat, auctoritatis suæ anxios, tenacèssque, sibi pro prima instantia auctoritatem arrogasse Reges excommunicandi: vnde in illa verba contra Gregorium IV. prorupere: *Si veniret Regem excommunicaturus, ipse Excommunicatus discederet.* Hæc Talonius exaggerat, aptatque suæ causæ, quæ tamen, si aliquis huic Togato pudor, æternâ obliuione, delenda, & ex Galliæ annalibus planè obliteranda fuerant. (a) Qui enim Episcopi Galliæ, vt audeant in Pontificem Romanum, Christique Vicarium sententias, pœnas, imò anathemata dictare? num ergo Episcopi superiores? num Pontifex non solum Concilio Oecumenico, verum etiam tumultuario Episcoporum manipulo subiectus? Hæc tam absurda, tamque indigna, vt pigeat refutare.

Illud ergo verum est, constatque ex Galliæ historijs, Capitularibus, Concilijsque, olim Episcopos sibi, vt dixeram, auctoritatem adscripsisse Reges ex-

I 4

com-

(a) Ipse Aimoinus, qui hæc verba Episcoporum recenset: Præsumptuosos & audaces vocat. Aimoinus lib. 5. cap. 14.

communicandi; cum verò hâc potestate aut factionibus, aut etiam Ciuilibus bellis abuterentur; sæpè Pontifices rogati, vt soli id facerent. Quòd si Talonio otium fuisset Clementis VI. aliorumque Pontificum Diplomata euoluere, ac etiam instructionem Caroli IX. ad Paulum IV. pro Regina Nauarræ, supplicisque libellos Angenes, Petronij & Ofati Cardinalium pro Henricis III. & IV. Regibus Galliar; id solum sufficeret, vt Talonius continuò fateri cogeretur, agnouisse Reges, se posse à Pontifice Romano excommunicari; & postquam excommunicati sunt absolui postulasse; ac insuper, vt hâc potestate soli Pontifices, non Episcopi vterentur, enixè rogasse. Iuris etiam Consulti, Aduocatique prioris sæculi, quamuis hæreticorum opinionibus imbuti, quæ tunc Galliam impleuerant; quamuis negârint posse primo occupanti Regna exponi, aut interdicto subijci (de quo nulla modò concertatio) semper tamen fassi sunt, posse Principes excommunicari, idque Theodosij, Leonis, Fridericorum, Regumque Galliar exemplis comprobârunt. Hoc ergo tam notum certumque est, vt inficiari nemo possit; nisi qui velit Ecclesiam auctoritate suâ priuare, illâ, in quam, auctoritate, quæ supra Petram, imò supra Christum, cuiusque Verbum immutabile fundata, non locis, non temporibus, non hominum arbitrio moueri potest, euertique.

Fixum ergo ratumque sit, posse Reges, posse Regios Ministros Censuris percelli, etiam cum Principis mandata exequuntur; siquidem ea ipsa executio cum aliquo delictorum coniucta sit, quæ Censuras merentur, vt nuper cum Lauardino contigit.

Quæ Talonius narrat de ijs, quæ Neapoli & in Sicilia contigerunt, indigna sunt refutatione, quippe palàm & indubiè falsa.

Constat enim nonnullos ex Consiliarijs statûs.  
Re-



Regijsque Ministris à Nuntio Apostolico excommunicatione percussos sacris abstinuisse, vtque Natalitia festa obire possent , prius veniam postulasse, atque etiam obtinuisse, cum clausula tamen de *Reincidentia* , nisi à Nuntio imperatis obtemperarent. In Sicilia quóque cum ob violatam Ecclesiasticam immunitatem, & Vice-Regem, & alios Regis Ministros Panormitanus Archiepiscopus anathemate percussisset, non prius absoluti sunt, quàm Archiepiscopum adirent, publicèque ac solito ritu veniam poscerent.

Ea quóque prætereo, quæ de Ignorantia Bullæ, deque eius publicatione nunquàm in Gallijs facta ab aliquibus recitantur, & ipse quóque Talonius ea tantum cursim obiter que perstrinxit. Nam vt eo Pontificis Diplomate ij saltem, qui Romæ morabantur, obligarentur, sufficit illud Romæ promulgatum esse, Romæque pependisse. Nolo hic querere, Legatus fuerit, aut non fuerit Lauardinus; quamuis enim multis rationibus euincere possim, non fuisse pro Legato habitum, cum videlicet non sufficiat aliquem pro Legato mitti, nisi etiam à Principe, ad quem mittitur, pro Legato admittatur: & quoties ipsius Pontificis Nuntij, cum ad Galliæ limites peruenissent, iussi sunt redire, nec vnquàm admissi, non aliâ ratione, quàm quòd Regi non placerent? Sed siue Legatus sit, siue non sit Lauardinus, sufficit iam dicere, non ignorasse illum, imò nec ignorare potuisse, sub pœna excommunicationis ipso facto incurrendæ à Pontifice vetitum esse, ne quis Ius Franchitiarum, Quarteriorum, & Asyli prætereundere, multoque minus usurpare auderet. Sciuit Lauardinus; usurpauit tamen, nec monitus cessauit; non celari delictum poterat, non vllò Priuilegio purgari; meruit ergo Censuras, incurritque; & quòd postea non petita, nec impetrata veniâ, Parochialem S. Lu-

S. Ludouici Ecclesiam intrauerit, adieritque Sacramenta; contempus & iniuria fuit, Pontificis Ecclesięque auctoritatem cum fastu calcantis.

Postquā Talonius nullo fundamento dixit, à Pontifice non posse Legatos excommunicari; adiungit, multò minùs potuisse ob ius Asyli, & Franchitiarum: *Has enim esse ius merè temporale, sicque excommunicationi non subiacere, tantoque magis, quodd illud immemoriali præscriptione in Regem transferit.*

Sed primò quærimus ex Talonio, quis Parlamento hanc potestatem tribuerit, inter Pontificem Regemque causam Romanę vrbis, deque iure Franchitiarum iudicandi? num ergo & Pontifex, & Roma, & vtriusque causę ad parlamenti, Regisque tribunal pertinent, vt ab isto delegari, ab illo (cui tantum causę priuatorum submittruntur) decidi, finireque debeant?

Deinde vt rem ex suis principijs examinemus, videndum est, quænam tandem sint illa iura, quæ in Romanam urbem sibi vendicant Legati, quæque eorum rationes; nam si Talonio credimus, potest Rex Gallię in Romanam urbem supremam sibi auctoritatem asserere; potest Pontificem throno mouere. En noua Talonij iura, quæ nec Pithæo, nec alijs (Regiorum in diuersos Principatus iurium Collectoribus) in mentem venere; nam quòd hac auctoritate in Romanam urbem Rex interim abstineat, gratiæ Talonius & indulgentiæ adscribi, sic tamen, vt quando Regi placuerit, commodumque fuerit, vti possit hoc iure, Romęque dominari. Potest Rex, *inquit*, totā Romā potiri, nunc aliquā tantum eius parte conuentus est, quam Legatis suis cedit, & Quarterium vocant; nam ædes ipsas, Palatiumque Farnesium quòd attinet, in quo Legati morantur; nec Legatorum, nec Regis est, sed Ducis Parmensis. In hoc ergo Quarterio, seu in hac vrbis Regione,

(præ-

(præter lucrum, quod ex illis, qui huc confugiunt, Legatorium familiæ accedit) contendit Talonius, posse omnibus proscriptis, sicarijs, veneficis, Latronibus, Atheis, Sacrilegis, Adulteris, Meretricibus, omnibusque criminosis stationem & Asylum patere: huc Iustitiæ Ministris accessum non esse: neminem hic capi posse: nec ullum esse tam reum, quem, si huc confugerit, teneatur Legatus petenti Magistratui restituere, imò quicumque & cuiuscunque Magistratus Pontificij imperio hoc sacrarium intrauerit vincendis reis, posse à Legati Ministris percuti, occidique. Hoc ergo esse grande illud Gallici Regis priuilegium, quod non deleri, non alienari possit, & denique cuius gratiâ Parlamentum humillimè Regi supplicat, ne illud violari quouis modo patiatur.

Subit planè animum admiratio, tantos, tantæque sapientiâ præditos Senatores, quantâ illi gloriantur, qui Parisiense Parlamentum componunt, non erubescere causam tam friuolam, tam nouam, tam iniustam, & omnibus legibus Diuinis humanisque contrariam sub oculis totius Europæ sustinere, suamque illi auctoritatem præstare: & saltem moderari decebat, & aliquâ exceptione coercere; si enim Rex auctoritatem aliquam, & ius præuentionis Reos puniendis in certo aliquo, exemptoque vrbis Territorio sibi assumeret, nouum quidem id esset, nullaque ratione subnixum; ferri tamen utcunque posset; quippe & delicta in aliquo tandem Territorio punirentur, & totâ Româ publicæ quieti prouisum esset. Sed nihil horum Regis Legatus. Imò quantacunque sit huius prætensi iuris, aut priuilegij iniustitia, non desunt Regi nec in aula, nec in Parlamento, nec in ipso Conscientiæ foro Adulatores, qui ut illud tueantur, Regique persuadeant, Caroli Magni, aliorumque Galliarum Regum & liberalitatem, dum Romanæ vrbis dominium concessere, & modestiam

deftiam extollunt, cum tam modicâ vrbis parte, quâ videlicet Quarterium extenditur, contenti funt.

Sed Talonius nec Caroli Magni, nec aliorum donationes, nec alios titulos moratus, vult quorumcunque criminum reos, vt primùm Legati Quarterium (quo magnus ædium & platearum numerus continetur) attigerint; continuò exemptos fieri, crimen extingui, accusaciones cessare, eodémque momento, non examinatâ, omnium scelerum absolui. Quòd si alij Principum Legati eâdem ratione, quâ Lauardinus Romam inuehantur triumphantium more, Palatia & Quarteria sua militaribus stationibus impleant, armisq; vt nuper Lauardinus ius Asyli inuadant; & deinde Latronum aliquis aut domum expilet Lauardini, aut aliquem occidat ex eius domesticis, quanti ab illo strepitus, quantique clamores? *Asyla corruptelas esse, quæ ferri non possint: prouocare omne genus flagitia; obflare naturali, Gentiumque iuri; extirpanda igitur & excindenda esse, nec minori seueritate è medio tollenda, quam in Galliæ Regno iura quædam Dominatiua sublata sint, quamuis longissimo & antiquissimo vsu iam dudum inolata.*

Quòd si à Talonio quæras, quæ tandem sit ratio, ob quam tantâ contentione, grande hoc priuilegium Regi suo asserat? cum nullam néque in publicis, néque in priuatis documentis, reperiat cogitur totam felicitiam suam in possessione duorum Galliæ Legatorum collocare, Pisanâque Conuentione, quamuis nihil tale, imò contrarium hæc dicat. Sed siogula videamus.

Quæro igitur ex Talonio, fateatur an neget supremam Romanæ Vrbis Iurisdictionem ad Pontificem pertinere? Non credo equidem negaturum, cum faciliè ex historica narratione conuinci possit, ostendique, multis antè sæculis Pontifices Romano Princi-

patu

patu potitos esse, quàm Stirps, ex qua Moderni Reges prodiere, thronum conscenderet. Si ergo suprema, & Regia Romanæ urbis potestas semper Pontificum fuit, adeò ut nec Cæsaris, nec alterius Principis dominatum agnoscat, meritò ostendere Talonius debet, qui ergo in ipsa Vrbe Dominatrice, ac Ecclesiastici statûs Metropoli Rex Galliæ sibi hanc Iurisdictionem vindicare possit? Certum enim est, atque apud ipsos Galliæ Iurisprudentes receptissimum, Iuribus supremæ Iurisdictionis ne centenariâ, imò ne plurium quidem sæculorum possessione præscribi posse. Additque Lebreus Aduocatus Generalis suo *de Iure suprematûs* Tractatu, omnium iurium, quibus Principes potiuntur, præcipuum, maximèq; necessarium esse, ius vitæ, & mortis, puniendique delicta. Si ergo Pontifex supremam in toto Ecclesiastico statu, ac præcipuè Romana Vrbe potestatem exercet: si hanc ipsam omnes in Pontifice Reges agnoscunt, & ideò illius Legato primas concedunt: si hæc potestas præscribi non potest: sequitur ergo, non posse Pontificem hanc potestate priuari, nec ullam præscriptionem validam esse.

Quòd si Talonius negat, Regum Galliæ iura præscribi, aut alienari posse; cur non æquè Pontificum iura? nisi fortè Talonius aliâ lance Galliæ iura, aliâ Pontificis expendi velit. At supremæ Iurisdictionis eadem conditio est, in quocunque siue in Rege, siue in Pontifice reperiatur. Gaudeat Lagardinus, omnesque Galliæ Legati hoc Iure immunitatis, si modò eandem immunitatem Pontificis Legato Parisijs concedant. Quòd si Parisijs negant, quâ rogo conscientia hanc Romæ petunt? sunt enim reciproca iura Legatorum, proueniuntque ex Gentium iure, quod idem ubique est, sicque immunitas à Gallis optata aut omnibus Legatorum, aut nullis debetur. Legat tantum Talonius Grotij libros de iure belli, & pacis, vide-

videbitque longè alia esse, quæ de Legatis, eorumque immunitatibus Ius Gentium disposuit; quàm ipse effinxit, vt posset iniquissima Lanardini postulata, quouis modo sustinere.

Cùm ergo Pontifex in Urbem Romanam suprêmâ iurisdictione gaudeat, & à nullo Principum dependente; cùmque hæc ipsa suprema iurisdictio præscribi nunquam possit, & hæc ipsius iurisdictionis præcipua pars sit, ius reos puniendis; manifestè sequitur, ne hoc quidem ius posse præscribi; adeò vt prius Iurisdictione adimi Pontifici debeat, quàm potestas criminofos puniendi, capiendisque locorum (intra tamen Pontificis ditionem) reperiantur, ac etiam in ijs Urbis Regionibus, quæ quarteria appellantur; nec posse à Principum Legatis Ministros Iustitiæ impediri, multòque minùs puniri, malèque haberi.

Deinde vt Talonij rationes propiùs examinemus. Quæro an hoc Asyli, & Quarterij priuilegium velit Talonius annexum esse, insertumque officio Legati, sicque omnibus Legatis deberi, an verò soli Galliæ Legato? in omnium Principum aulis locum habere, an in sola Romana? & quia Pontifex Princeps Ecclesiasticus est, & nec voluntatem, nec vires habet, quibus torrentem sustineat Gallicæ Potentiæ; quæro inquam, an ideò præ alijs Principibus hæc seruitute grauari debeat? Rursus explicari à Talonio velim, quo tandem titulo hanc Legatorum immunitatem, fulciri velit? Priuilegij? feudi? belli? Conuentionis? Concordati? an verò possessionis viginti ferè annisà Legatis vsurpatæ? Volui tot titulos consultò numerare, quia in nupera Declamatione nullum Talonius distinctè expressit.

Si ergo hæc Asyli immunitas officium Legati comitatur, sequitur deberi omnibus Legatis, & in omnium Principum aulis, quod nunquam Gallia concedet. Si soli Galliæ Legato debetur, quæro quo titulo

tulo huic potius, quàm alijs Principum Legatis ? nullum enim Talonius producit, non Conuentionis, non Concordati, non Donationis, non denique Belli; nunquam enim Galliæ Rex Romam expugnauit, reddiditque Pontifici hâc conditione, vt Asylum pateretur.

Nec mihi Pisanam Conuentionem obijcias; illam enim vix cursum, timidèque Talonius attingit; quipè indignam iudicat, quæ huic causæ suffragari possit. Illa enim non de Iure Asylorum, ac Latronum, proscriptorumque patrocínio agit, sed de Legatorum, & qui illis famulantur, securitate; dèque obseruantia Legatis debita, quam Corsi milites violauerant. Imò quamuis Galliæ Legatus eâ occasione vsus saltem aream Farnesio palatio addictam peteret, quæ Asylo donaretur, nunquam Alexander Pontifex id concedere voluit.

Cogitur ergo Talonius totam denique Demonstrationis suæ summam ad Possessionem trium Legatorum referre, quos dicit hâc immunitate gaudios esse. Sed ex hisce tribus duos Talonio non admitto. Tertius, qui hoc ius palàm vsurpauit, est Dux Estreus. Constat gubernante Ecclesiam Clemente Decimo, tam huius, quàm præsertim odio primi eius Ministri conspirasse Principum Legatos, propriâque auctoritate hoc ius Asyli, & Quarteriorum occupasse. Iam quæro ex Talonio, an credat se mundo persuasurum, violentam vsurpatamque Possessionem, & tot Pontificum diplomatibus aduersam, ac toties damnatam sufficere extinguendis Principum iuribus, inducendæque Præscriptioni ? & ideò spoliari sua iurisdictione Pontifices, quia iniquitas temporum, metusque peiorum coegit illos aliquandiù conniuere ? Et si ita est, cur ergo Ludouicus XIV. Galliæ Rex tot abolita, & antiquata iura in integrum restituit, sibi que asseruit, de quibus nullus

nullus Galliarum Regum hactenus cogitauerat?

Nulla ergo præscriptio obtendi potest; sed neque modus accusari, quo Innocentius hoc malum extinguere aggressus est. Quamuis enim iam in ipso limine sui Pontificatus agnosceret, nullum Romæ, aut grauiorem abusum vigere, aut remedio digniorem; non idèò tamen illi è medio tollendo inconsultè, abruptumque accinctus est, sed lentè placidèque; iam Rege per Nuncios tentato, iam morte expectatà; nec priùs visi satellites circa palatium Farnesium, quàm extincto Eſtreo Legato, conditòque; adèò vt etiam cadaueri reuerentia haberetur. Hoc est Galliarum hostem profiteri? hoc, vt causatur Talonius, Regem ex industria irritare? imò hoc ad iusticiam, publicamque quietem pertinuit, nec aliud vulgata Bulla, sublatàque flagitijs securitate, ac impunitatis spe (quam Quarteria prouocabant non minimam Urbis partem complexa) sibi Innocentius proposuit. Imò ne quidem ad vulgandam Bullam processit, nisi priùs per Nuncios, & repetitis vicibus monito, rogatòque Rege, dignaretur Legatis, quos Romam destinabat, imperare, vt hanc immunitate, & Asylo abstinerent.

En tibi Innocentij Pontificis delicta, & culpas, ob quas dignum eum censui Talonius, quem pro Gallorum hoste, Hæreticorum verò præsertim Iansenistarum, & Quietistarum Protectore traduceret. Cui vnquam in mentem venisset, eo ipso tempore, quo Galliarum Rex tantum Catholicæ Religionis Zelum ostendat, tantumque ardorem omnes, quotquot in Gallijs hæresin profitentur, ad Ecclesiæ sinum reuocandi; reperiri tamen ex Regijs Ministris, qui famosis libellis, & calumnijs longè indignissimis famam Romani Pontificis, Sedisque Apostolicæ inquinare audeant?

Euenit ergo aliquid etiam hoc tempore, quod nulla deinceps Posteritas crederet. Ministros videlicet il-

lius



lius Regis, cuius auctoritate Iustitiam totâ Galliâ florentem videmus; velle tamen, imò extorquere à Romano Pontifice, vt Asylum, tutâmq; stationem omnibus flagitijs, inque ædibus Legatorum Romæ aperiatur: & Pontifice tam iniustis conatibus aduersante, continuò & Romæ Lauardinum comparere, armatum, pugnacemque; & Talonium Parisijs tot faces, quot calumnias vibrantem in eum Pontificem, quo vix alium ex ijs, qui Ecclesiam gubernârunt, pietate, & sapientiâ superiorem inuenias: in eum inquam Pontificem, cui non alia cura, quàm Dei, Ecclesiæque sibi commissæ; cui nulla cumulandi Thesauros, augendæque familiæ cupiditas, qui se totum, suâsque curas, & vigilias in id solum impendit, vt nomen Christianum longè latèque extendat, delectatque Infidelium Potentiam. Qui denique virtutibus suis meruit, vt cum eo Rex Christianissimus vires, & amicitiam iungat, exemploque aliorum Galliæ Regum pietatis, & gloriæ suæ partes ducat, studia Romani Pontificis promouere, Sedisque Apostolicæ dignitatem auctoritate suâ fulcire.

Et verò si Galliæ reuerentiam obseruâssent, & Principi, & Pontifici debitam, sufficere Innocentio poterat sub pœna læsæ Maiestatis Asyla, & Quarteria prohibere; nunc verò postquam alia rerum facies; qui aliud Pontifex potuit, quàm vt tollendo abusu sui tam infami, plenòque periculis totam explicaret Ecclesiæ seueritatem? & tamen ne hanc quidem sufficere, imò à Regijs Ministris Caluinistarum more contemni, experientia nimium docuit. Quid ergo sufficiet, quando nec Religio suffecit ijs coercendis, qui tam impia consilia, tamque scandalis plena Regis suggessere?

Restat vt alia percurramus à Talonio obiecta: *Non potest, inquit, Pontifex esse iudex in sua causa.*

Ergo, nec Rex, nec Parlamentum; quòd si nihil

K

hoc

hoc aut Regem, aut Parlamentum impedit, vt nōn possint leges, & dicta vulgare; quibus iura cum vtilia; tūm honoraria sua tueantur, cur impedian Pontificem? Potuit ergo Pontifex tanquā Princeps Supremus Romanæ Urbis edictum Bullamque conscribere, quā publicæ quieti, iustitiæque prouideret; eūmq; & Bulla; & Bullæ executio in sola Pontificis ditione locum haberet; nōn opus fuit, illam aut in Gallia promulgari, aut Lauardino insinuari; nam neque Galliz Rex Leges suas aut Legatis, aut exteris, qui in Gallia morantur, promulgari facit; & tamen omnes volentes inuitosque constringunt nemine conquerente; Regem non posse in causa propria iudicem esse.

Illud verū est, velle Gallos, tonarique; vt Pontificem ex Principe supremo Feudatarium, & Vassallum Regibus faciant. At fieri hoc non potest, cum potestas Pontificis siue spiritalis, siue temporalis à nullo Principum dependeat; nullique subiecta sit: Quod si tanta Regibus cura, in iuribus suis conseruandis etiam malè quæsitis; non minor esse debet Romano Pontifici in conseruanda spiritali; & temporalis suā; & à Deo accepta dignitate; nam quod hactenus Pontifex temporalibus armis obstinuit; non ideo aliis, multoq; potentioribus pepercit, orationibus videlicet; lacrymisque; hæc tot calumniis, insultibus; iniuriisq; opposuit; & forsan maiori effectū, quā Aduersarii opinentur, Deo Sanctorū ac præsertim sui Vicarii iniurias plerūq; vindicante, verbo: *Timeat orationem; qui non timuit exhortationem.*

Tandem obiicit Talonius: *Non posse ob iurā, tāsque merè temporales quemquam excommunicari.*

Respondeo aliud esse res temporales, aliud crimina, quæ rerū temporalium intuitu committuntur; quid magis temporale; quā ipsa pecunia? & tamen  
quis

quis nescit, tam vniuersalibus Ecclesiæ, quàm particularibus Galliæ Canonibus fures expilatoresque Templorum sacrilegij damnari, ac etiã excommunicatione puniri? & quid in Gallia frequentius, quàm vt ex præscripto noui Codicis cogantur Ecclesiæ Ministri in causis merè temporalibus prius monitorijs; deinde censuris & excommunicationibus in Contumaces agere? Demus ergo causam Asyli & Quarteriorum esse merè temporalem: at crimen sacrilegij, quo se obstringunt, quicunque ius illud vsurpant, prohiberi, puniriq; excommunicationibus potuit:

Cæterum res ipsa & veritas est, bonorum, iuriumque Ecclesiasticorum vsurpationem, vnum ex atrocioribus delictis; & sacrilegium esse; mereriq; excommunicationem: Sic antiqua Galliæ Concilia, quæ solâ Regum auctoritate coacta esse Talonius contendit; sic Caroli Magni, Carolique Calui Capitularia loquuntur; quibus omnes, quicunque decimas, iura, feuda, terras, prouentus & Iurisdictionem Ecclesiarum inuasent; aut alias vsurpauerint, anathemate puniuntur:

En tibi Galliæ Regum sententiã, quæ res & Iura Ecclesiæ inter res sacras reponuntur; eorumque vsurpatio pro sacrilegio habetur excommunicatione digno. Quodd si feuda & alia Ecclesiæ Dominia ad Episcopos aut Abbates pertinentia rebus sacris adscribuntur, quanto magis suprema Iurisdictione Ecclesiæ Romanæ Christique Vicario debita? quantoque grandius sacrilegium, si ista rapere aggrediaris? non ergo vt sibi falsò Talonius persuadet, quæstio Asyli & Quarteriorum ad causas pertinet merè politicas, prophanasque; sed ad causas maximè sacras. Quocumque enim modo suprema Romanæ vrbis Iurisdictione ad Pontifices deuenit; constat in multis iam sæculis fuisse ab illis possedant; constat quo-

quoque eodem momento, quo ad Ecclesiam peruenit, Deoque consecrata fuit, mutasse naturam, & de profana in sacram euasisse, sicque ex sacrorum Canonum Galliarumque Conciliorum sententia, quicumque sibi illam usurpauerint, anathemate dignos esse.

Quamuis ergo & suprema Romæ, totiusque Ecclesiastici statû iurisdicção, & ingentes Principatus, quibus gaudent Romani Pontifices, Carolo Magno, alijsque Galliarum Regibus prouenisse concedemus (id tamen multi in Gallia Auctores non admittunt) negari non potest, ab eo statim momento, quo absolute, nulloque reseruato iure feudi, aut superioritatis Ecclesiæ, Christi que Vicario donata sunt, non posse à quoquam violari, adimique Romano Pontifici, qui illam tot iam sæculis possedit. Alioquin & sacrilegus erit, quicumque in res Deo dicatas manus iniecerit, & reus anathematis, omniumque poenarum, quas huiusmodi usurpatoribus infligunt Galliarum Concilia, quasque in ultimo Diplomate Innocentius repetijt; nec enim noui aliquid decreuit, sed antiquos tantum Canones reuocauit.

Et planè si iniusticiam consideres, & ingentia mala, quæ ex Asylis, & iure Quarteriorum proueniunt, indignum profectò Pontificiâ Dignitate Innocentium dixeris, sacræque Sedis desertorem, si turpissimo metu fractus, iura suæ Ecclesiæ, quasque in depositum accepit, Principum cupiditati exponeret; neque tam grandis abusui delendo totâ auctoritate sua laboraret.

F I N I S.









